






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5475/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5475/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5475/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5475/A

5475/A









HISTORIA
CONTAGIOSI
MORBI,

QVI FLORENTIAM
populatus fuit anno 1630.

ALEXANDRO RIGHIO
Florentino Interprete.

AD ILLVSTRISSIMVM
VINCENTIVM
CAPPONVM

Marchionem dignissimum.



FLORENTIÆ, Typis Francisci Honufrij.
Superiorum permissu. 1633.

HISTORIA

CONTAGIOSI

MORBI

QUI FLORENTIA

populatae sunt anno 1630

ALEXANDRO RICHIO

Thomae Langeni

AD LECTURANDUM

VINCENTIVM

CAPITONVM

Dei Gratia



IN ORIENTE THEATRO



ILLVSTRISSIMO
VINCENTIO
CAPPON O.

ALEXANDER RIGHIVS S.



AGENTI mihi Quarante-
nam, & ocium, & solitu-
dinem illius excogitanti
venit in mentem Aristote-
licum illud, *Solizarius*, aut
Bestia, aut *Deus*. Quam
ob rem cum Deus esse nequeam, Bestia autem
esse nolim, ne essem ociosus in ocio, neq; in
† 2 soli-

solitudine solus, Historiam huius nostri Con-
tagij (quaecumq; illud fuerit) breuissimè pro
viribus explanare decreui . Opusculum qui-
dem (liberè fateor) vix inchoatum, ne dum
imperfectum, dignum certè, quod obliuioni
potius, quàm typis committeretur, attamen
ita tulit cuius voluntas mihi lex est. Non fui
diù præmeditatus cui nam dicare illud debe-
rem, statim enim occuristi mihi, Illustrissime
VINCENTI, qui gratè illud reciperes, &
Illustrissimo nomine tuo, summisq; meritis
tuis illud perficeres. Accipe igitur illud liben-
ter, (quæ tuâ erit benignitas) & nomen tuum
in illo solum respice, nomine tuo insignitum
illud dilige, tenebras illius lucis tuæ radijs il-
lustra, & ab omnibus Zoilis, suis illud semper
defende; quàmquàm certò scio, quod nomi-
nis tui coronam fronte gerens non solum tibi
ipsi, sed omnibus etiam alijs gratum, & pre-
ciosum erit. Vale.

HISTO-

HISTORIA



*Abente anno 1630.
bellantibus in Italia
Ferdinando Secundo
Imperatore Augusto,
& Serenissimo Caro-
lo Primo Gonzaga
Mantua, & Montis
Ferrati Duce meritissimo, Pestis, vel pe-
stilentes morbi, (ut ferunt) per totam fe-
rè Galliam Cisalpinam nimis seuerè spa-
tati*

tiati fuerant. Ineunte autem Autumno
Florentiæ quoque Serenissimo Ferdinando
Secundo Magno Hetruriæ Duce Heroicè
dominante non Pestis, sed contagiosi mor-
bi super pauperes, & egenos tantum exorti
sunt. Equidem tunc temporis quicumque
moriebantur, plurimi aut Bubone, aut Car-
bunculo, aut Erysipelate, aut Inflamma-
tione, aut alio quouis Tumore, aut Pustu-
la, aut Ulcere, aut Liore, aut aliquo cuta-
neo morbo affecti moriebantur; non tamen
quicumque aliquo ex dictis morbis affecti
erant, moriebantur, horum enim plurimi
curati, & non curati sanabantur. Per an-
nos quidem nonnullos tempora intempesti-
ua, inconstantia, pluuiosa fuerant, aer
tamen serenus, & purus erat; alma tellus
fructus suos nimis auare produxerat; ar-
tes ferè inertes, & negocia quasi ocia fue-
rant; diæta pessima, incontinentia maxi-
ma pauperes præcipuè usi fuerant. Sere-
nissimus Ferdinandus Pater pauperum
Illustriss. Senatoribus Sanitati præfectis
impe-

imperauit, ut recte consulentes, omnibus
hominibus imperantes, nullis sumptibus
parcentes contagiosos morbos (quoad hu-
mane fieri posset) radicitus euellerent.
Longum nimis esset omnia sigillatim recen-
sere, quæ Illustrissimus, ac Reuerendissi-
mus Archiepiscopus, quæquæ Illustrissimi
Senatores in tota Hetruria, finibusquæ il-
lius instituerunt, sed pars eorum, quæ Flo-
rentiæ statuta sunt, dicetur. Ille in Eccle-
sijs Aquam benedictā, Conciones, & pias
Societates; isti Gymnasia, Emporia, Nun-
dinas, & omnes Cōgregationes prohibuerūt.
Omnibus agricolis Medicorum consilio
mandauerunt, ut in proxima futura vin-
demia Aquam musto commiscerent. Ca-
nes vagos omnes interfici voluerunt. No-
socomion, vulgo Lazzaretto nominatum
unum intra Urbem in Hospitali comuniter
dicto Bonifatij erexerunt. Quo vel leui
quouis morbo cutaneo affecti, siue cum fe-
bre, siue sine febre, alioquæ morbo coniuncto
omnes in feretris vellent nollent adduce-
bantur;

bantur; nullo autem cutaneo morbo labo-
rantes, etiam si quouis acuto morbo, & ma-
gna febre laborarent; non adducebantur.
Vbi licet curati, omnes tamen ferè morie-
bantur. In Ciuitate autem quatuor Me-
dicos, totidemquè Chyrurgos elegerunt, qui
in proprijs domibus omni authoritate unum
quemquè agrotum visentes, si cutaneo so-
lum aliquo affectu laborantem cernerent,
Magistratui statim denuntiarent, quouis
autem alio morbo affectum, nullum denun-
tiarent. Omnibus alijs Medicis, & Chy-
rurgis imposuerunt, ut nullum talem agro-
tum nisi semel adirent, antequam ille Ma-
gistratui denuntiatus fuisset. Vnusquisq;
Paterfamilias suos familiares, & dome-
sticos agrotos denuntiare similiter teneba-
tur. Aegroti omnes denuntiati subito ad
Lazzarectum in feretris efferebantur.
Mortui denuntiati in agro uno intra Vr-
bem, non denuntiati in duobus extra Vr-
bem sepeliebantur. Feretra tam agrotan-
tium, quàm mortuorum minister quidam
Campa-

Campanulam sonans praibat. Domus om-
nes, in quibus talis agrotus, aut mortuus
fuisset, ne quis ingredi, aut egredi posset per
viginti dies omnino clausa manebant. To-
ta Ciuitas timore, pauore, & formidine
plena erat. Vnusquisque magis Lazza-
rectum, & sepulturam, quam mortem ip-
sam horrescebat. Inde fuit, quod Sanita-
tis Praesides Lazza recto illo uno penitus
derelicto alia duo extra Urbem erexerunt.
Quotidie numerus agrotantium, & mor-
tuum, & Ciuitatis horror augebantur.
Nonnulli solo timore agrotabant, & mo-
riebantur. Aliqui pra timore alexiphar-
macis multis utebantur, & inde agrota-
bant, & peribant. Medici quidem ipsi in
Lazza recto curare nolebant, sed tam Me-
dici curaturi, quam egroti curandi coacte
ad Lazza rectum ducebantur, ubi agroti,
& Medici simul cum agonia fere omnes
moriebantur. Nobiles, & diuites pra ti-
more Ciuitatem, ut odiosam deferentes ne-
morum, & sylvarum tanquam facti Ciues

† †

amica

amica rura inhabitabant. Cives, & opifices satis locupletes Sanitati Praefectos magnis precibus orauerunt, ut si quis morbus cutaneus illis accidisset, in proprijs domibus, proprijsquè sumptibus curari sibi liceret, nec ad Lazzaerectum duci cogerentur. Sanitatis autem Praesides gratiosè Medicos duos, totidemquè Chyrurgos elegerunt, qui in proprijs domibus, proprijsquè sumptibus illos curarent, sed alium cutaneo aliquo affectu non laborantem curare poterant nullum. Omnes alijs morbo non cutaneo laborantes à quolibet alio Medico, in quolibet loco, & tempore ad libitum curari poterant. Gratia fuit laudatissima, sicut fuit omnibus gratissima; & ab illa hora Contagij, & mortis timor, & horror publicè decrescere inceperunt. Fortunatus, & felix sibi videbatur agrotus ille, qui nullo cutaneo morbo laborabat, qui autem laborabat, nesciebat, an vivere esset mori, an mori vivere, & an vivens mortuus esset, an mortuus viveret.

Plures

Plures ministri Sanitatis (demptis viris
nobilibus) mercenarij, & venales homines
erant. Siquis à Lazza recto sanatus re-
dibat, aut miraculosè sanatus, aut redi-
uius existimabatur. Qui autem sanatus
redibat, antequàm domum adiret, Qua-
rantenam agere cgebatur. Postea vesti-
mentis veteribus omnibus combustis, nouis
autem indutus, tanquàm corpore, & ve-
stibus homo nouus ad domum proprium re-
uertebatur. Mortuorum autem in pro-
prijs domibus non solum vestimenta, sed
lectum, & suppellectilia omnia cremaban-
tur. Virgines, & pueri Crucis vexillum
per Ciuitatem gestantes, Litanias canen-
tes; viri, & mulieres variè vouentes; Sa-
cerdotes assidue sacrificia, multasquè sup-
plicationes Deo, & Deipara offerentes sa-
nitatem, & publicam salutem deprecaban-
tur. Quoniam autem numerus agrotan-
tium nonnihil crescebat, Praefecti Sanita-
ti aliam etiam plura Lazza recta extra
Vrbem, & valdè distantia erexerunt.

††

2

Mul-

*Multiplicatis Lazza rectis timor, & hor-
ror in Ciuitate quolidie diminuebatur, &
agrotantium, & mortuorum numerus de-
crescebat; agrotantes etiam ad Lazza-
recta sese ferri libenter sinebant. Lazza-
recta plura pro diuersitate agrotantium in-
ter se diuersa quoque erant; nam in alijs
lethali, in alijs salutari morbo affecti, in
alijs conualescentes, in alijs suspecti, in alijs
Quarantenam agentes commorabantur.
Omnibus his Lazza rectis omnia medica-
menta abundantissime, & piissime ab uno
Hospitali Sanctæ Mariæ Nouæ comuniter
dicto semper elargita fuerunt. Mense I-
nuarij non dum elapso, Aquilone iam satis
spirante; Luna autem crescente agroti mul-
ti sanabantur, pauci autem moriebantur.
Gaudebat vniuersa Ciuitas tanquam re-
nati essent qui sanati fuerant, & nunquam
morituri qui non agrotauerant. Serenissi-
mus Ferdinandus, ut ultimum Contagij
finem videret, Quarantenam duplicem,
politicam vnā, sacram alteram concele-
brari*


brari voluit. Politica talis fuit: Vnicuiq;
Ciuitatis Sexterio Illustrissimum Senato-
rem praefecit, cuius imperio agenda omnia
agebantur. In vnoquoque etiam Sexterio
triginta viros nobiles elegit, & unicuique
viro nobili quinquaginta domus alendas
distribuit. Vnicuique autem domui viri
nobiles alimenta quotidie ministrabant.
Omnes domus tam nobilium, & diuitum,
quam ignobilium, & pauperum clausa
erant; & sicut ex illis vnus, sic ex istis
nullus exire poterat; vnus autem ille neq;
mulier, neq; puer esse debebat. Ingredi
nemini licebat, nisi necessario. Sicut diui-
tibus nullum, sic pauperibus copiosum ali-
mentum dabatur. Alimentum erat Pa-
nis, Vinum, Caro, Oryza, Caseum;
Item Oleum, Acetum, Sal, Ligna, Car-
bones, & alia tum necessaria, tum utilia,
abundanter tamen omnia. Exultabant
pauperes clausi, quia in carceribus, vt
liberi; in paupertate vt diuites; in igno-
bilitate vt nobiles vivebant. Regia potius,
quam

quam politica Quarantena erat, nam Serenissimus Ferdinandus amulus Auroræ (servato decoro) equitando sæpè totam Civitatem perlustrabat. Et illo prættereunte resonabat laudibus æter, iteratisquè laudibus pauperes clausi ad Cælum usq; illum efferebant, & illi salutem præcantes, valdequè clamantes dicebant, valeat, valeat, vivat, vivat Serenissimus Ferdinandus. Rustica Quarantena fuit etiam concelebrata, in qua prædium colentes in prædio; operarij in terminis ducentorum passuum à domu propria clausi erant. Unus exire poterat, sed neq; mulier, neq; puer, ingredi autem nullus nisi necessario. Alimentum dabatur operarijs tantum, & erat Panis triticeus ab viris nobilibus similiter distributus. Peractis Quarantenis, deletio Contagio, domibusquè reclusis, tam nobiles, & diuites, quàm ignobiles, & pauperes, tam fœmina, quàm pueri, tam civiles, quàm rustici paulatim omnes liberi facti sunt. Numerus eorum, qui in hoc
anno

anno quovis morbo, quovis loco, siue intra,
siue extra per tria miliaria circa Urbem,
curati, & non curati mortui sunt,
novem milium vix completus
fuit. Sacram Quarantenam sacra per-
sona descri-
bet.



HISTO-



HISTORIÆ INTERPRETATIO.



ABENTE Anno 1630.
bellantibus in Italia
Ferdinando II. Impe-
ratore Augusto, & Se-
renissimo Carolo Gonza-
ga Mant. & Mont.
Ferr. Duce meritissimo,
Pestis, vel Pestilentes
morbi (ut ferunt) per totam ferè Galliam Cisalpi-
nam nimis seuerè spatiati fuerant.

Nimis aliena, parum q̃ cognita nobis sunt,
quæ dicenda forent de bello Italico inter præ-
fatos Principes; necnon de Peste, vel morbis

A pesti-

pestilentibus, qui ferè per totam Galliam Cisalpinam tunc temporis grassati fuerant, quorum quidèmem meminist Historia, sed quia nihil aliud addit, ideò omnia illa alij viderint. Nos nostra agentes, quid Florentiæ Patriæ nostræ in hoc anno contigerit (prout Historia refert) breuiter pro viribus explicabimus.

2 *Ineunte autem Autumno.*

Autumnus esse pessimum omnium temporum nemo est, qui nesciat, ille enim vitæ nostræ toto diametro pugnat, & opponitur, cum ista in calido, & humido, ille autem in frigido, & sicco sedem suam habeat. Autumnus est similis senectuti, quæ similiter est frigida, & sicca, sed sicut ista terminatur ad mortem, sic ille est via ad interitum, & ideò in Autumno multa vegetabilia exiccantur, & multa animalia moriuntur. In Autumno etiam pulsus malus est, nam est similis pulsui senum. Non solum autem Autumnus ipse pessimus est, sed etiam ferè omnia, quæ producuntur in illo, vt poma, fructus, & alia multa, sicut Hipp. & Galen docent lib. 3. de humoribus; vnde Auic. dixit, *Caue tibi à fructibus Autumni.* Amplius, omnium ætatum, & corporum alia ad alia tempora benè, vel malè se habent,

vt

vt scribit Hipp. lib. 3. Aph. sed in Autumno
nulla corpora benè se habent, ille enim malus
est omnibus ætatibus, naturis, & regionibus,
vt Galen. docet lib. 3. Aph. 18. In Autumno,
vt plurimum generatur Pestis, nam aer subtilis
iàm factus ab calore æstiuo facilius recipit om-
nes impressiones, & qualitates, quæ postea in
Autumno ab calore iàm diminuto, & debili
resolui non possunt; vnde benè dixit Hipp.
lib. 3. Aph. *Autumno fiunt morbi magna ex parte
acutissimi, & perniciosissimi*; & lib. 6. Epid. ait,
Ferinum Autumno, per ferinum intelligens ma-
lignitatem, & perniciem, cùm in eo omne fe-
rinum, malignum, & exitiale malum genere-
tur. Summo iure igitur Historia, cùm de Peste,
& contagiosis morbis ageretur, Autumni men-
tionem fecit.

3 *Florentie quoquè.*

Alma Florentia omnium Urbium dubio
procul pulcherrima, vniuerso Orbi iàm iàm
satis notissima, sua fama, suisq; meritis conten-
tissima nihil indiget, vt de ea aliquid dicamus.
Verbum illud copulatiuum, *Quoquè*, potius
declaremus, quod quidem continuationem
non contagij, sed temporis significat; quasi
dicat Historia, quòd post bellum, & Pestem,

A

2

aut

aut pestilentes morbos illos, qui Galliam Cisalpinam populi fuerant, Florentiæ quoque, aliqui morbi contagiosi exorti sunt, non autem quòd aliquid contagij ab Gallia Cisalpinam Florentiæ communicatum fuerit, illius enim nullum signum, nullaque peregrina causacognita fuit.

4 *Serenissimo Ferdinando II. Magno Hetruria Duce Heroicè Dominante.*

Deus àm iam antiquitus semper dictus fuit *Optimus, Maximus*; Optimus quidem ob illius bonitatem, & sapientiam, Maximus autem ob illius potentiam. Istæ sunt illæ duæ virtutes, quibus ipse Deus totum Cœlum, Naturamq; gubernat, & quibus ipse cuncta excellit. Principes huius Mundi, cum sint tanquam Dij terreni, Deum prò viribus imitantes, sapientia, & potentia Rempub. gubernare conantur: & sicut Deus omnes Principes sapientia, & potentia antecellit, sic Principes omnes alios homines sapientia, & potentia superare debent; & idcò dixit Plato, *Natura quadam lege sapientia, & potentia excellens in idem tendunt, semperquè ista duo se inuicem affectant, persequuntur, congregiuntur, ut apparet non solum in ipso Deo, sed etiam in hominibus;*
vnde

vnde ipse Plato dabat hoc præceptum, *vt Prin-*
cipes honorent sapientes, & sapientes libenter Prin-
cipibus consulant, cum istæ duæ virtutes in Prin-
cipibus summopere requirantur; nam sapien-
tia absque potentia paucis prodest, & potentia
sine sapientia multis obest. Potentia sine sa-
pientia quò maior est, eo perniciosior; vnde
Plato ait, *Potentium ignorantia deterrima est*. Arist.
etiam lib. i. Rethor. dixit, *Sapere quidem regale*
est, & virum Principem maximè decet. Sapien-
tia autem sine potentia manca, & ferè nulla es-
se videtur. Felicissima igitur copula est, quan-
do in vno, eodemque animo illæ duæ virtutes
insunt, maximè autem in Principibus, illi enim
debent omnes alios homines his virtutibus
superare, quantum viri pueros prudentia su-
perant; & ideò dixit Plato, *Oportet Principes plus*
ab alijs differre, quàm viri à pueris differunt.
Galen. etiam scripsit ad Pisonem, *Imperatores*
antecellunt omnes, non solum quia à Dijs sunt Impe-
rium asecuti, sed etiam quia libenter in vniuersos
omnia bona Deos imitati conferunt maximam impe-
randi partem arbitantes communis salutis procuratio-
nem. Non solum autem requiritur in Princi-
pibus Dei Optimi Maximi pro viribus imita-
tio, sed requiritur etiam Dei auxilium ad hoc,

vt

vt rectè gubernent, nam, vt ait Arist. in Polit.
Ciuitem rectè gubernare non est possibile, Diuine
enim potentie id opus est. Plato etiam pluries
dixit, Rempub. rectè gubernare est donum Dei,
nec quis confidat se absque Diuina mente, & gratia
Rempub. rectè, & feliciter se gubernaturum, nam si-
cut bectia multæ ab vna sola, nisi sub humano Pastore
rectè duci non possunt, ita nequè homines multi feli-
citer ab vno quodam Rege, nisi & vnus ille regatur
à Deo, cum regendi facultas non aliunde, quàm à
Deo habeatur. Serenissimum Ferdinandum II.
Deum pro viribus imitantem, diuinitus affla-
tum, sapientiam, & potentiam, omnesque alias
virtutes Heroicè exercentem, Rempub. suam
faustè, & feliciter gubernare testis est tota He-
truria; vnde à suis Ciuibus summus illi debe-
tur honor, & laus, nihil enim maius Ciues suo
Principi reddere possunt. quàm sit Honor, &
laus, cum sint merces, & præmium rectè gubernan-
tibus, vt scribit Arist. in Ethic. Sed quia non
est huius loci Serenissimi Ferdinandi nunc di-
cere laudes, ideò relinquamus hoc opus illis,
qui vitam illius describere voluerint, & satis
sit nobis verba illa declarasse, Heroicè Dominan-
te, vt quanto iure Historicus illa addiderit, in-
notescat.

s Non

5 *Non Pēstis.*

Probatissimi nonnulli viri opinati sunt, quòd in Italia non sit Pēstis adeò sep̃æ, vt pri-
scis temporibus, immo quòd iam diù non
adfuit, aut saltē levis, quia in illa est morbus
gallicus, & ex quo tempore morbus iste est in
Italia, Pēstis ferè nunquàm audita est, aut sal-
tem levis. Ratio autem illorum est, quia cum
morbus gallicus sit Pēstis, vicem subit alterius
Pēstis, cum non possint esse simul duæ Pēstes.
Si vera esset hæc opinio, Florentia certè tutissi-
ma esset à Peste, cū morbus gallicus fortasse
superabundat in illa, & verum diceret Histo-
ria, dū ait, *Non Pēstis*. Nos autem dicimus,
Verbum illud significare, quòd Florentiæ verè,
& realiter non fuit Pēstis etiam si morbus gal-
licus ibi non adesset, *nam Pēstis est morbus com-
munis ab aeris corruptione genitus multos interfici-
ens*: At Florentiæ aer in hoc anno fuit sem-
per ita serenus, & purus, vt nunquam amplius.
Pauci etiam mortui sunt, & illi solūm pauperes,
vt dicetur inferius. Verissimè ergo dicit Histo-
ria, quòd Florentiæ non fuit Pēstis.

6 *Sed contagiosi morbi.*

Si Pēstis est morbus contagiosus, commu-
nis, & à tota substantia. Similiter, si morbi
con-

contagiosi sunt Pestis, morbus communis,
& à tota substantia, ad quid tantum discrimi-
nis ponere inter Pestem, & contagiosos mor-
bos, cum conueniant? Respondemus, quod
cum contagium sit quid occultum, & à tota
substantia, iure potest appellari Pestis. Simili-
ter, cum Pestis sit contagiosa, & contagiosi
morbi sint Pestis, patet, quod ratione conta-
gij conueniunt, nempe in genere, sed in specie
non conueniunt, nam morbi contagiosi, aut
sunt lethales, ut est vera Pestis; aut non letha-
les, ut elephantiasis; aut cum febre, aut sine fe-
bre; aut ab causa interna, aut externa, aut ab
utraque geniti, ut scabies; aut sunt communes
uniuerso corpori, ut morbus gallicus; aut uni
tantum parti, ut lippitudo, & alij aliter: quare
secundum has species, & differentias inter se
differunt, licet sint omnes contagiosi morbi,
& unusquisque appellari possit Pestis. Quoniam
autem Florentiæ non fuit vera Pestis, lethalis,
ab aere corrupto genita, ideo declarare oport-
tebat, quænam Pestis illa, & quis contagiosus
morbus ille fuerit. Sed oritur dubitatio, cum
aliqui morbi sint contagiosi, aliqui autem
non? Item, cum morbus est contagiosus, sani-
tas autem non est contagiosa? Item, cur mor-
bus

bus gallicus nunquam ab aere corrupto, neq;
ab causa interna, sed semper externa, & per
contactum generatur? Causa huius dubitatio-
nis est ipsemet Hipp. qui lib. de nat. Hominis
ait, *Omnes morbi sunt, aut ab aere, aut ab dicta.*
Respondemus, illi morbi sunt contagiosi, qui
sunt ab humore, aut halitu, aut spiritu gluti-
noso, corrupto, cutaneo, & morbifero, qui
contagio appropinquantem inficit; illi enim
imperitus ibi manet, quia glutinosus est, mor-
bumq; sibi similem facit, ut Arist. docet in
Problem. Alij autem morbi non sunt conta-
giosi, quia non taliter sunt licet cutanei sint.
Sanitas non est contagiosa, quia est in habitu,
vel potius quidam habitus; at habitus non
potest moueri ab eo, cuius est habitus, aliter
non esset habitus; habitus enim est altera na-
tura. Morbi verò, quia sunt in actu, & pos-
sunt moueri ab subiecto in subiectum, & alijs
corporibus communicari, aliaq; corpora affi-
cere, ideo contagiosi sunt. Morbus gallicus
fuit diuinitus immissus ad flagellum Veneris,
illiusq; sectatorum, & contagio, propagatio-
neq; solum seruator; ita ut si extingueretur,
non amplius naturaliter regeneraretur, quia
natura non habet illius ideam, sicut aliorum

B mor-

morbis, qui secundum naturam sunt.

7 Super pauperes, & egenos tantum.

Sicut aliquis morbus vnā tantum corporis partem afficere potest, vt lippitudo oculos, sic contagiosus morbus aliquis vnā tantum Ciuitatis partem afficere potest. Ratio autem cur pauperes, & egenos tantum morbi isti affecerint, est, quia sapientissima natura, vt melius corpus nostrum tueretur, genuit in ipso partes aliquas nobiles, & robustas, vt cor, & viscera; aliquas etiam minus nobiles, & minus robustas, vt venæ, arteriæ, caro, & similia; aliquas autem omnino ignobiles, & imbecillas, vt cutis, & glandulæ. Partes nobiles, sicut & minus nobiles inter potentias naturales habent expultricem, qua siquid superflui, aut molesti habent, ad partes inferiores, & omnino ignobiles, imbecillasq; transmittunt; & sicut partes nobiles ad minus nobiles, sic minus nobiles ad omnino ignobiles, debilesq; transmittunt. Partes omnino ignobiles, & imbecillæ, cum non habeant facultatem expultricem, non possunt expellere molestiam ad alias partes, vnde necessario egrotant, morbisq; multis subiciuntur. Quoniam autem pauperes, & egeni sunt totius Ciuitatis pars

igno-

ignominia, & dedecus, nec possunt molestias
ad alios transmutare, ideo necessario, siquid
mali in Ciuitate est, ipsi recipiunt, & retinent,
cum sint glandula Ciuitatis, sicut glandulae
sunt pauperes corporis. Pauperes, & egeni non
solum morbos corporis, sed animi etiam ma-
gis, faciliusq; quam alij homines recipiunt;
sunt autem animi morbi ipsa vitia; vnde Pla-
to dixit, *Si ut morbi sunt vitia corporis, sic vitia
sunt animi morbi*, quibus quidem abundante
pauperes, & egeni, vt potè qui omni virtute
carent, & necessitate coacti omnia vitia perpe-
trant; & ideo de illis loquens idem Plato, ait,
*Pauperes, & mendaces sunt fures, latrones, sacrile-
gi, & omnium scelerum auctores*; & hinc est, quòd
illos in sua Repub. nunquam admittebat.
Sed quia ratio ista potius est moralis, quàm
naturalis, ideo rationes naturales infra di-
cemus.

8 *Exorti sunt.*
Quasi dicat Historicus, si quis scire veller ab
quo horum morborum originem, sciat, quòd
ipsi in Ciuitate exorti sunt, nec aliunde mana-
runt, nec externam vllam causam, aut princi-
pium habuerunt, cum ipsa Ciuitas illos con-
ceperit.

B a 9 Equi-

9. Equidem tunc temporis quicunque moriebantur, plurimi, aut Bubone, aut Carbunculo, aut erysipelate, aut inflammatione, aut alio quouis, in quavis parte, tumore, aut pustula, aut Ulcere, aut luore, aut aliquo cutaneo morbo affecti moriebantur.

Hactenus dictum fuit tempus, locus, Princeps dominans, genus morborum, & species hominum ægrotantium, sed quinam fuerint morbi illi contagiosi, narrare oportebat; nam Pestis, & contagiosi morbi non sunt vnum tantum genus morborum, sed omnium morborum naturam induunt, & cum illis complicantur, vniunturque; siue lethales, siue salutaris morbi sint; ita ut quiuus morbus salutaris fieri potest contagiosus, & pestilens, sicuti etiam quouis Pestis, & contagium omnibus morbis salutaribus commisceri potest, ut est apud Hippocratem in Epid. & ideo signum Pestis, contagijque est, quando morbus de sui natura salutaris factus est exitiosus, & lethalis, ut tertiana, aut quarta febris, aut alius quiuus morbus salutaris. Qui autem fuerint morbi isti, qui Florentiam grassati fuerunt, Historia singulariter describit, quorum essentiam, causas, & symptomata si quis nunc declarare vellet, certe stomachum, nauseamque moueret, cum apud omnes ferè au-

thores

maiores hæc omnia satis, appareant. Illud potius notandum est, quòd tunc temporis pauci egroti moriebantur, & verbum illud, *Plurimi*, non dicit multitudinem, aut magnum numerum absolutè, sed quòd magna pars illorum paucorum, qui moriebantur, aliquo ex dictis morbis affecti, moriebantur, parua autem erat illa plurima pars.

10 *Non tamen quicumq; aliquo ex dictis morbis affecti erant, moriebantur, horum enim plurimi, & curati, & non curati sanabantur.*

Multum referunt verba ista, si enim quicumq; tunc temporis moriebantur, aliquo ex dictis morbis cutaneis correpti moriebantur, non idcirco quicumq; illis morbis correpti erant, plurimi moriebantur, immò plurimi, & curati, & non curati sanabantur, ut inferius patebit.

11 *Per annos quidem nonnullos tempora intempestiva.*

Ennaratis morbis contagiosis incipit Historia illorum causas antecedentes enarrare, quarum vnâ fuisse tradit, quòd per nonnullos annos tempora intempestiva fuerant. Intempestiva dicuntur tempora quando Ver, Æstas, Autumnus, & Hyems debitam suam temperiem

riem non seruant, & citius, aut tardius adue-
niunt, nec in debito gradu, aut debito tempo-
re durant, sed aut citius, aut tardius abeunt;
ita vt totus annus non sit recto ordine consti-
tutus, nec vices suas tempestiuè dispensatas ha-
beat, vnde tunc morbi mali iudicij fiunt, vt do-
cet Hipp. lib. de Aere, Aquis, & Locis, & lib 3.
Aph. 8. Ratio autem est, quia anni tempora
necessariò alterant, mutantq; corpus nostrum,
& natura impedita ab illa intempestiua tempo-
ris inæqualitate, nec debitè, nec tempestiuè di-
gerere, aut concoquere potest, nàm si tempo-
ra sunt intempestiua, & nullum ordinem ser-
uantia, morbi etiam erunt intempestiui, & nul-
lum ordinem, aut typum seruantes, cum sem-
per effectus sequatur naturam suæ causæ; vnde
neq; natura, neq; medicus possunt ordinem,
aut methodum vilam in curandis illis seruare
impediti ab illo inordinato motu morborum.
Plato etiam in Conuiuio ex ore Eryximaci Me-
dici celeberrimi de anni temporibus loquens
dixit, *Quoties illa calida, frigida, sicca, & humida
congruum inter se foruuntur amorem, & armoniam,
temperiemq; opportunam suscipiunt, salubrem, &
ferulem annum hominibus, animantibus omnibus,
atq; plantis asserunt, nec quidquàm ledunt.*

Contra

Contra verò, cum pestilens, & contumeliosus amor
in anni temporibus praeualet, iniuria multa corrumpit;
Pestem siquidem ex his oriri consueuerunt, alijsque
morbi permulti, & varij, brutis, & plantis innascenti,
quoniam pruina glacies, grando, segetum rubigines,
& putredo ex immoderato, & excedente qualitatum amore
proveniunt.

12 Inconstantia.

Aliam causam antecedentem adducit, & est, temporum elapsorum inconstantia; non enim solum fuerant intempestiua, sed etiam inconstantia, quæ quidem temporis constitutio est peior priore, sicut ambæ simul unitæ sunt omnium pessimæ. Inconstantia tempora sunt, quæ in suis qualitatibus, & naturis sæpè sæpius variant, aut simul commiscentur, aut inuicem commutantur, nec vllum ordinem seruant; ex quo fit, ut morbi tunc temporis similiter sint inconstantes, nec eandem morbi naturam seruent, cum vnus cum alio commisceatur, aut in alium immutetur, nec eundem ordinem, nec eadem symptomata habeat; hoc autem fit, quia talis est etiam illorum causa, nempe ipsa temporis inconstantia. Pessimi autem sunt isti morbi, difficiles, & mali iudicij, quia ob illorum inconstantiam medicus nec illos
cogno-

cognoscere, nec rectum iudicium ferre, nec rectè curare potest, & sic natura, & ars frustra laborant. Similes sunt morbi isti hominibus inconstantibus, qui quidem omnes mali sunt, nam homo inconstans numquam probus esse potest, & est homo ille, qui vnum incipit, aliud efficit, iterum incipit, iterumq; ab incepto desistit, vnum pollicetur, aliud autem seruat, nec fidem vllam præstat, & ideò dixit Arist. lib. 7. *Ethic. Homo prauus mutabilis est*; & lib. 1. etiam dixerat, *In rebus humanis nulla stabilitas tanta est, quanta in illis operationibus, quæ fiunt secundum virtutem, & quæ illarum præstantiores sunt illæ maximè stabiles sunt*; & lib. de motu Animal. similiter dixit, *Bonum sempiternum, & quod verè, & primò bonum est, non aliquando quidem bonum est, aliquando autem non.* Vnde Deus, quia simplicissimus est, vna, & eadem actione, & voluptate gaudet, & cum semper stabilis, & constans sit, ideò optimus, & perfectissimus est.

13 *Pluuiosa fuerant.*

Non solum anni tempora intempestiua, & inconstantia, sed etiam pluuiosa fuerant, vnde copiam humiditatis gignere potuerunt, ex qua postea putredines, & morbi multi facillimè procreantur, maximè autem in corporibus pau-

pauperum, qui se defendere ab qualitatibus aeris nō possunt; non quòd humiditas sola putredinem generare possit, nam ad putredinem constituendam duo alia etiā requiruntur, nempe calor internus, & calor extraneus; licet internus præcipuè, sine quo non potest esse putredo, & ideo nix, glacies, marmor, & alia multa nunquam putrescunt, cum careant interno calore; etenim, *Putredo est corruptio nativæ caliditatis in humido ab calore extraneo, ut docet Arist. lib. 4. Meteor. & Galen. etiam cum omnibus alijs Medicis, & Philosophis.* Si itaq; tempora fuerant pluviosa, meritiè putredines, & morbi inde multi, & exitiales oriri debuerunt.

14 *Aer tamen serenus, & purus erat.*

Tunc dicitur aer serenus, & purus, quando nec stagni, vel paludis halitu, nec ex profundo specu aura spirante, nec animalium, olerum, leguminum, alteriusq; rei putredine, fimoq; inquinatus, nec nebulosus est, sed secundum omnes suas qualitates, & substantiam debitè se habet, & tunc verè bonus aer appellatur. Sed notatu dignum est, quòd aer bonus quoad suas qualitates non omni ætati, sed ratione temperamenti bonus est; aer autem bonus quoad substantiam, omni ætati, & omni temperamen-

C to

to bonus est ; sicuti etiam si aer quò ad suas qualitates malus est , non omni ætati , sed ratione temperamenti malus est : at si aer malus sit secundum suam substantiam , tunc malus est omni ætati , omni temperamento , & omni regioni ; & tunc verè , & propriè Pestis est , quæ quidem , aut omnes , aut maiorem partem occidit . Talis sanè Pestis Florentiæ adesse non poterat , quia aer serenus , purus , & quoad substantiam bonus erat ; malus autem solum erat quoad suas qualitates non omni ætati , nec omni temperamento conuenientes ; & ideò morbi multi tunc temporis exorti sunt .

15 Alma Tellus fructus suos nimis auare produxerat .

Additur alia antecedens causa illorum morborum , & est , quòd per annos illos terra mater omnium rerum nimis exiguè , nimisq; tenuiter alimenta , & fructus suos annuos produxerat , quod quidem aliter esse non potuerat , cum tempora fuerint intempestiua , inconstantia , pluuiosa , vnde terra prauis qualitatibus aeris impedita , & agriculturæ auxilio destituta semina opportunè concipere , debitè concoquere , fructus perficere , & tempestiuè reddere non po-

potuit; immo, aut nulla, aut pauca, & illa quidem praua edulia tulit, nam, vt ait Hipp. *Nulum paucum cricum*. Cum autem hæc ita fuerint, necessariò egestas, & fames subsequutæ fuerunt. Egestas autem, & fames necessariò etiam morbos exitiales, & pestilentes parere debuerunt præcipuè super pauperes, illi enim ob egestatem, & inopiam cibis prauis vescuntur, & inde, vt Galen. docet, putredo magna, venenum, & Pests in venis illorum generatur, quorum causa est indigentia, vt Paulus Ægineta quoq; ait lib. 2. cap. 35. Summo iure igitur Historia recensendo causas antecedentes horum morborum addidit, quòd terra mater per annos illos nimis exiguè fructus suos, & alimenta annua tulerat, vt inde inopiam, egestatem, & famem ostenderet.

16. *Artes ferè inertes, & negocia quasi ocia fuerant.*

Iterum aliam causam affert, & est, quòd per annos illos artes Florentiæ fuerant quasi inertes, idest, sine arte, & negocia ociosa, ita vt artifices, & mercatores ociantes, nihilq; negociantes ab operibus feriabant; vnde artificibus, & mercatoribus maximum damnum prouenire necesse fuit, Florentiæ enim merca-

C 2 tura

tura maximè viget, & artes ibi preciosæ sunt, cum inde artifices, mercatores, mercenarij, & alij multi laboriosi homines sibi alimentum querant. Equidem sine artibus nulla Ciuitas esse potest; & ideò dixit Arist. lib. 2. Polit. *Artifices in Ciuitate necessarium est esse, nam omnis Ciuitas artificibus, indiget, qui possint proficere ex artibus.* Similiter lib. 7. Polit. dixit, *Ciuitas debet esse sibi ipsi negociosa.* Et in eodem lib. cap. 8. ait, *Ciuitas debet necessariò habere artes, quia multis indiget vita hominis.* Plato etiam hæc scribit in Sophista, *Prometheus ex officinis Vulcani, & Minervæ furatus est artes, quas ipse postea dedit hominibus, ut ex illis facultas viuendi contingeret.* Cicero quoq; lib. 2. Offic. ait, *Est artium multitudo, sine quibus vita omnino nulla esse potuisset.* Arist. lib. 1. Metaph. similiter dixit, *Animalia imaginatione, & memoria viuunt, homo autem arte, & ratione.* Sed infelix erat homo, qui sine artibus viuere non poterat, artes tamen non habuit à natura; vnde ait Seneca, *Natura non dat virtutes, sed ars nos bonos facit;* & ideò coactus fuit homo proprio suo ingenio artes, & disciplinas sibi adinuenire, ut quæ natura sibi denegaue- rat, proprio Marte, propriaq; Minerva sibi ad-
pis ceretur. Homo, cùm esset animal ciuile,
& po-

& politicum indigebat multis ad hoc, vt viue-
ret, & benè viueret, quæ quidem non habuit
à natura; vnde, vt naturæ defectibus suppleret,
artes, & disciplinas reperuit, & ideò dixit Arist.
lib. 2. *Physic. Ars perficit naturam*, & lib. 7. *Polit.*
ait, *Omnis ars, & omnis disciplina implere vult id,*
quod deest naturæ. Et lib. 1. *Reth.* etiam dicit,
Addiscere quidem iocundum, discere autem est natu-
ræ perfectionem, & numeros assequi. Addimus,
quòd alia animalia habent animam, vt viuant,
homo autem habet animam, vt viuat, & sapiat;
at sine artibus, & disciplinis hoc quidem fieri
non poterat, & ideò homo illas sibi adinuenit;
intellectus enim noster est principium artis, si-
cut Deus est principium naturæ, & quæ Deus
facit per naturam, homo facit per artes, ita vt
Deus, & homo omnia faciunt, sed Deus facit
omnia perfectissimè, homo autem imperfectis-
simè. Ex dictis manifestum sit, quòd artes,
& scientias appetit, & quærit homo non prop-
ter se ipsas, sed propter affectus, & necessita-
tes, quibus homo subditus est, nam artibus,
& scientijs necessitates, & affectus hominis
corriguntur, & castigantur, ita vt artes, & scien-
tiæ sunt remedium necessitatum, & affectuum
ipsius hominis. Argumentum huius veritatis
sit

fit ipse Deus, quiquidem, quia vacat affectibus, & necessitatibus, non indiget artibus, neq; scientijs, neq; virtutibus, nec illas appetit, nec desiderat, & hoc, quia nihilo eget; vnde Arist. lib. 2. Magn. Mor. *Dei nulla est virtus, stantior siquidem omni virtute Deus, & non virtute probus, nam virtus esset nobilior ipso Deo.* Homo igitur artes, & scientias appetit, & quærit ob suas necessitates, & affectus, & in hoc sensu dixit Arist. lib. 1. Metaph. *Omnes homines natura scire desiderant.* Seneca etiam dixit, *Natura dedit nobis ingenium curiosum.* Cicero quoq; lib. 1. Offic. ait, *Omnes trahimur, & ducimur ad cognitionis, & scientiæ cupiditatem.* Sed redeamus vnde digressi sumus, si artes, & negocia feriabant, pauperes autē suis laboribus victum sibi comparare non poterant, necessariò inopia, & fames subsequutæ sunt, vnde si non vera Pestis, morbi saltem lethales, exitiosi, pestilentesq; exorti sunt, vt superius dictum fuit.

17 *Dieta pessima.*

Diæta, siue debita victus ratio, siue temperantia in victu amplectitur omnes sex res non naturales appellatas, non enim dicitur solum de cibo, & potu, vt nonnulli arbitrantur, sed etiam de omnibus alijs, vt ocio, exercitio, balneo,

neo, venere, somno, vigilia, & de omnibus
alijs, quæ quouis modo in humano corpore
fiunt, vt Galen. docet 3. in 3. Epid. t. 9. Est sa-
nè tanti momenti ipsa diætā non solum in sa-
nitate tuenda, sed etiam in morbis ipsis fugan-
dis, vt sola illa vtentes diu à morbis liberi, sa-
niq; viuere possint; & ideò Socrates appellabat
diætā, *Antidotum omnium morborum*, illa enim
nunquam frustra suscepta dicitur, id quod de
alijs remedijs, medicamentisq; dici non potest,
vnde Socrates, quia temperantissimus semper
fuit, & diætā optima vsus est, nunquam ægro-
tauit in vita sua; & hinc est, quòd diætā appel-
lata fuit, *Socratica Antidotus*. Plato etiam in Ti-
meo de diætā loquens ait, *Quapropter diligentia
victus corrigendi, & gubernandi sunt morbi prout
cuiq; datur ocium, nec difficilem, molestumq; mor-
bum pharmacis instigandum*. In Germania diætā
dicitur Conuentus magnorum Principum, in
quo de summa rerum, deq; rebus maximi pon-
deris agitur; at in hoc sensu Medicorum etiam
de debita victus ratione agentium debet actio,
& iudium appellari diætā, cum illa sit maximi
momenti, & principalissimum quid ad sanita-
tem, & vitam. Hoc autem verum esse, patet,
nam errata, quæ fiunt in diætā, sunt mortis
potis-

potissima causa, licuti debita victus ratio est
præcipua causa sanitatis, & vitæ, & ideò apud
Medicos primus datur diætæ locus. Scribit
Gal. lib. 6. de Tuen. san. *Qui debitam diætam, &
salubrem ignorant, citius moriuntur, nam quò de-
terius homines diætantur, eò celerius pereunt.*
Diætā tantum valet, vt dixerit Hipp. lib. de ve-
teri Medicina, *Si diætā non esset, ars Medica neq;
inuenta ab initio, neq; quasita fuisset, sed necessitas
hominum coegit Medicinam inquirere, ac inuenire,*
& hoc propter diætā. Notandum tamen est,
quòd præcepta ab Hipp. hominibus data re-
spiciunt solum diuites, & ociosos, non autem
pauperes, egenos, & laboriosos homines, illi
enim possunt diætę seruare præcepta, cum sibi
ipsis inseruire, & proprijs commodis vacare
possint; isti autem ob inopiam temporis occa-
sioni, & necessitati seruire coguntur, & quod
possunt, non quod volunt, aut deberent, bi-
bunt, & comedunt, & quandò, & quantum,
& quale accipiunt secundum quòd fors illo-
rum tulerit, nam fame ducti sæpè sæpius aqua,
herbis, & victu ferino vtuntur, *Fames enim, vt
ait Hipp. magnam potentiam habet in naturam ho-
minis, non solum debilitandi, sed etiam occidendi,
at miserrimum est fame perire, vt dicit Plato.*

Si

Si ergo pauperes necessitate, & fame impulli
diæta ferina, pessimaq; vli fuerunt, cachochi-
mia etiam pessima inde orta fuit; ex cacochi-
mia autem pessima pessimi, exitiales, pestilen-
tesq; morbi necessariò fieri debuerunt. Sed di-
cet aliquis, pauperes poterant tali victu ferino
viti, & tamen sani, & longæui esse, nam anti-
quitus, & ab initio homines tali victu uteban-
tur, & tamen sani, & longæui erant, vt scribit
Hipp. lib. de veteri Medicina: Respondemus
cum ipso Hipp. quòd hoc erat ob consuetu-
dinem, & homines robustos solum, & victum
illum concoquere, superareq; potentes diutius
perdurasse, & restitisse; imbecilliori autem na-
tura præditos perijsse. sed nostris temporibus
corpora non sunt illi victui assueta, & nimis
imbecilla, debiliaq; sunt, nec victum illum to-
lerare possent; & ideò tot edulia multa arte pa-
rata excogitata fuerunt.

18 *Incontinentia maxima pauperes præcipuè vti
fuerant.*

Incontinentiam, & delicias esse corporeæ vo-
luptatis excessum, & illum quidem vitupera-
bilem testis est Arist. in Eth. nam, vt ipse ait,
*In voluptatibus naturalibus pauci peccant præter-
quam in excessu.* Et licet nemo cupiat intempe-
D rantem

nantem esse, attramen omnes homines voluptatem appetunt, quia, ut ipse docet lib. 7. Eth. In omnibus est, quid diuini ad voluptates, quas quidem appetunt homines, non ut incontinentes fiant, sed quia illae luauis sunt, & ideo lib. 1. 0. Eth. dixit, Homines cum ratione voluptatem appetunt, illa enim perficit vitam vniuscuiusque, quae quidem expetibilis est. Et lib. 2. Eth. etiam dixerat, Voluptas cunctis hominibus ab ipsis inuincibilis est enutrita, & ideo difficile est hunc affectum rationis excludere. Vnde quaesitum fuit antiquis, ut ipse scribit, an homines appetant vivere propter voluptatem, an voluptatem propter ipsum vivere. In hunc est, quod voluptates ab omnibus amantur, & illi facillime homines assuescunt, assuetudo enim fit sine labore cum incunditate. Praeterea, voluptatis appetitus est insatiabilis, & ut ait Arist. lib. 2. Polit. infinita est cupiditatis natura, ad cuius explendam plerumque viuunt. Item, Ab voluptatibus abstinere est admodum difficile, & ideo facillime homines incontinentes fiunt, & omnia illa agunt, quae voluptatem afferunt, & quae maxime capiunt, & quorum cupiditate dulcetur, illa omnibus alijs anteponunt, & ideo omnia contra rationem agunt, incontinentia enim est rationi contraria, sicut cupiditates ferè omnes.

nes sunt contra rationem, cum incontinentes non cupiant quæ, qualia, quanta, & quando conuenit; unde vituperabilis est incontinens, cum sine ratione voluptatem sequatur, & quò magis illa gaudet, eò magis impeditur ab illa, nemoquè, dum est in illa, mente aliquid conspicit, nam, vt docet Arist. *Voluptas est impedimento prudentiæ, & virtuti.* Cicero etiam in Catone maiore dixit, *In regno voluptatis non potest esse virtus.* Vnde Arist. in Problem. dicit, *Duo tanquam mirabilia recensentur, continentia in iuuenibus ditibus, & iustitia in pauperibus, ratio autem est, quia summopere laudabilis est, qui abstinet ab eo, quo maximè indiget, sed iuuenes diuites fruitione, & voluptate, pauperes autem facultatibus indigent; quòd si abstineant, laudabiles, & admiratione digni sunt, cum abstinere ab eo, quo quis indiget, sit admodum difficile, Virtus autem versatur circa difficilia, & omnia difficilia pulcra, vt ait Arist.* Incontinentia igitur vituperanda est, & certè duplici ratione, nam sicuti corpori, sic & animo perniciosa est, illi quidem quoad sanitatem, huic autem quoad mores; vnde Plato mores respiciens præceptum illud dedit, *Vt filij non educentur in delicijs, deliciae enim faciunt difficiles,*

morosos, iracundos, & leui ad causa excitabundos
iuuenum mores. Quòd incontinentia sanitatem
corporis offendat, immò sit radix, & semen
ferè omnium morborum notum quidem est,
nam antiquitus, & primis illis temporibus ho-
mines erant longèui, quia continentes erant;
vnde Plato lib. 3. de Repub. & Galen. ad Trasi-
bulum asserunt, quod illa tertia medicinae pars,
quæ diætica appellatur, non erat tempore Æsculapij,
& suorum filiorum, & ideò Æsculapius, & eius
Filij curabant egrotos sola pharmacia, & chyrurgia,
nulla diætæ habita ratione; egrotos autem illos solos
curabant, qui morbo aliquo extrinsecus illato, & su-
bitò agrotantes erant; corpora verò interiori corrup-
tione morbosa nequaquam curabant, nec aggrediebant-
ur; homines enim natura, & incontinentia morbo-
sos viuere, nec sibi ipsis, nec alijs conferre putabant,
nec circa illos versari artem, neq; esse curandos, nam
& ipsi malè viuunt, & valetudinarios filios gene-
rant. Amplius addit ibi Plato, Absurdum etiam
est homines Medicis egere, non ad vulnera sananda,
morbosq; curandos intemperie aeris, aut casibus con-
tingentes, sed plurimùm ad destillationes, & spiri-
tus intumescens interioris impetum ob molitiem,
atq; desidiam, & quem in victu supra nominavi-
mus luxum, quibus effectum est, ut homines lacuna-
rum

rum instar aqua, flatuq; exuberantium nimis op-
pleti coegerint peritos Æsculapij successores, morbos
quosdam nouo nomine, id est, deſtillationes, inflatio-
nes, viſcerum crepitus appellare, qui quidem morbi
tempore Æſculapij non erant; & ratio eſt, quia
tunc homines continentes erant. Amplius di-
cit Plato, *Malè ſe habet illa Ciuitas, in qua ſunt multi*
Medici, & multi Iudices, iſti enim leditioſos,
illi autem incontinentes homines ſignificant.
Vnde manifeſtum ſit, quòd priſcis temporibus
non erant catharri, neq; flatuſ, neq; viſcerum
crepitus, & quòd incontinentes non ſunt cu-
randi tanquam inſanabiles, nec eſt pro illis
medicinæ locus. Noſtris temporibus incon-
tinentia ubiq; viget, Florentiæ autem maximè
floreſcit, ubi homines non ſolum longæui non
ſunt, vt antiquitus, immò breuem, & mortuo-
ſam vitam ducunt, ubi tot ſunt catharri, & flu-
xiones ad omnes partes, ubi tot nephritici, co-
lici, podagrici, & arthetici dolores, ubi tot he-
mitritici, ubi tot febres malignæ & peſtilentia-
les, ubi tot apoplexiæ, ubi tot (horreſco refe-
rens) ſingulis annis repentine mortes, ubi cor-
pora adeò debilia ſunt, adeoq; reſolubilia, vt
ne leuem quidem morbum ferre poſſint, ubi
egroti fere omnes moriuntur, ſanatur quaſi
nul-

nullus. Moritur æger, ait Galen. aut quia im-
becillis est licet morbus sit parvus, aut quia
morbus est magnus licet vires sint robuste, aut
morbus est magnus, vires autem debiles; sed
Florentiæ ægroti omnes omnibus his tribus
modis moriuntur, tanta est corporum caco-
chimia, tantaq; virium debilitas: & hinc est,
quod primo die vocatus Medicus non dubia
remedia proponit, sed certam mortem prædi-
cit, itaut nec ipse Æsculapius curam illorum
aggrederetur: horum autem omnium causa
incontinentia sola est. Florentiæ mulieres sunt
adeò imbecilles, vt sacra Dei adire nequeunt,
nisi tardis curribus vehantur, aut robustis ser-
uorum, famularumq; brachijs fulciantur; & in-
de fit, quod plurimæ illarum steriles sunt, & si
conciunt, abortiuntur; & si parturiunt, filio-
los non vitales, & valetudinarios pariunt;
& hæc ob incontinentiam, & delicias fiunt.
Florentiæ non solum senes, sed etiam iuuenes,
& adolescentuli qualitates aeris non tolerantes
Biretum, vel Galerum, vulgo dictum, *Berretti-*
no, assiduè in capite ferunt, ne à catharro, flu-
xioneq; lædantur; sed errant toto Cælo, nam
si Galerus grauis est, caput nimis debilitat, non
enim tam validum caput est, quod à nimia,
& gra-

& graui opertura non debilitetur; si caput ni-
mis opertum teneatur, nimis incal. scit, maxi-
mè autem si de sui natura calidum sit; capite
autem excalefacto pori capitis magis aperiun-
tur, & qualitates aeris magis, faciliusq; ingre-
diuntur, & idè dixit Galen. lib. de Arte Medi-
cinali, *Caput calidum habentes facilius ab omnibus*
ijs, quæ foris adueniunt, inter quæ aër ambiens con-
tinetur, implentur, & grauantur, præcipuè autem
si non solum calida, sed etiam si humida capita illa
fuerint. Auicen. quoq; idem confirmat lib. 3.
fen. 5. tract. 1. cap. 11. Si Galerus leuis est, si-
militer calefaciendo poros capitis aperit, &
qualitas aeris facilius ingreditur, præcipuè au-
tem quia Galerus, vt plurimum fit, & compo-
nitur ex materia admodum subtili, & rara, si-
cuti seracea, quæ qualitati aeris præ nomen adie-
tum præbèt; vnde malum est astutusque à pue-
ritia gestare Galerum, quia offendit, & non de-
fendit caput, & idè Licurgus Lacedæmonijs
hanc dedit legem, *Vt puerorum capita semper co-*
tatenus abrafa, & etiam detecta essent; & hoc ad
capitis validitatem, & robur. Additur, gulan-
tes Galerum citius carefcunt, & citius senescunt,
vnde Arist. lib. 3. de Hist. Anim. ait, *Cranio sen-*
re pilos ocyus opertos, quàm detectos, diffilari què
aduer-

aduertimus. Sed redeamus ad incontinentiam, quæ quidem non solum diuites, sed pauperes etiam respicit, licet non eadem ratione, nam diuites sunt incontinentes ob voluptatem, & voluntariè egrotant, cùm incontinentia sit voluntaria, sicut ferè omnes morborum causæ sunt voluntariæ, vt scribit Arist. lib. 1. Magn. Moral. & Auerr. lib. 7. Colliget. Pauperes autem sunt incontinentes non voluntariè, sed ob inopiam coactè, cum non voluptati, sed indigentia obbediant, & non quid, quale, quantum, aut quandò conuenit, aut vellent, respiciunt, sed quid, quale, quantum, & quandò possunt, sumere coguntur; & si ob inopiam incontinentes sunt, & egrotant, inuitè, & coactè egrotant. Itaq; cum dictum fuerit, quòd pauperum diætā pessima fuit, quæ necessariò morbos pessimos, & exitiales parit, sicut peperit in hoc anno; rationabiliter Historia pauperum incontinentiam inter causas horum morborum exitialium posuit.

19 Serenissimus Ferdinandus Pater pauperum.

Arist. in Polit. laudat Homerum, quia Iouem appellauit Patrem, cum ille esset Rex Hominum, & Deorum; & ratio est, quia Patris imperium Regum est, Regem autem excellere oportet.

At

At multo magis laudari debet Historicus no-
ster, quia Serenissimum Ferdinandum appella-
uit non solum Patrem, sed pauperum Patrem,
cum ille sit magnus Dux Hetruriæ; & hoc, ut
non solum illius imperium Regium, sed etiam
ut Paternum illius amorem erga suos pauperes
ostenderet, qui quidem amor sicuti misERICOR-
dia, & pietate omnes alios amores antecellit,
sic & se ipsum in illo superexcellit. Deus, & na-
tura in animis hominum misericordiam, & pie-
tatem instituerunt, ut cum illis humanæ vitæ
ratio haberetur: & certè in animis hominum
necessarij erant, sicut & sunt isti duo affectus,
nam cum esset homo imbecillior omnibus alijs
animantibus, quæ quidem armauit natura con-
tra vim temporum, & alias incursiones, & mi-
serias; sed quia homini nihil horum dedit,
ideò vice illorum misericordiæ, & pietatis erga
aliū hominem homini dedit affectum; ni-
mis etenim infelix esset homo, nisi in homini-
bus erga alios homines misericordia esset, &
pietas. Isti duo affectus, maximè autem erga
pauperes heroicè sedent tanquam in propria
sphaera, in animo Sereniss. Ferdinandi, & mi-
sericordiæ, & pietatis idea in animo illius verè
iacet; arguinentum sint Aurum & Argentum,
E quod

quod ipse in hoc biennio non solum Floren-
tiae, sed totius Hetruriae pauperibus liberalissi-
mè, & munificentissimè largitus est, itaut in
istis affectibus non solum omnibus alijs homi-
nibus, sed etiam omnibus alijs Principibus ip-
se potest esse verum exemplar. Laudemus er-
gò Historicum nostrum, quia Serenissimum
Ferdinandum appellauit Patrem, & pauperum
Patrem.

20 *Illustrissimis Senatoribus Sanitati Praefectis.*

Si Deus omnipotens, à quò pendet Cælum,
& tota natura, & est causa causarum omnium,
principalissima agit per secundas suas causas,
& illis facultatem, & vires agendi largissimè di-
largitur, & illis vt instrumentis suis vtitur, vt fi-
nes suos semper optimos consequatur; multò
magis Serenissimus Ferdinandus, licet sit totius
Hetruriae magnus Dux per secundas suas cau-
sas, & media idonea, debitaq; instrumenta
agere, gubernare, finesq; suos adipisci debet:
& ideo Illustrissimis Senatoribus Sanitati Præ-
fectis tanquam secundis suis causis, & medijs
idoneis, instrumentisq; vsus est; & illis faculta-
tem, vires, authoritatemq; maximam dedit,
ad hoc, vt amatos suos pauperes ab contagiosis
morbis liberarent. Praefectos autem Sanitati
illos.

illos nominavit, non ut Sanitati imperarent
(nemo enim humanè imperat Sanitati) sed ut
Sanitati seruirent; nam neq; Medicus, neq; Me-
dicina imperant Sanitati, at illi seruiant ad hoc,
ut ipsa fiat, & sit; & si quis in Medicina impe-
rat, ille in Sanitatis gratiam imperat: Sanitas
equidem imperat, & est ipso Medico, & Medi-
cina nobilior, cum Medicus, & Medicina in
gratiam Sanitatis semper agant; & si imperant,
seruiendo illi imperant ob excellentiam, & no-
bilitatem illius; est enim Sanitas, sicut Deus,
(ut Peripateticè loquamur) *Non autem iubendo
imperat Deus, sed ob suam excellentiam omnia illi
seruiunt, ipse enim nullo indiget, ait Arist. in Eth.*
Illustrissimi igitur Senatores Sanitati Præfecti
nominati sunt, non ut Sanitati imperarent,
sed, ut omnibus alijs imperando illi seruirent.

21 *Imperavit, ut rectè consulentes.*

Iuppiter humanę saluti consulens misit Mer-
curium, qui pudorem, & iustitiam omnibus
hominibus dedit, sed non sicut artes, quę ali-
quibus solum distributę sunt, & vnus pro mul-
tis sufficit, cum vnus hanc, alius aliam, alius
etiam nullam artem exerceat; pudorem au-
tem, & iustitiam omnes homines habere vo-
luit Iuppiter, sicut scribit Plato in Sophista;

E 2 & ideo

& ideo turpe esset, si quis pudorem, & iustitiam non haberet; non turpe autem esset, si quis vnā solam artem, aut nullam haberet, cum omnes homines artes omnes habere non teneantur. Illustrissimi Sanitatis Præsides, cum viri nobiles essent, artem Medicā non callebant, nec Medicinæ peritos consulere illos dedecbat. Summa igitur prudentia motus Serenissimus Ferdinandus imperauit, vt in re tanti ponderis rectè consulerent; rectè autem tunc consuluerint, quandò peritiores, & sapientiores Medicos consuluerint. Sed dicet aliquis, qui nam sunt isti Medici? Respondetur, sunt illi, qui virtute solum ducti mercedem nullam accipiunt; vnde scribit Hipp. *Argentum mihi neq; natura, neq; Deus promittere poterit, neq; vos cogatis, sed libera artis opera etiam libera esse sinatis; & qui mercedem capiunt, hi scientias seruire cogunt, veluti captiuas facientes illas ex priori libertate.* Thesialus etiam Hipp: filius, & Atheniensium Medicus, cum per tres annos proprijs sumptibus seruiuisset, nullam vnquam mercedem ab illis accipere voluit, Æsculapius Apollinis filius, quia auro ductus pecuniosum quendam ægrotum extrema ægritudine oppressum curauit, fulmine percussus periit, licet Socra-
tes.

res apud Platonem hoc reiciat dicens, Si *Æscu-*
lapius Dei filius fuit, turpis lucri auidum illum
fuisse nego, sed si turpis lucri auidus ipse fuit, Dei
filius non erat, ut apparet lib. 3. de Repub.
mercedem Medici turpe lucrum appellans.
Arist. quoq; lib. 3. Polit. ait, Medici, qui secun-
dum rationem, et artem medentur, recusant merce-
dem accipere, cum sanos egrotos fecerint. Similiter
peritiores, & sapientiores Medici sunt illi, qui
senes sunt, ob magnam experientiam, & scien-
tiam, quę requiruntur in illis, nam experientia
sine scientia, sicuti scientia sine experientia pa-
rum iuuant. Et si quis hæc ita esse negaret di-
cens, quod experientia, ars, & scientia sunt
vnum, & idem, cum ab experientia fiat ars,
& ab experientia, & arte fiat scientia: Respon-
demus, quod experientia, ars, & scientia sunt
quidem vnum, & idem realiter, attamen ra-
tione differunt, nam experientia respicit sin-
gularia, ars autem, & scientia respiciunt vniver-
salia, & ratio est, quia experientia quatenus est
in mente dicitur scientia, & quatenus reducitur
ad actum dicitur ars. Item experientia non
differt ab arte quoad agendum (vtraq; enim re-
spicit actionem) sed scientia sola manet in
mente actionem non respiciens; & ideo verum
est,

est, quod experientia, ars, & scientia sunt
vnum, & idem quoad cognitionem, differunt
autem quoad actionem: quare bonus Medi-
cus debet habere experientiam, artem, & scien-
tiam artis, non autem experientiam solam, aut
scientiam solam. Sed iterum dicet aliquis, quis
nam est utilior Medicus, an qui experientiam
solam sine scientia, an qui scientiam solam sine
experientia possidet? Respondetur, quod ex-
perientia sola quoad agendum est utilior arte,
& scientia, quia illæ cognitionem solam respi-
ciunt, at ars, & scientia sunt digniores, & per-
fectiores ipsa experientia, quæ quidem est uti-
lior, quia rem magis attingit, cum sit circa sin-
gularia, & individua ipsa cognoscat; ars autem,
& scientia cognoscunt solum vniuersalia, quæ
non cadunt in curationem, curatur enim in-
diuiduum, & circa illud Medicina fatigat.
Medicus itaq; habens artem, & scientiam sine
experientia, quia cognoscit solum vniuersalia,
& non singularia, minus utilis est, & meden-
do semper peccabit, licet sit nobilior, & di-
gnior Medico experientiam solam habente.
Iterum dicet, cur Medicus habens artem, &
scientiam dignior, & nobilior est Medico ex-
perientiam solam habente? Respōdetur, quod
Me-

Medicus sciens cognoscit causas, & propter
quid illius rei, quam scit, & cognoscit, sed
Medicus experientiam solam habens nescit
causas, & propter quid illius rei, cuius habet
experimentum, & est sicut res inanimata, quæ
agunt sine vlla cognitione, vt ignis comburit
sine vlla cognitione suæ combustionis, natura
enim comburit, & non ratione. Est etiam no-
bilior, & dignior, nam sciens potest alium do-
cere suam artem, at expertus alium docere non
potest, quia sola experientia sine vlla ratione,
vel scientia ducitur. Iterum dicet, si Medicus
expertus est utilior, quia versatur circa indiui-
duum, circa quod Medicina laborat, quis nam
est ille Medicus expertus, & quænam est illa
experientia, quæ magis est utilis, quàm ars, &
scientia? Respondetur, quod vera, & utilis ex-
perientia illa est, quæ facta est in se ipso, & in
corpore proprio magis, quàm in alieno, sicut
scribit Hipp. lib. de Præceptionibus, dum ait:
*Sensus autem perpeffus iam delegator est eorum, quæ
subiacent; & obueniunt ad ipsam cogitationem; qui
verò sensus sæpè mala perpeffus est, & suscepit,
quibus, quando, qualiter læsus sit observans, ut in
se ipsum reponens recordatur.* Plato etiam quasi
discipulus Hipp. lib. 3. de Repub. dicit. *Boni.*

Medici sunt quicumq; fuerint cum sanis plurimis, plurimisque egrotantibus conuersati; & Medici sapientissimi euadunt, si ab ineunte etate ultra discenda artis studium inter plurimos corpore malè affectos conuersarentur, ipsiq; omni morborum genere laborauerint, naturaq; imbecilla, & valetudinarij essent, non enim corpore corpus curant, sed anima corpus curant. Bonus Medicus etiam ille est, qui fortunatus est, nam fortuna inter causas sanitatis numeratur, immo datur illi primus locus ab ipsis Medicis, ut est apud Galen. lib. 11. Met. med. & apud Celsum lib. 7. & apud Hipp. lib. de arte, ubi dicit, Ego autem non priuabo quidem ipse fortunam tanquam nihil operæ præcij faciat; puto enim quod sicut in morbis malè curatis est infortunium, sic in benè curatis est bona fortuna. Boni igitur Medici illi sunt, qui fortunati sunt, qui mercedes non accipiunt, & non experimentum solum, aut scientiam solam, sed scientiam, & experientiam simul habent; & idè dixit Hipp. in lib. de Præceptionibus, Et non ratiocinationi prius probabili intentum curam aggredi, sed exercitationi cum ratione. Illustrissimi Senatores summa prudentia præditi in re tanti momenti Medicos tales (quod fieri potuit) consuluerunt.

22 *Omnibus hominibus imperantes.*

Quaestio est Politica, & satis curiosa, utrum natura sit aliquis Dominus, aliquis autem servus. Diximus, *Natura*, nam electione, lege, & necessitate sunt quidem servi mali; sed quaestio est, utrum talis sit ordo naturae, ut unus nascatur Dominus, & alius servus: huic quaestioni respondet Arist. lib. 1. Polit. dicens, *Natura aliquis est Dominus, & aliquis est servus; Domini sunt illi, qui tantum ab alijs distant, quantum animus à corpore, & homo à bestia: quorumcumque autem opus est in corporis usu, & hoc est in eis potissimum, hi sunt natura servi: quasi dicat Arist. illi sunt natura Domini, qui mente, virtute, & sapientia pollent; servi autem sunt illi, qui corpore tantum valent, nam sicut illi servire nequeunt, sic isti imperare nesciunt. Diuinus Plato hoc idem prius dixerat, nam lib. 3. de Repub. docet, qui nam verè sunt illi, qui Domini sunt, & qui nam sunt illi, qui verè servi sunt, & ait, Cum Deus vos formaret, quicumque vestrum ad imperandum idonei nati sunt, Aurum in eorum generatione ipsis admiscuit, propter quod honoratissimi sunt; ferrum denique atque aes agricolis, atque alijs artificibus. Et per Aurum intelligit Plato virtutem, & sapientiam, cum illi realiter sint Domini, qui vir-*

F tute,

tute, & sapientia præstant, & illi sint serui, qui opera corporis tantum valent, vt sunt artifices, & agricolæ. Quod autem Plato per Aurum illud diuinum intelligat virtutem, & sapientiam testis est Arist. lib. 2. Polit. Florentiæ, & in tota Hetruria vnus solus præcipuè ingenio, virtute, & sapientia pollet, & in illis alios omnes antecellit, & ideò vnus solus Dominus est, & alij omnes, qui imperant, virtute illius imperant. Quoniam autem Contagium erat quid maximum de maximis, & de vna omnium salute, & interitu tunc agebatur; & quoniam vnusquisq; pro comuni beneficio aliquam nauare operam poterat; vt vnusquisq; etiam nauare illam cogeretur, Serenissimus Ferdinandus Sanitati Præfectis imperando authoritatem summam contribuit, qua omnibus alijs hominibus imperarent, non vt Domini, sed vt instrumentum animatum Principis; ille enim solus virtute, & sapientia maximè valet, & solus diuino illo Auro eminenter præditus est; & ideò rectè dixit Historia, quod Princeps Senatoribus imperauit, vt illi postea omnibus alijs hominibus imperarent.

23 *Nullis sumptibus parcentes.*

Sunt duæ virtutes morales, quæ sorores dicun-

cuntur, & sunt Liberalitas, & Magnificencia;
utraq; enim circa sumptus versatur, sed diffe-
runt in gradu, nam Liberalitas, quæ est soror
minor, versatur circa omnes sumptus, & libe-
rales actus; Magnificencia autem, quæ est soror
maior, versatur circa magnos actus liberales,
magnosq; sumptus, & illam magnitudine so-
lum vincit, vt ipsius nomen declarat. Est &
alia virtus moralis, quæ si non est illarum so-
ror, est tamen affinis magnificentiæ, & ista est
Magnanimitas, quæ conuenit cum Magnifi-
centia, quia ambæ magnitudinem respiciunt,
differunt autem, quia Magnificencia magnos
actus liberales, & sumptus magnos, Magnani-
mitas autem magnos honores intendit, ma-
gnanimus enim non quemlibet honorem, sed
magnos honores intendit, non à quolibet, vt
vulgu, & multitudine, sed ab probis viris, &
potius ab vno solo viro sapiente, quam ab to-
ta multitudine, & plebe attributos appetit, vt
scribit Arist. in Eth. Sicut autem Magnificen-
tia Liberalitatem in magnitudine superat, sic
Magnanimitas Magnificentiam magnitudine,
præstantia, & nobilitate vincit: & si Magnifi-
centia magnos sumptus, Magnanimitas ma-
gnos honores respicit, & tantum Magnanimi-

tas Magnificentiam superat, quantum honor
pecuniam antecellit; *At honor est omnium bono-
rum externorum maximum, unde Dijs tribuitur,*
sicut ait Arist. Quare Magnanimitas non so-
lum Liberalitatem, & Magnificentiam, sed
etiam omnes alias virtutes superexcellit, immò
Magnanimitas est ornamentum, & decus om-
nium aliarum virtutum; ratio autem est, quia
Magnanimitas omnibus alijs virtutibus hono-
rem affert, maioresq; illas reddit cum honore
magno illas exercendo. Serenissimus Ferdi-
nandus, cum sit magnus Dux, & magna sem-
per respiciat, & agat, omnesq; virtutes heroicè
possideat, ut non solum Liberalitatem, & Ma-
gnificèntiam, sed Magnanimitatem etiam suam
præcipuè ostenderet, Sanitati Præfectis impe-
rauit, ut nullis sumptibus parceret; quod idem
est, ac si dixisset, omnes meos thesauros impen-
dite, & omnia mea æraria effundite, dummodo
contagiosi morbi extinguantur: quamvis Ma-
gnanimitatem suam heroicam respiciens pa-
rum quid dicere sibi visus est, nam, ut ait
Arist. lib. 4. Eth. *Magnanimo nihil est magnum.*

- 24 Contagiosos morbos, quoad humanè fieri possit.

- Doctissimus Galen. docet, quod quatuor
præstat Medicus circa corpus humanum, nam
sanat

sanat ægrotum, sanum conseruat, præseruat
sanum, & sanum in meliorem statum deducit.
Sanat contrarijs, conseruat similibus, præseruat
contrarijs, & sanum contrarijs in meliorem
statum ducit. At sæpè sæpius accidit, quod Me-
dicus hæc quatuor non solum præstare non po-
test, immò sunt aliqui morbi, quos circa Me-
dicus oleum, & operam perdit, nam vt scribit
Auerri. lib. 7. Colliget, morbi sunt triplici dif-
ferentia, aliqui enim ab sola natura sine Medi-
co, & Medicinis sanantur, aliqui ab natura,
& Medico simul iunctis sanantur, aliqui au-
tem neq; à natura, & Medico simul sanari pos-
sunt. Morbi, qui à natura simul cum Medico
sanari non possunt, sunt aliqui morbi occulti,
& ab tota substantia circa quos natura, & Me-
dicus frustra laborant, sunt autem morbi isti,
qui fiunt nulla præcedente causa externa, siue
interna, qui quidem dicuntur morbi sponta-
nei, & cum silentio inuadentes, idest, sine vlla
causa, aut signo præcedente, de quibus dice-
bat Esiodus, *Morbi die, noctaq; homines inuadunt,
Mala mortalibus afferentes cum silentio,
Quoniam vocem illis abstulit Pater cõsilij Iuppiter!*
Quod autem isti morbi occulti, & à tota sub-
stantia

stantia dentur, & sint, testes sunt omnes Me-
dici, maximè autem Galen. lib. de Arte med.
& Hipp. lib. 1. Prognost. dum ait, *Ediscere
oportet, siquid Diuini est in morbis*, per verbum
illud, *Diuini*, intelligens morbos occultos, & à
tota substantia, quiquidem non habent lo-
cum in curatione. Aliquando etiam morbi isti
occulti proueniunt ab ira Dei opt. max. ob
multa peccata, & scelera nostra, & illis etiam
nihil Medicina prodest; cum ab solo Deo me-
dela petenda sit; vnde antiquitus morbos ali-
quando ad iram Deorum referendos, & ab ip-
sis Dijs opes posci, deprecariq; solitum esse, di-
xit Homerus. Hipp. quoq; lib. de natura Mu-
liebri, ait, *Muliebrium morborum causam aliquan-
do maximè Numen esse, & oportet eum, qui hæc rectè
tractare velit, primum quidem à Dijs exordiri*. Gal.
etiam lib. 1. Ep. dicit, *Pestis est morbus talis, ut
ad Deos illam referunt, qui de ea curanda consulunt*.
Et idcò morbi occulti, neq; à natura, & Medi-
co simul sanari possunt, nec Medicus finem
suum consequitur, licet Medicina sit vera ars,
neq; mirum hoc esse debet, nam etiam agricul-
tura, & nautarum ars veræ sunt, attamen, ut
plurimum, finem suum non attingunt. Dubi-
tari potest, cur morbi occulti, & à tota sub-
stantia

stantia sanari non possunt, morbi autem manifesti sanari possunt? Respondemus, quod sicut morbi sunt occulti, ita & illorum remedia sunt occulta; sunt autem remedia occulta, & à Medicis cognosci non possunt, quia non pendent ex mixtione primarum, aut secundarum, aut tertiarum qualitatum, sed à tota substantia, ut lib. 5. Collig. scribit Auerr. Morborum autem manifestorum remedia non ab tota substantia, sed ab mixtione manifestarum dictarum qualitatum pendent, quæ quidem à Medicis apprehendi possunt, & hinc est, quod Medicina non potest omnes morbos sanare; unde Hipp. lib. 1. Prognost. dixit, *Impossibile est sanos facere omnes egrotos.* Auicen. etiam lib. 1. dicit, *Medicina non est ars, quæ nos securas faciat à morte; neq; corpus ab extrinsecis nocumentis muniat, neq; unumquodq; corpus ad ultimam vite longitudinem perducatur.* Et Auerr. 1. Collig. ait, *Medicina est ars, in qua queritur conseruatio sanitatis corporis humani, & remotio sue aegritudinis secundum quod possibile est in quolibet corpore, nam finis istius artis non est ad sanitatem omnino, sed ad faciendum illud, quod possibile est.* Et Hipp. lib. de Arte dixit, *Eorum, qui à morbis victi sunt, curationem non aggredi, cum id in confesso sit, quod*
Medi-

*Medicina tales sanare non possit. Dubitari etiam
potest, cur Medicina in morbis quoq; manife-
stis non semper finem suum consequatur, & sit
ars incerta, cum habeat sua principia vera, cer-
ta, & perpetua? Respondemus, Medicina est
ars incerta, nec finem suum semper consequi-
tur, quia licet habeat sua principia vera, certa,
& perpetua, illa tamen non sufficiunt, cum sint
nimis vniuersalia, & particularibus curandis
parum conferentia, nam particularia habent
sua propria praecepta ab habitu, & tempera-
mento proprio pendentia, quae curationem
etiam propriam, sibiq; conuenientem, non
autem vniuersalem, & genericam requirunt,
vt habemus à Galen. lib. 1. ad Glauconem,
& lib. 3. Met. med. & lib. 6. de Tuenda san. &
alijs in locis; & ideò dixit Arist. lib. 10. Eth.
*Differunt priuata instituta ab publicis, veluti in Me-
dicina; vniuersaliter enim febricitanti confert inedia,
& quies, alicui tamen forsitan non conducit. Magister
etiam ludi non omnibus pugilibus eandem pugnam im-
ponit: singula autem magis exactè fieri videntur ad-
hibita cura priuata, magis enim potitur quisq; quod
sibi congruum est. Et paulò inferius addit; Neq;
enim Medici fiunt ex libris, & licet illi conentur cu-
rationem dicere, tamen dicere etiam debent modum,*
*per**

per quem medela sit tradenda, & ut conuenit curare
habitu cuiuscumq; distincto. Antiquiores etiam
dicebant teste Arist. lib. 3. Polit. Medicari secun-
dum litteras fatuum est; & in omni arte litteris præ-
cipere fatuum est. Auerr. lib. 3. Collect. idem
confirmans dixit, Neq; solis vniuersalibus Theo-
rematum scopis fidendum, quippè experientia princi-
pia quæq; particularia indiuiduorum suppeditat, quæ
litteris ad vnguem explicare non possumus; quare quò
minus Medicinam exactè calleamus in causa est, quod
experimento magis, quam ratione stabilitur. Cornel.
Cels. etiam lib. 3. ait, Refert, qualis morbus sit,
quale corpus, quale Cælum, quæ ætas, quod tempus
anni, minimeq; in rebus multum inter se differenti-
bus, quod intermittendum non est, perpetuum esse
præceptum temporis potest. Auerr. quoq; lib. 2.
Collig. & lib. 1. Collect. scribit, Multi Medici,
quorum vnus est Galenus, student attribuere res
vniuersales entibus particularibus, & decipiuntur.
Medicinæ præcepta vniuersalia sunt sicut Ci-
uitatis leges vniuersales, at leges solum vniuer-
saliter prouidere, non autem particulariter de
his, quæ accidunt, iubere perspicuum est; vn-
de Plato lib. de Regno dixit, Lex nequit, quod
optimum est omnibus, & iustissimum simul, & sin-
cerè comprehendens semper, ut operæ præcium est,

G

præci-

precipere. Hominum Janē, actionumq; dissimilitu-
dines, & instabilis, variaq; humanarum rerum con-
ditio faciunt, vt ars nulla possit simplex aliquid, &
vniuersale de cunctis per omne tempus decernere;
legem enim cernimus ad hoc ipsum niti, quasi homi-
nem quendam pertinacem, & imperitum, qui nihil
agi præter illius institutum permittat, neq; interro-
gari etiam, siquid noui præter illius ordinem potius,
meliusq; alicui sit: at fieri non potest, vt certus
quidam, & simplex ordo sit bonus circa illa, quæ va-
ria semper sunt, & simplicia nunquam. Medicina
etiam non consequitur finem suum, licet ha-
beat sua principia certa, & perpetua, quia etiam
singularia omnia curanda habent sua propria
præcepta ab temperamento, habitu, & dispo-
sitione pendentia, quæ curationem quoq; sibi
propriam requirunt, & aliter sanari non pos-
sunt, vt dictum est, & si quæ sanantur, fortui-
tò sanantur. Quoniam autem ista principia,
& præcepta particularia imperceptibilia sunt,
& ab Medico sciri, cognosciq; non possunt,
& non solum certa, & perpetua non sunt, im-
mo fallacia, incerta, & varia sunt, cum in in-
diuiduo fundata sint, quod assidue variatur,
& in continuo fluxu versatur, ideò etiam sin-
gularia, & indiuidua curari, & sanari non pos-
sunt,

sunt, cum Medicus agat circa singularia, quæ
non cadunt sub aliquam certam regulam,
aut præceptionem vllam, nec illorum est vlla
cognitio, aut scientia, vt docet Arist, varijs in
locis, maximè autem lib. 2. Eth, cap. 2. Auerr.
lib. 6. Collig. cap. 1. hæc eadem firmans dicit,
Medicina agit, & operatur circa singularia, & in-
diuidua, quæ quidem omnia suas proprias prepara-
tiones, & dispositiones fixas habent in ipsomet indi-
uiduo, quæ sunt ignotæ, nec possunt sciri, neque co-
gnosci à Medico, cum sint materiales dispositiones,
& preparationes, & sunt quasi infinitæ, nec habent
signa propria, quibus sciri, & cognosci possint. No-
tissimum autem est apud Philosophos, quod qualibet
materia habet sua propria accidentia, & fixa sine
illis accidentibus, quæ manant à forma, & quod acci-
dentia, quæ pendent à materia, sunt causa multitu-
dinis varietatum, quæ sunt in indiuiduis, sicut acci-
dentia propria formæ sunt causa multitudinis varie-
tatum, quæ circa mores hominum cognoscuntur, &
sunt. Medicina etiam non consequitur finem
suum, licet habeat sua principia certa, & per-
petua, sicut habent omnes aliæ artes, quia vt
ait Rases, Medicina indiget multis medijs, quæ ha-
bere impossibile est. Hipp. quoq; lib. de Arte
idem asserit, dum ait, Multis medijs, & remedijs

indiget Medicina ad sanitatem obtinendam, quæ habere non est illi possibile. Vnde patet, quod Medicina finem suum non consequitur, licet habeat principia certa, & æterna, quia principia vniuersalia non sufficiunt; principia particularia non percipiuntur; & media ad sanandum requisita ignorantur. Et hinc discant ægroti, quantum spei in suis curandis morbis ab arte medica elicere possint. Cum itaq; aliqui morbi sanari nunquam possint, aliqui autem perquam difficillimè, aut potius fortuito, ideò prudentissimè illa fuerunt addita verba, Quoad humanè fieri possit.

25 Radicitus euellerent.

Dubitant nonnulli, an laborantes morbis illis, qui per circuitus suas habent accessiones, in diebus illis, in quibus non fit accessio, egrotent ne, an sani sint. Respondemus cum Galeno lib. 5. de Plac. Hipp. & Plat. & lib. 4. Aph. 63. quod dum adest febris, & accessio, tunc illi verè ægrotant, sed in diebus medijs ægrotare non dicuntur, ratio autem est, quia tunc nulla læditur actio, licet habeant in se dispositionem, & potentiam tanquam fontem, & focus ad nouas accessiones, attamen in actu non ægrotant. Sunt equidem ægroti illi sicut homi-

homines vitiosi, & improbi, qui dum dormiunt, nihil vitiosè, aut improbè agunt, nihilominus dicuntur vitiosi, & improbi ob prauum habitum, prauamq; illorum dispositionem, quam postea in vigilijs actu exercent; & tam diù durat reditus ille accessionum, quàm diù durat praua illa dispositio, & malus affectus. Dubitant similiter, an in diebus medijs inter primum morbum, & recidiuam, siue relapsum corpora ægrent, an sana sint; huic dubitationi facit satis superius allata responsio. Dubitant iterum, vtrum relapsus sit idem morbus cum priori, an sint duo morbi distincti. Respondemus, quod sunt vnus morbus, vnus inquit speciei, nomine, & indiuiduo, ratio autem est, quia tunc relapsus verus est, quando vterq; morbus habet eandem definitionem, nomen, & materiam, ex qua fiunt, vt si post tertianam redeat tertiana, aut post quartanam redeat quartana, & sic de alijs; nam si post tertianam rediret quartana, aut pleuritis, aut alius morbus diuersus ab tertiana, tunc non diceretur relapsus, sed nouus morbus, ita vt si post tertianam redit tertiana, tunc dicitur verus relapsus, & sunt vnus solus morbus definitione, nomine, & numero, nam conueniunt non solum

lum definitione, & nomine, sed etiam materia,
per quam sunt vnus, & idem morbus numero,
cum materia faciat hoc aliquid, & indiuiduum;
ita ut si aliqua portio materiae remansit in cor-
pore ex primo morbo, ex eadem illa materia
fit, & generatur idem morbus numero cum
primo morbo, quia indiuiduum fit ratione ma-
teria, non autem efficientis, efficiens enim dat
formam, & speciem, non indiuiduum. Si re-
lapsus fieret ab efficiente, tunc non esset verus
relapsus, nam licet illi morbi essent vnus mor-
bus, attamen essent vnus morbus specie, & no-
mine, non autem numero, cum efficiens non
constituat indiuiduum, sicuti dictum fuit.
Quod relapsus sit vnus morbus numero cum
sua radice patet authoritate Hipp. qui lib. 3. Ep.
Ægroto secundo ait, *Liberatus fuit à febre de-
cimoquarto die, septimodecimo autem iterum febricitauit; & iterum vigesimo febris fuit expers; quarto autem, & vigesimo febris redijt: tandem vigesimo septimo moritur.* Hipp. similiter lib. 3. comm. 3. Ægroto octauo dicit, *Vigesimo die sudauit, febre liberatus est omnino; vigesimo septimo febris redijt; trigesimo quarto in toto corpore sudauit calidum sudorem, cessauit febris, perfecte iudicatus est.* Vnde patet, quod Hipp. iungit relapsum
cum

cum primo morbo, & semper numerat dies ab
die primi morbi, non autem à die relapsus.
Dubitant etiam, an relapsus sit peior sua radi-
ce: Respondemus, quod data paritate morbi,
causarum, & symptomatum semper recidiva
est peior sua radice, maximè autem si celeriter,
& post paucos dies accidat; & hoc ob virium
debilitatem ex primo morbo, quæ secundo
morbo sufficere non possunt, sicut priori, &
ideò Auic. lib. 4. dixit, *Recidiva est deterior sua
radice, & consilium est, vt in ea non fiat festinatio
ad curandum, nam vt plurimum est seua*. Simili-
ter in eodem lib. dixit, *Recidiva est peior sua
radice, quia aegritudo redit, & virtus est debilis,
& defessa*. Amplius addit ibi, *Recidiva est de-
terior sua radice, quæ est velocior, idest, quæ sta-
tim fit post morbum, & est cum virtute debili*.
Ex dictis apparet, quod tunc corpora dicuntur
sana, quandò nec in actu, nec in habitu, nec
dispositione ægrotant, nec aliquid causæ ma-
terialis, aut efficientis, aut alterius affectus re-
mansit in illis, nec relapsus fieri potest, sed
morbus in totum iudicatus est; vnde Hipp. lib.
de Arte Medicinam definiens dixit, *Medicina est
ab agris morbos in totum tollere*: Tunc enim verè,
& realiter corpora dicuntur sana, integramq;
possi-

possidere sanitatem, quam tantopere appetunt homines omnes, & summo quidem iure, nam sanitas inter bona humana externa primum obtinet locum; & ideò Plato lib. 1. de Legib. ait, *Omniū bonorū humanorū minorū primum est sanitas*, & dixit, *Minorū*, quia bona maiora sunt bona animæ, vt Prudentia, & aliæ virtutes. Et alibi etiam dixit, *Vna felicitatis conditio est, frui bona valetudine*. Cicero etiam lib. 2. Offic. ait, *Sanitas est voluptatibus anteponenda*. Rectissimè igitur imperatum fuit Sanitati Præfectis, vt contagiosos morbos radicitus, & in totum euellerent.

26 *Longum nimis esset omnia sigillatim recensere, quæ Illustrissimus, ac Reuerendissimus Archiepiscopus, quæq; Illustrissimi Senatores in tota Hettruria, finibusq; illius instituerunt.*

Haftenus tempus, locum, morbos, causas externas, & internas, prædictionem, & alia descripsit Historicus, nunc illa narrare aggreditur, quæ ad euitandos, curandosq; contagiosos morbos Illustrissimus, ac Reuerendissimus Archiepiscopus Florentinus; necnon Illustrissimi Senatores Sanitatis Præsides instituerunt, quæ duplicia erant, aliqua enim in Ciuitatibus, Oppidis, Terris, finibusq; totius Hettruriæ; aliqua

aliqua autem Florentiæ solum instituta fuere.
Illa tanquam nimis numerosa, nimisq; remota
prætermittit; ista licet proxima, non tamen
omnia, præcipua tantum describit Historicus;
illa contagium, quod ab alijs regionibus ad
nostram deferri poterat, repellendum; ista au-
tem Florentiæ genitum, sanandumq; respi-
ciebant.

27 *Ille in Ecclesijs Aquam benedictam, Concio-
nes, & pias Societates.*

Neminem latet, quod Aqua facillimè alte-
ratur, & putrescit, vt authoritates, & rationes
Philosophorum, & Medicorum demonstrant;
Arist. lib. 4. Meteor. ait, *Aqua putrescit.* Plato
lib. 8. de legib. dicit, *Aqua facillimè corrumpitur,
& venenis afficitur.* Hipp. lib. de Aere, Aquis,
& Locis idem asserit. Galen. Auicen. & omnes
Medici idem confitentur. Rationes autem,
cur Aqua tam facilè corrumpatur, sunt, quia
ipsa est tenuium partium, vt docet Arist. lib. de
sensu; necnon Galen. lib. 1. de Simp. med. fac.
cap. 14. Quod autem Aqua sit tenuium par-
tium patet, nam illa facilè penetrat per poros
nostri corporis, facilè exhalat, facilè resoluitur,
& promptissimè per pilos, & vestimenta per-
fluit, & hoc quia ob humiditatem, & molli-

H tiem

tiem sine aliqua viscositate partes obtinet di-
uisibiles, quæ facile in minimas partes distrahi
possint, vt Gal. docet, & hinc est, quod Aqua
facillimè alienas qualitates, & materias recipit,
& facillimè alteratur, & corrumpitur, & quò
tenuioris substantiæ est, eò etiam facilius alte-
ratur, & putrescit; & ideò Aqua pluuiosa faci-
lius, quàm omnes aliæ aquæ alteratur, & cor-
rumpitur, cum sit omnium aquarum subtilissi-
ma, sicuti etiam Aqua cocta facilius alteratur,
quàm Aqua non cocta, cum illa sit tenuioris
substantiæ; quare coquitur Aqua, vt subtilior
fiat, vnde fit, quod Aqua pluuiosa, & Aqua
cocta citius calent, & citius frigent, quàm aliæ
aquæ. Notandum tamen est, quod istæ aquæ,
licet sint tenuioris substantiæ, & facillimè alte-
rentur, & corrumpantur, sunt tamen omnium
optimæ, sunt etenim sicut cibus, cuius virtus,
& commendatio est, si facile alteratur, & im-
mutatur, vt Galen. docet lib. 5. Aph. 26. Quo-
niam autem Aqua tam pluuiosa, quàm cocta
facile alteratur, ideò dixit Aetius lib. 3. c. 165.
*Aqua pluuiosa febribus, & his, qui bilem supernè,
aut infernè reddunt, & Regio morbo incommoda est,
mutatur enim facile, & in bilem transit. Quod
Aqua pluuiosa, & Aqua cocta sint tenuium,*
par-

partium, signum est, quod in illis legumina,
carnes, & alia multa celerius coquuntur. Et hinc
est, quod Auicen. lib. 1. dixit, *Aqua debuit esse
subtilis, quia ingreditur illud, quod comeditur,
& bibitur, non autem ut sit nutriens, sed ut sit ve-
hiculum, & nutrimentum penetrare faciat, cum nu-
trimentum fluidum reddat, & ipsum subtiliet, & ci-
tò currat; & penetret in venis, & sine hoc auxilio
non completur nutrimentum.* Addimus, quod
sunt aliquæ aquæ adeò renues, & subtiles, ut
nihil sustineant, nihilq; in illis supernatet;
immò omnia in illis merguntur, ut est Aqua
ad oppidum Podiopontium in agro Florenti-
no positum, sicuti experimentum quotidia-
num ostendit. Cum itaq; omnes homines con-
tinuò Ecclesias adeant, & unusquisq; Aquam
benedictam, quæ tam facile alteratur, corrum-
pitur, & venenum ipsum recipit, semper tan-
gat; ne quis contagioso morbo affectus,
Aquam, illamq; tangentes homines coinqui-
nare posset, sed omnes ab contagio præserua-
rentur, idcirco Illustrissimus, & Reverendissi-
mus Archiepiscopus Aquam benedictam in
Ecclesijs prohibuit. Similiter Conciones, &
pias Societates ad fugiendum contagium dene-
gavit, cum sine contactu non possit fieri con-
tagium,

tagium, vt clarius declarabimus inferius.

28 *Isti Gymnasia, Emporia, Nundinas, & omnes Congregationes prohibuerunt.*

Contagium (quasi contactu agens) est communicatio morbi similis in specie ab corpore in corpus per debitum contactum; facillimè autem si adsit corporum similitudo. Ad generandum contagium præter agens, & patiens necessariò concurrunt contactus, & fomes; aliquando etiam requiritur medium. Contactus non est causa efficiens, est tamen causa, sine qua non potest fieri contagium. Fomes semper est quid præter naturam, siue sit corporeus, vt humor, vapor, spiritus, vel aliud tale; aut incorporeus, vt pura qualitas. Fomes item semper est præcipua causa morbi, licet fomes non sit morbus. Contagium, & fomes fit aliquando ab causa externa, vt ab aere, aut alio inquinato corpore; aliquando etiam fit ab causa interna, vt ab magna cacochimia, putredine, aliaq; humorum prauitate. Contagium fit etiam, vel de proximo, & immediatè, vel ad distans, & mediatè, vt si inter agens, & patiens intercedat aer, aut aliquid aliud, in quo seruetur fomes; distantia autem est maior, aut minor pro maiori, aut minori fomitis actiuitate, & cor-

& corporum dispositione, sicut de odoribus
dici solet. Contagium contrahitur, vel per in-
spirationem, vel per transpirationem, ut no-
tum est, contrahitur quoq; per omnes quinque
sensus; ut per tactum, sicut dictum fuit; ut per
visum, sicut in lippitudine, & puerorum fasci-
natione; ut per gustum, sicut in cibo, & potu;
ut per odoratum, sicut in fetore cadauerum,
& putridorum corporum; ut per auditum, ut
multi Authores asserunt, licet apud nonnullos
sit hoc admodum difficile. Contagium etiam
contrahi potest, & facillime ab forti imagina-
tione, quia imaginatio, cum sit facultas cor-
porea, &educta de potentia materię, maxime
alterat, & mutat corpus; & hinc est, quod for-
tis imaginatio est omnium animi passionum
peffima, cum morbos adducat, & proprium
corpus immutet, ita ut ex anima contingat in
corpore mutatio temperamentı: hec autem
fit, quia fortis imaginatio habet in se virtutem
illarum rerum, quas imaginatur; & ideo dixit
Arist. *Alterant corpus phantasia, sensus, & medi-
tationes, nam phantasia, & meditatio habent in se
rerum virtutem.* Auicenna etiam dixit, *Forma,
quę est in anima, est principium eius, quod fit in
materia, sicut forma sanitatis, quę est in mente*
Medici,

Medici, est principium sanitatis, quæ fit in aegroto. Amplius addit Auicēn. Attende dispositionem infirmi cum credit se conualescere; aut sani, cum credit se agrotare, multoties enim accidit, ut si corroboratur forma, & phantasia in anima eius, patiatur eius materia, & sequatur sanitas, aut infirmitas, & hæc actio proueniens ab anima est efficacior actione Medici cum suis instrumentis, & medicinis. Superaddit Auicēn. Materia plus obedit animæ, quam contrarijs agentibus. Plato quoq; dixit, Quando mens humana rem aliquam amat licet naturaliter non iuuatiuam sibi eam prodesse certificat, ex sola enim mentis intentione res illa corpus iuuat. Et hinc est, quod sancti Martyres vix sentiunt dolorem in martyrio, nempe ob fortem imaginationem futuræ Diuinæ gloriæ: & horum omnium causa vna est, quia corpus, & anima necessario, & maximè agunt, & patiuntur adinuicem; & sicut mores animi pendent à temperamento corporis, sic temperamentum corporis sequitur animi mores, ut apparet in affectibus animi, timore, lætitia, stupore, & alijs similibus, in quibus corpus summopere afficitur: & ideo antiquitus Medici Indi, & Græci solis animi affectibus corporis morbos curabant, quare Galen, rectè dicebat, Si mutantur humores ipsius corpo-

corporis, mutatur etiam actio animi, sicuti animi actio mutata corporis mutat humores; nam affecta anima afficitur corpus, & affecto corpore afficitur anima, sicuti è contra, benè se habente anima benè etiam se corpus habet, & benè se habente corpore benè se habet & anima; vnde Plato dixit, *Non potest curari corpus, nisi prius curetur ipsa anima*. Patet igitur, quod fortis imaginatio non solum mutat corpus, sed morbos multos, magnosq; generat, vt Pestem, pestilentesq; morbos; immò inter causas Pestis precipuas ipsa fortis imaginatio recensetur. Itaq; cum tot, tantisq; modis contagium contrahi possit, & sine contactu nullo modo contrahatur, idè Sanitatis Præsides, vt contactus, & contagium euitaretur, omnes Congregationes, Gymnasia, Emporia, Nundinas, & alia omnia prohibuerunt; vnde vnio, adhesio, & contactus corporum sequi posset, ne vnum infectum multa alia inficeret, sed omnia ab contagio præseruarentur.

29 *Omnibus agricolis Medicorum consilio mandauerunt, vt in proxima futura vindemia Aquam Musto commiscerent.*

Agere nimis acta, hominisq; nimis ociosi non erit nunc probare, quod Vinum aquosum, dilu-

dilutum, pauciferum, olygophorum a Græcis
appellatum facillimè acescit, & corrumpitur,
cum superiorum verborum explanationi hoc
multum conferat. Vinum itaq; olygopho-
rum facilè acescit, & corrumpitur ob copiam
humiditatis, & paucitatem caloris, quæ resi-
dent in illo, quarum cum debita non sit pro-
portio, ideò putredo ibi nascitur, quæ est cor-
ruptio naturæ caliditatis in humido, vt omni-
bus Philosophis, & Medicis notum est. Idcir-
co dixit Galen. lib. 4. de Simpl. med. fac. *Vinum*
quod colligitur per assiduam pluuiam aliena humidi-
tate plenum, aut aliquo alio modo humiditate refer-
tum leui occasione acescit, & putrescit. Auicen.
etiam lib. 1. de Vino aquoso, & abluto lo-
quens, & proportionem calidi, & humidi in
illo respiciens dixit, *Vinum bonum, quod ablutum*
vocant, fit hoc modo, tres musti sumantur partes,
& aque vna, & commisceantur, & coquatur quousq;
quarta pars minuatur, ex quibus verbis patet,
quod in Vino aquoso, & abluto inter calidum,
& humidum debita debet esse proportio, aliter
facilis est corruptio, sicut omnibus alijs corpo-
ribus accidit, in quibus non est calidi, & hu-
midi, aliorumq; humorum conueniens sym-
metria, & proportio, vnde putredo, morbus,
& in-

& interitus necessario pendent; & sicuti etiam
ex debita humorum proportionē, & symme-
tria corporum conseruatio, & sanitas, & vita
nascuntur, quę humorum proportio, amicitia,
& consonantia sunt ipsamet sanitas, & vita,
quę sanitas, & vita sunt ipsius Medicinę vlti-
mus finis; & ideò in Conuiuio Platonis, vbi
conuiuati laudabant Amorem, Eryximachus
Medicus eruditissimus audacter dixit, *Medici-
na est scientia Amoris, & Deus Amor Medicinam gu-
bernat*; ratio autem est, quia inter humores
non proportionatos, & inimicos Amorem, &
concordiam Medicina producit; & sicut Mu-
sica in vocibus consonantiam, sic Medicina in
humoribus concordiam, & symmetriam effi-
cit, vnde Medicina, & Amor sunt vnum, &
idem, cum Medicina, & Amor sanitatem lar-
giantur. Notandum tamen est, quod Vinum
nouum duplici calore præditum est, interno,
& insito illo, externo, & ascititio isto ab am-
biente, & Sole acquisito: Est etiam crassarum
partium, difficilè digeritur, per venas tardè di-
stribuitur, & parum nutrit; sicuti debita aquę
portione mixtum, & subtiliatum, calore ascititio,
& extraneo penitus extincto, melius con-
coquitur, facilius per venas distribuitur, & cor-

pus magis nutrit. Item, Vinum nouum, siue
de sui natura generosum, & inter saxa, & col-
libus, locisq; frigidis, & siccis; siue de sui na-
tura olygophorum, & in planicie, & terra pin-
gui, locisq; calidis, & humidis genitum sit, si
cum aqua misceatur, & aquosum fiat, non se-
nescit, sed acescit, & corrumpitur, vt dictum
est: quod si in iuuentute sua debita aqua mix-
tum bibatur, licet nouum sit, attamen quia
olygophorum est, tùm sanis, tùm ægrotis cor-
poribus bonum, & vtile est; immo conuenit
etiam in morbis acutis, vt vult Hipp. cum Gal.
lib. 3, Acut. dum ait, *Vinum dandum est in morbis
acutis, si sit aquosum, & olygophorum.* Scribit
etiam Gal. lib. de Succ. Bonit. & Vicio, *Vina
noua illa sola bona, quæ tenuia sunt, nam caput non
petunt, sicut Vina generosa, immo potius iuuant se-
datis interdum doloribus quibusdam paruis, quos
contenti in ventre humores procreare solent.* Am-
plius dicit Galen. *Dolor capitis Vini pauciferi potus
sanatur;* & lib. 11. Met. med. similiter dicit,
*Vinum nouum olygophorum conuenit etiam in syncope
stomatica.* In lib. de Vinis legimus, *Vina noua
aquosa sola tutò bibuntur.* Quoniam autem Vi-
num nouum non ab ditibus, sed pauperibus
bibitur, & hoc, quia vili emitur precio, idcò
Sani-

Sanitatis Præiudes, vt certo scirent, quod Vinum nouum ab pauperibus in hoc anno bibendum aquosum, & olygophorum esset, omnibus agricolis mandauerunt, vt in proxima futura vindemia aquam Musto commiscerent. Sed quæret aliquis, cur Vinum inter saxa genitum generosum est, in planicie autem genitum aquosum, & olygophorum est? Responderemus, Vinum est olygophorum, quia in sui generatione multum aquæ, parum terreæ, minus igneæ, calidæq; substantiæ habens debilem in ligno vitis coctionem obtrinit, vt Gal. docet lib. 3. Acut. At in planicie multum est humiditatis, parum internæ caliditatis, quæ ab externa caliditate euocatur, debilitaturque, vnde coctio Vini fit diminuta, Vinumq; generatur olygophorum. Secus est in collibus, & inter saxa, vbi parum est humiditatis, plus terrenæ substantiæ, multum aeris, qui inter saxa collectus alimentum est spiritibus in Vino; multum etiam interni caloris ab frigiditate saxorum, & regionis per antiperistasis adacti, probamq; coctionem efficientis, vnde Vinum spirituosum, & generosum gignitur; & ideo Alexander Aphrod. lib. 1. Aph. 57. & lib. 2. Aph. 6. dicit, *In Ægypto, quæ terra calidissima*
I 2 est,

est, Vinum nasci solet frigidum, idest non calidum,
& olygophorum, in Scythia autem, quæ terra est
frigidissima, Vinum calidum fit, idest generosum;
ratio autem est, quia in Ægypto calor Cæli im-
modicus Terram laxat, & calorem internum
euocat, & absument: in Scythia autem, quæ fri-
gida est, frigiditate Cæli calor ad partes internas
compellitur, & ob antiperistasis includitur;
& sicut in Ægypto exteriora calent, interiora
autem frigescent, sic in Scythia exteriora fri-
gent, interiora autem calent: & sicut in Ægyp-
to Vina fiunt olygophora, sic in Scythia Vina
fiunt generosa. Eadem porrò ratio est plani-
ciei ad colles, & saxa, quæ est Ægypti ad Scy-
thiam quoad Vini generationem. Iterum quæ-
ret, cur Vinum nouum, cum sit calidius, du-
pliciq; calore præditum minus inebriat, quam
vetustum? An, quia Vinum nouum crassarum
partium, & indigestum est, nec vapores ad su-
periora emittere, nec mentem ledere potest,
immo tanquam crassum, & indigestum ad in-
feriora transmittitur, & ventrem turbat; & si
est calidum, est quidem actu, sed non potentia
calidum. Vinum autem vetustum, quia di-
gestum, defecatum, & tenuium partium est,
superiora petit, & mentem ledit, & si actu fri-
gidum

gidum apparet, est tamen potentia calidum.
Eadem est ratio Vini dulcis, quod quidem vix
inebriat, cum sit crassarum partium. Iterum
queret, cur vinum sitim sedat, cum sit calidum?
Respondemus, quod Vinum duplex est, vel
enim est generosum, & merum, vel est olygo-
phorum, & aqua dilutum; Vinum illud, cum
sit calidum, non sedat sitim, immo illam gene-
rat, & genitam auget, & inter causas efficientes
sitim connumeratur; Vinum istud sitim delet,
nam illa est appetitus frigidi, & humidum, tale
autem est Vinum aquosum, quod subtilius ab
Aqua redditum, & ab Aqua, ut vehiculo, per
corpus delatum sua frigiditate, & humiditate
sitim tollit. Iterum queret, cur Aqua est ve-
hiculum Vini, & non Vinum est vehiculum
Aquæ? Arist. & Galen. in hoc pugnant, ille
enim lib. 3. Probl. asserit, quod Aqua est vehi-
culum Vini, iste autem lib. 3. Acut. & lib. 1.
Simpl. med. fac. ostendit, quod Vinum est ve-
hiculum Aquæ. Ut tantos Viros conciliemus,
dicamus, quod Gal. docet Aquam esse tenuis-
simam, sed frigidam, frigiditas autem est causa,
quod ipsa non meat, nec facile distribuitur per
corpus, sublata autem frigiditate Aqua facile
distribuitur; & ideo Medici dant Aquam coctam
in

in morbis acutis, nam Aqua cocta facilius distribuitur. Vinum certè calidum est, & ob suam caliditatem facilè distribueretur, attamen quia crassarum partium est, ideo ob suam crassitiem non permeat, nec distribuitur; & hinc est, quòd mixtis simul Aqua, & Vino, facilis fit vtriusq; distributio, nam Aqua frigida ob Vini caliditatem distribuitur, quæ ob suam frigiditatem nō distribueretur; & Vinum crassarum partium ob Aquæ tenuitatem distribuitur, quod ob suam crassitiem non distribuere-
tur. Sunt itaq; vehiculum sibi adinuicem Vinum, & Aqua, vt dictum est: Arist. dicit, Aquam esse vehiculum Vini crassitiem illius respiciendo; Galen. autem Vinum esse vehiculum Aquæ frigiditatem illius considerando, vnde sibi ipsis non aduersantur, sed vterq; veritatem fatetur.

30 *Canes vagos omnes interfici statuerunt.*

Canis semper fuit nuncius morborum, vt in vno quoq; genere Canis satis apparet: Canis sydus morbos prænunciat, morbos adducit, & morborum remedia impedit, & ideo dixit Hipp. lib. de Aere, Aquis, & Locis, Periculosissima sunt ambo Solstitia, maximè verò Æstiuum; & oportet Astrorum ortus considerare præcipue

pue autem Canis. Morborum etiam impedit re-
media, nam, vt ait Hipp. lib. 4. Aph. *Sub Cane,*
& ante Canem difficiles sunt purgationes. Canis
Cerberus nō solum omnium morborum nun-
cius, sed ipsius Inferni custos habetur, vt fabu-
lantur Poetæ. Canis Terrestris maximè om-
nium est symbolum Pestis; vnde Poetæ, cum
Pestilentiam significare cupiunt, Canem per
regiones Peste affectum errare, & omnes affi-
cere fingunt. Canis Terrestris est symbolum
Pestis, quia rabias illius est simillima Pesti, cum
vtraq; sit morbus contagiosus lethalis omnes,
aut plurimos interficiens, & ideò Arist. de Ca-
nis rabie dixit, *Canis rabie laborat, & quæ mo-*
morderit omnia rabiunt; intereunt rabie Canes, &
quæ ab illo morsa sunt. Et si Canes rabie laborant,
tunc Pests prestò adest, & hinc est, quod in
magnis Pestilentijs homines rabie efferantur;
vnde Canis rabies, & Pests affinitatem ma-
gnam habent, & ferè coincidunt, vt vna posi-
ta ponitur & altera, & vna est symbolum al-
terius. Non solum autem Canes, sed etiam
Lupi ipsi, si quando Ciuitates ingrediuntur,
Pestem portendunt, vnde manauit adagium
illud, *Non sine quare Lupus ad Urbem*; & ratio
est, quia Lupi sunt Canibus simillimi, eodemq;
gene-

genere nati, itaut Lupi dici possint Canes ly-
ueller, & efferati, Canes autem Lupi familia-
res, & urbani. Canes talem habent cum Peste
sympathiam, vt primi semper illam præsen-
tiant, primi q; etiam illa afficiantur. Primi Pe-
stem sentiunt ob excellentiam sui odoratus,
nam cum Pestis fiat ex putredine, & praua qua-
litate Aeris, tanta est Canum odoratus præstan-
tia, vt illam statim odoratu persentiant. Tale,
tantumq; est Canum odoratus acumen, vt solo
odoratu fures cognoscant, illosq; implacabili
odio præter ceteros homines persequantur.
Primi etiam Canes Peste laborant, quia sunt
animalia putida, magnèq; putredini obnoxia,
vt fetidus, omnibusq; hominibus odiosus o-
dor illorum testatur, & ideò Homerus de Pesti-
lencia loquens ait,

Custodes percussit primò, & Canes albos.
Et alter Poeta dixit,

Vim primi sensere Canes, mox nubibus atris
Fluxit deficiens penna labente Volucris.

Ouidius etiam cecinit,

Strage Canum primò, Vulturumque, ouiumque,
Bouumque.

Lucretius quoq; perbelle cecinit,

in primis fida Canum vis

Strata

Strata vijs animam ponebat in omnibus agram.
Ratio autem, cur Canes vagi primi, & maximè
omnium Peste corripiantur, est, quia ipsi mul-
ta excrementa, cadauera, putrida; alia alimen-
ta devorant, vnde intensæ putredini, ipsi; Pe-
sti summopere sunt dispositi. Ita; cum Ca-
nes vagi tam facillè Pestem, & contagium con-
trahere, corpora; aliena inficere possint, rec-
tissimè Sanitatis Præsidēs instituerunt, vt Ca-
nes vagi omnes interficerentur, quod quidem
institutum omnes Principes, & Respub. ad eui-
tandam Pestem, & contagium semper seruare
consueverunt. Sed dicet aliquis, cur Canes
vagi, non autem domestici occidebantur? An,
quia Canes vagi corpora mortuorum, multa;
alimenta putida sumentes Pestem, & conta-
gium facillimè concipere, ab alijs recipere,
alijs; corporibus per Urbem vagantes com-
municare poterant; Canes autem domestici in
Domibus diuitum commorantes, & alimen-
tum bonum sumentes contagium concipere,
ab alijs recipere, aliena; corpora coinqui-
nare difficilè poterant. Amplius dicet, cur
Canes, & non feles occidebantur? An, quia
feles non ita facillè, vt Canes Pestem, & conta-
gium concipiunt, aut recipiunt, nam cibo me-

K

liori

liori vtuntur, odorem fetidum, vt Canes, non reddunt, ob inimicitiam Canibus nō aderent, nec ab illis contagium suscipere possunt. Amplius dicet, cur Canes, & feles sunt inimici? An, quia habitant in eodem loco, & vtuntur eodem victu, vnde dixit Arist. lib. 9. de Hist. Anim. *Pugnant inter se animalia, quæ loca eadem incolunt, & eisdem vescuntur cibis, & si victus penuria sit, fit certè ob eam rem, vt vel eiusdem generis animantes pugnam inter se conferant.* Et etiam homines ob eandem rationem inimici sunt, & pugnant inter se, vnde ait Arist. lib. 2. Reth. *Diligimus illos, qui nobis aliquo modo similes sunt, aut eisdem artibus, aut eisdem studijs, sed hoc est, si alter alteri impedimento non sint, aut si non ex eadem ratione vtrique præsidia vitæ, alimenta; pendant, itaut dimicare sit illis necesse pro victu.* Pugnant etiam inter se animalia, quorum vnum est alteri cibus, sicut noctuæ sunt auiculæ; noctua enim nocte auicularum oua, & etiam auiculas ipsas in suis nidis exedit, vnde postea in die omnes auiculæ noctuam persequendo circumuolant, & percutiunt; & hoc faciunt non propter admirationem, vt multi opinati sunt, sed propter inimicitiam, vt scribit Arist. ibi locorum, dum ait, *In die, vel ceteræ auiculæ omnes*

omnes noctuam circumuolant, quod mirari vocatur,
aduolantesq; percutiunt, & ideo Aucupes, ea consti-
tuta, auicularum genera multa, & varia capiunt.
Amplius dicet, cur scripsit Arist. lib. 8. de Hist.
Anim. cap. 22. Quod Canes rabie laborant, & quæ
momorderint omnia rabunt excepto homine, & inte-
reunt hoc morbo Canes, & quæ morsa sunt excepto
homine? Nam multi docent oppositum, & ho-
mines rabidi Canis morsu rabidos fieri, & ra-
bidos mori vulgatum est. Huius difficultatis
nodum soluere difficile est, attamen, ut Aristotelem
sapientissimorum virorum Præceptorem
dignissimum aliquo modo defendamus, pro
nunc dicamus, quod multi multa gratis profe-
runt, & scribunt, quia impunè illa proferre,
& scribere possunt; at si mendaciorum daren-
tur penę, multa linguis, & typis mandantur,
quæ silentio, & obliuioni traderentur. Vel di-
camus, quod nostris temporibus ob pessimam
diętam corpora sunt tali, tantaq; cacochimia,
humorumq; prauitate referta, ut vnumquemq;
morbum intrinsecè concipere, & vel rabiem
ipsam ab extrinseco recipere facillimè possunt:
Vetustis autem temporibus ob optimam dię-
tam corpora adeò bene se habebant, ut nec ad
multos morbos, nec ad rabiem ipsam erant

K 2 dispo-

disposita; ita ut rabies, quæ tunc temporis non erat hominis morbus, nunc temporis est hominis interitus.

31 *Extra mœnia iuxta Portas Ciuitatis Cancelli firmati erant, quos declinare nemini licebat.*

Dubitatum fuit ab antiquis Politicis, vtrum Ciuitas sibi sufficiens, optima, & perfecta debeat habere mœnia, nec ne. Politici verustiores opinati sunt, quod talis Ciuitas non debet habere mœnia, cum Ciues optimi, & perfecti, virtute, & sapientia præditi illam gubernent, nec mœnijs, arcibus, turribus, alijsq; præsidijs indigeat, illi enim ab hostibus tum internis, tum externis sola virtute Ciuitatem defendere possint; ratio autem illorum erat, quia Ciuitas illa optima, & perfecta dicebatur, quæ Ciues optimos, virtute, & sapientia præditos habet. Hanc opinionem videtur probasse Hipp. qui Senatui Abderitarum scribens, dixit, *Beati profecto sunt populi, qui sciunt, bonos Viros esse sua munimenta, & non turres, nec muros, sed sapientium Virorum sapientia consilia.* Exemplum huius opinionis sit Archimedes Syracusanus, qui cū esset Philosophus, Astrologus, Geometra, & Machinarum bellicarum excogitator maximus, cumq; Syracusana Ciuitas ab Marco Marcello

Con-

Conſale obſidio oppugnaretur, ſuo ingenio
omnes conatus Marcelli fruſtrauit, vnde per
annos illos bellum perdurauit, & Marcelli vic-
toria diu impedita fuit; & ſi Ciuitas illa plures
Archimedes habuiſſet, nunquam fortasſe Mar-
cellus illam captiuasſet; & ideo Homerus de
Agamenone loquens dixit,

Utinam mihi talem Decem Conſuliores adeſſent.
Plato etiam lib. 6. de Legibus opinionem illam
comprobauit dicens, *Menia ad ſanitatē Ciui-
tatibus nullo modo conducunt.* Deinde mollem quen-
dam habitum in animos inhabitantium inducere con-
ſueuerunt prouocans, vt ad ipſa confugiant, & ho-
ſtes non propulſent, & vt neq; vigilēs cuſtodes ſem-
per die, noctuq; in Ciuitate habeant, ſed cogitent ſe-
menijs, & portis ſeptos etiam dormientes re vera
ſalutis artes habituros eſſe, veluti nati ſint ad hoc,
vt non laborent; ignorantes autem quietem ex labo-
ribus eſſe, ex quiete autem labores oriri. Ariſt. lib. 7.
Polit. hanc dubitationem ſoluit dicens, quod
Ciuitatibus non ſufficit, vt Ciues optimi ſint,
ſed menia etiam illis opus ſunt, & ait, *Sufficeret
quidem, & illud ſatis eſſet inter pares, aut non mul-
to excedentes multitudine, ſed quia aliquando con-
tingit, vt multo maior ſit hominum multitudo, &
maiori virtute ſuperueniat; ideo menia etiam neces-
ſaria*

saria sunt ; præsertim hoc tempore , in qua Tormenta,
& Machina ad obsidionem Urbium cum omni subtili-
tate sunt adinuenta . Præterea, mœnia ad Ciuitatis or-
natum faciunt. Patet igitur ex Arist. quod Ciuitas
sibi sufficiens, & perfecta nō solum Ciues, opti-
mos, sed mœnia etiam habere debet. Quoniam
autem Contagium non solum erat excedens,
sed validissimus, & acerrimus hostis, nec opti-
mus Princeps, optimi Ciues, debita mœnia,
plures arces, turres multæ, arma copiosa con-
tra illum poterant esse satis, ideò alia quædam
præsidia particularia ad impugnandum illum
excogitata fuerunt, quorum vnum illud fuit,
quod extra mœnia iuxta Portas Ciuitatis Can-
celli quidam positi, & firmati erant, quos eui-
tare, declinareq; poterat nemo, nullus enim
egressus, nullus item ingressus ad Ciuitatem
alius erat, & quicumq; ingredi, aut egredi vo-
lebat, necessariò ad Cancellos peruenire debe-
bat, nec illos declinare poterat.

32 Viri nobiles stabant ad limina Portarum, quo-
rum sine authoritate nihil egredi, nihil ingredi po-
terat.

Nullæ sunt occultæ insidiæ, quibus ad sui
propagationem non vtatur Contagium; nam
omnes vias perambulat, omnia loca ingredi-
tur,

tur, tacite volans omnia contaminat, nulli
parcit, & sicut est omnibus immane, sic ab eo
nihil est immune. Et hinc est, quod contra
ipsum alia Machina reperta fuit, nempe, ut Vi-
ri nobiles stantes in limine Portarum, Sanitatis
vigilantissimi, & fidelissimi custodes, & tan-
quam Argi oculatissimi omnia prospicientes
nihil egredi, aut ingredi Ciuitatem paterentur,
quod in se Contagium, aut illius suspicionem,
vel minimam præferret.

33 *Nosocomion, vulgò Lazzeretto nominatum.*

Plato in Cratylo agit de recta nominum ra-
tione, & docet, quod vera nomina non sunt ad
placitum, sed sunt ipsa rei essentia voce, vel lite-
ris declarata. Manifestum autem illud est, quod
natura nulli rei dat nomen, sed nomina impo-
nuntur lege, & vsu eorum, qui nomina ponunt;
qui autem nomina ponunt, non ad libitum illa
ponunt, si illa sunt nomina vera; quod si non sunt
vera, homines ad libitum illa ponere possunt;
ratio autem est, quia si nomina vera essent ad
placitum posita vnum, & idem esset multa, &
diuersa, nam vni rei possunt multi multa, & va-
ria nomina ad placitum ponere, at cum nomen
verum sit essentiae vox significatiua; verumq;
nomen cum essentia coincadat; igitur tot es-
sent

sent vniu rei essentię, quot essent illius rei no-
mina, & ^s sic vnum, & idem esset multa, & di-
uersa, quod est impossibile. Item, verum no-
men est vera imago ipsius essentię, at vnius rei
est vna essentia, igitur vna sola imago, & vnum
solum nomen; vnde nomen verum vnius rei
non potest esse nisi vnum apud omnes gentes,
& ideo benè dixit Plato, *Nomen verum est imita-
tio, & imago essentię rerum syllabis, aut literis ex-
pressa*. Arist. lib. 1. de Interpret. cap. 2. dicit,
*Nomen est vox significatiua secundum placitum, &
hoc, quia nullum nomen est natura*. Dicit autem ad
placitum hominis, quia cum à natura non ha-
beantur nomina rerum, placuit hominibus no-
mina imponere rebus, quæ quidem non po-
nere etiam potuissent; sed quia ponere pla-
cuit, ideò nomina dicuntur ad placitam posita.
Nec Platoni aduersatur Arist. nam aliud est po-
nere nomen, aliud est ponere hoc, aut illud no-
men; Arist. dicit, quod nomen ponere est ad
placitum, cum homo posset non ponere no-
men si vellet: non dicit, quod ponere hoc, aut
illud nomen sit ad libitum, sicuti etiam dicit
Plato, qui cum Arist. semper confiteretur,
quod ponere nomen est ad placitum, sed po-
nere hoc, aut illud nomen nullo modo est ad
placi-

placitum hominis; sicut etiam Arist. cum Platonem semper asseueraret, quod ponere nomen non verum, & improprium est ad libitum hominis, sed ponere rebus nomen verum, rectum, & proprium nunquam est ad libitum hominū. Quoniam autē sanitatis Præsides locum vnum elegerunt, in quo omnes contagio affecti curarentur, & ille locus vulgò *Lazzeretto*, appellabatur, quod quidem nomen est ad placitum, nec verè significet locum, in quo egroti curentur, sed potius nomen alicuius hominis, qui *Lazarus* nominabatur; idcò Historicus Platonis, & Aristotelis doctrinam sequutus nomen verum loco illi posuit, quod quidem locum, in quo ægrotantes curantur, significat.

34 *Vnum.*

Politici nonnulli dubitant, an Ciuitas debeat esse magna, an parua. Aliqui magnam illam esse debere affirmant, quia *Ciuitas magna beata est*, aliqui autem parua illam esse debere contendunt, quia magnam Ciuitatem rectè gubernare admodum difficile, aut impossibile est, cum Diuinę virtutis id opus sit, non autem humanę. Huic dubitationi respondet Arist, lib. 7. Polit. dicens, quod magna Ciuitas dupliciter sumi potest, vel enim est magna quoad

L nume-

numerum habitantium, itaut sit populosa, vel
est magna quoad potentiam, & virtutem gu-
bernantium, & dat exemplum Hipp. Medici,
qui dicebatur magnus non quoad staturam
corporis, sed quoad virtutem; erat enim Hipp.
magnus Medicus, sed non magnus Homo:
sic Ciuitas debet esse magna quoad Virtutem,
& Potentiam, & non quoad numerum habi-
tantium solum; bonum quidem esset, si vtroq;
modo magna esset. Florentia sanè est magna
Ciuitas vtroq; modo, nam quoad Potentiam,
& Virtutem gubernantium non solum est ma-
gna; immo est maxima; cum ab Serenissimo
Ferdinando Secundo tanta Sapientia, Poten-
tiaq; gubernetur, vt omnes alij Principes illum
potius admirari, quàm imitari possint. Quoad
numerum habitantium est etiam magna Ciui-
tas, cum numerus illorum nonaginta millium
superet. Sed dicet aliquis, si Florentia est ma-
gna Ciuitas etiam quoad numerum habitan-
tium, cur Lazzaerctum vnum erectum fuit?
An, quia tunc Contagium erat in suo primo
principio, satis leue erat, ægroti erant valde
pauci, spes autem magna illud fore breuiter,
facileq; extinguendum. Præterea, Lazzaerctum
illud valde amplum erat, itaut ægroti, cum es-
sent

lent pauci, commode curari poterant. Postquam autem ægrotantium numerus, & Contagium augeri ceperunt, Lazzarecta similiter aucta, duplicata, multiplicata fuerunt; vt inferius dicetur.

35 *Intra Urbem in Hospitali comuniter dicto Bonifatij erexerunt.*

Quamuis Lazzarectum intra Urbem positum esset, tamen erat valde remotum ab corde, & umbilico Ciuitatis, cum esset in Hospitali comuniter dicto Bonifatij, quod positum est circa terminos, & ultimos fines Ciuitatis, vt omnibus notum est. Ciuitas etiam tutissima erat ab Contagio Lazzarecti ob magnas diligencias, & optimos ordines institutos ad hoc, vt tota Ciuitas ab illo esset immunis.

36 *Quo vel leui quouis morbo cutaneo affecti.*

Superius dictum fuit, quod cutis, & glandulæ sunt omnium nostri corporis partium vilissimæ, & facultatem expultricem non habentes necessariò prauos humores, & excrementa ab toto corpore ad illas transmissa recipientes, & illa expellere nequeutes necessariò etiam egrotant, cum natura sit nunquam ociosa, semper faciat quod melius est, assidue ab partibus nobilibus ad partes ignobiles, & ab centro ad cir-

L 2 cumfe-

cumferentiam corporis quidquid molesti ha-
bet, transmittat. Dictum fuit etiam, quod per
nonnullos annos tempora intempestiua, in-
constantia, pluuiosa, diæta pessima, inconti-
nentia maxima præcipuè in pauperibus fue-
rant, vnde in illorum corporibus magna præ-
uorum humorum quantitas generari debuit,
quam natura officio suo semper fungens ad
cutim, & glandulas mittens in causa fuit, quod
morbi non solum multi, sed diuersi etiam in-
ter se fuere, & hoc ob diuersitatem humorum,
variâq; corporû dispositionem: quiquidem
morbi sicut diuersi inter se erant, sic in vno si-
miles erant, quia omnes contagiosi erant, licet
aliqui lethales, aliqui verò salutare essent: qui
omnes, vt facilius, & securius extirparentur,
rectè statutum fuit, vt quouis leui, minimoq;
cutaneo morbo affecti ad Lazzarectum omnes
ducerentur, soli enim cutanei morbi conta-
giosi, & pestilentes purabantur. Quod autem
in hoc anno soli morbi cutanei contagiosi, &
pestilentes essent, pluribus argumentis demon-
strari poterat, quorum vnum sumitur ex defi-
nitione Pestis, *quæ est morbus comunis omnes, aut
plurimos interficiens*; at in hoc anno plurimi eo-
rum, qui mortui sunt, aliquo morbo cutaneo
affecti

affectedi mortui sunt, igitur morbi cutanei con-
tagiosi, & pestilentes erant. Item, illud est Pe-
stis, pestilentisq; morbi signum, quando nullo
præcedente morbo plurimi ægrotantes mo-
riuntur, quia tunc sine vlla pugna natura mor-
bo succumbit, at in hoc anno plurimi eorum,
qui mortui sunt, sine aliquo præcedenti mor-
bo, sed solis cutaneis morbis affecti mortui
sunt, igitur morbi cutanei contagiosi, & pesti-
lentes erant. Item, datur Pests sine febre, vt
scribit Hipp. lib. 3. Epid. comm. 3. test. 25.
& 55. & lib. 6. Epid. comm. 7. test. 1. & Gal.
etiam lib. 9. Simpl. med. facult. cap. de Terra
samia; si ergo Pests, pestilensq; morbus potest
esse sine febre, poterit etiam esse sine alijs mor-
bis; & si sine febre, alijsq; morbis potest pluri-
mos interficere, multo magis cum aliquo mor-
bo cutaneo coniunctus plurimos interficere
poterit: Præterquam quod morbi illi cutanei,
licet essent de se morbi, tamen erant effectus,
& symptomata aliorum morborum interno-
rum, & vt effectus, symptomata, & signum in-
terni alicuius pestilentis morbi à Medicis con-
siderabantur; at in hoc anno multi sine febre,
alijsq; morbis, solis autem morbis cutaneis af-
fecti mortui sunt, igitur morbi cutanei conta-
giosi,

giou, & pestilentes erant, item, tunc est Pestis,
pestilentisq; morbi signum maximum quandò
vnus morbus de sui natura salutaris fit lethalis,
vt si quis periret laborans febre tertiana, aut
quartana, quæ sunt morbi de sui natura om-
nium securissimi; vnde narrat Hipp. in Epid.
quod in illa aeris pestilenti constitutione plu-
rimi moriebantur quouis morbo antea essent
affecti, siue de se lethali, siue salutari; & ratio
est, quia Pestis non est vnum tantum genus
morborum, sed cuncta genera morborum Pe-
stis naturam induunt, pestisq; vocari possunt,
ita ut omnes morbi possunt coniungi cum Pe-
ste, & Pestis cum omni morbo; & ideo dixit
*Arist. Pestis ex omnibus morbis maximè afficit om-
nes, quia sola Pestis est morbus omnibus communis;*
at in hoc anno morbi de sui natura salutare
(vt erant morbi illi cutanei, qui secundum or-
dinem naturæ sunt, vt dictum est) facti sunt
lethales; igitur contagiosi, & pestilentes erant.
Item in nonnullis Domibus intra, & extra Vr-
bem positis familiæ quasi integre extinctæ fue-
runt, & omnes illi mortui aliquo morbo cuta-
neo affecti erant, quod aliunde fieri non po-
tuit, nisi ex eo; quod morbi erant contagiosi,
& pestilentes, & vnus infectus alios suos fami-
liares

liares coactecerit. Item tunc est Pectis, pestilen-
tisq; morbi signum, quando corpora suapte
natura probis humoribus referta, more sano-
rum educata, sanitate integra, & inculpara
fruentia derepentè sine aliqua manifesta causa
ægrorant, & moriuntur; & post mortem etiam,
aut liuentia, aut nigricantia, aut tumore, aut
ulcere, aut pustula, aut alio morbo cutaneo af-
fecta conspiciuntur, aut pùtredinem molestam
olent, aut varia ab se ipsis fiunt; sed in hoc an-
no multì taliter affecti mortui sunt; igitur con-
tagiosi, & pestilentes morbi erant. Item, nul-
lum famosum potest esse omnino falsum; vn-
de dixit Esiodus,

*Quam populi celebrant omnino fama perire nulla
potest.*

At Florentiæ, in tota Hetruria, & in tota Italia
famosum erat, quod morbi illi contagiosi, &
pestilentes erant; igitur si non in totum, saltem
quoad maiorem partem contagiosi, & pestilen-
tes esse debebant. Sed notandum est, quod
Galen. lib. 6. de Locis aff. cap. 5. docet, omnes
morbos, qui fiunt ab causa externa, & per con-
tactum, ab causa etiam interna fieri posse, &
ait, *Omnes affectus illi, qui fiunt à veneno epoto,
aut Peste, aut alio quouis modo, possunt etiam fieri*

ab

ab prava qualitate, & corruptione humorum. Vnde sequitur, quod Contagium est probandum, & non supponendum in morbis. Illud etiam notandum est, quod morborum aliqui sunt contagiosi, & lethales; aliqui contagiosi, sed non lethales; aliqui etiam lethales, sed non contagiosi; unde sequitur etiam, quod Contagium est probandum, & non supponendum. Stantibus hisce substineri potest, quod in hoc anno Florentiæ non fuerunt verè, & realiter contagiosi morbi, sed solum lethales, & exitiosi, nam Contagium hæcenus à nullo unquam probatum fuit, & argumentis faciliè responderi potest: Primum argumentum est Elenchus, qui peccat à secundum quid ad simpliciter; non enim valet dicere, plurimi moriuntur, ergo est Pests, sed bene valet dicere, est Pests, ergo plurimi moriuntur; ratio autem est, quia sunt multi alij morbi lethales, qui plurimos interficiunt, & non sunt Pests, neq; contagiosi morbi, sed ab prava qualitate, magnaq; humorum corruptione geniti, & non per contactum: Illud certè valet, plurimi moriuntur, igitur morbi sunt lethales, at non sequitur, ergo sunt contagiosi, itaut Contagium est probandum, & non ad libitum proferendum.

Morbi

Morbi in hoc anno necessariò lethales esse debebant, & præcipuè circa pauperes ob superius allatas causas, quas repetere nunc odiosum esset. Sed contra hanc responsionem dicet aliquis, dantur morbi, qui quidem ab causa interna, & humorum corruptione nascuntur, & tamen sunt contagiosi, ut scabies, lippitudo, tinea, & alij morbi; non igitur sufficit dicere, morbi fiunt ab causa interna, & humore prauitate, ergo non sunt contagiosi. Responderi potest, quod argumentum istud eandem continet in se fallaciam, licet enim aliqui morbi ab causa intrinseca geniti possint esse contagiosi, non idcirco valet, omnes morbi ab causa interna geniti sunt contagiosi, nam multi, & multi sunt morbi ab causa interna geniti, qui quidem non sunt contagiosi, sunt tamen lethales, & plurimos interficiunt; & ideo Contagium est probandum in morbis, signaq; propria tradenda sunt, quibus morbi ab causa interna geniti, & contagiosi ab morbis interna causa genitis, & non contagiosis cognosci possint. Secundo argumento dici potest, verissimum quidem esse, quod pestilentie illud est maximum signum, quando sine vlllo præcedente morbo plurimi moriuntur; illud tamen

M

non

non est verum, quod in hoc anno plurimi sine
aliquo præcedenti morbo peribant, nam om-
nes egroti aliquo morbo cutaneo affecti erant,
nullusq; ad Lazzarectum ducebatur, qui cuta-
neo aliquo morbo non laboraret. Præter quam
quod morbi illi cutanei erant effectus, & symp-
tomata interni alicuius præcedentis morbi, &
ut symptomata, & effectus illius à Medicis con-
siderabantur, sicuti dictum est. Tertio argu-
mento dici potest, licet enim verum sit, quod
datur Pectis sine febre, ut Hipp. & Gal. dicunt,
& verum etiam sit, quod Pectis cum alijs mor-
bis coniuncta multò magis occidere potest,
non ideo verum est, quod omnis morbus, qui
plurimos occidit, sit Pectis, & contagiosus le-
thalis, cum sint morbi multi acuti, peracuti, &
lethales, qui non sunt Pectis, neq; contagiosi
morbi, qui plurimos interficiunt, & ab causa
interna, humorumq; prauitate geniti sunt, ut
superius dictum fuit. Quando autem dicitur,
quod in hoc anno plurimi sine febre, alioq;
morbo coniuncto, sed solis cutaneis morbis
laborantes mortui sunt, responderi potest,
quod hoc est probandum, & etiam declaran-
dum, quis nam fuit istius veritatis iustus iudex.
Quarto argumento dici potest, maximum qui-
dem

dem Peltis illud esse lignum, quando vnus
morbus de se salutaris, vt tertiana, aut quarta-
na febris, fit lethalis, & exitiosus; sicuti etiam
notissimum est, quod morbi cutanei, vt cuta-
nei sunt, de sui natura salutare sunt; attamen
notandum est, quod morbus dicitur lethalis
tripliciter, vel ratione morbi, vt si sit apoplexia,
vel ratione loci affecti, vt si cor, aut cerebrum
afficiatur, vel ratione virium, nam si vires es-
sent debiles, etiam si morbus esset parvus, at-
tamen dicitur magnus, vt senibus accidit, qui
ob morbum paruum facile pereunt. Similiter
morbi dicuntur salutare tripliciter, vel ratio-
ne loci affecti, vel ratione morbi, vel ratione
virium validarum, vt tertiana, quartana, &
huiusmodi morbi, qui sunt salutare omnibus
tribus modis, & non vno tantum modo. His
notatis argumento dici potest, quando mor-
bus est salutaris omnibus tribus modis, si æger
moritur, tunc est signum magnum Peltis, pe-
stilentisq; morbi; quando autem morbus est
salutaris vno tantum modo, vt ratione loci af-
fecti, nempe cutis, sed est lethalis omnibus alijs
modis, si æger moritur, non est signum Peltis,
contagiosi q; morbi, sed signum morbi letha-
lis: Tales autem erant morbi in hoc anno.

Quinto argumento dici potest, non valet illud
consequens, aliquæ familiæ quasi integræ ex-
tinctæ fuerunt, ergo morbi erant contagiosi,
potuerunt enim generari ab causa intrinseca,
& ab prauitate humorum, & sicut primus egro-
tus in illis familijs ab causa intrinseca, humo-
rumq; corruptione potuit ægrotare, sic etiam
secundus, tertius, quartus, & omnes alij, nam
facilius ægrotant familiares eodem morbo,
quam alienigeni, cum eadem vtantur diætâ,
eandemq; corporum dispositionem habeant.
Sexto argumento dici potest, verissimum esse
Pestis, pestilentisq; morbi signum, quando cor-
pora probis humoribus referta, sanorum mo-
re educata, sanitate integra fruëntia derepente
sine manifesta causa ægrotant, & moriuntur,
necnon post mortem liuentia, aut nigricantia
sunt, aut tumore, vlcere, pustula, aut morbo
alio tali affecta conspiciuntur, aut putredinem
oleat, variaq; ab se ipsis fiant; at falsissimum
est, quod ægrotantes, & mortui in hoc anno
tales essent, cum illi fuerint solum pauperes,
& egeni prauis humoribus abundantes, malè
nutriti, valdè debiles, & ab causis manifestis
ægrotantes; & si moriebantur, non contagio-
so, pestilentiq; morbo, sed ab causa interna ge-
nito,

nito, moriebantur. Septimo tandem dici potest, nullum famosum potest esse omnino falsum, sicuti etiam fama Contagij in hoc anno falsa omnino non fuit, nam si Florentiæ non fuit verum Contagium, attamen ibi fuerunt morbi lethales, & mortiferi, qui quidem genere saltem cum contagioso, pestilentiq; morbo conueniebant, nam sicut Contagium, & Pestis, sic morbi illi lethales mortem afferebant: Vnde patet, quod Contagium est probandum, & non supponendum.

37 *Siue cum febre, siue sine febre, alioq; morbo coniuncto.*

Quoniam autem omnes morbi cutanei, & soli morbi cutanei, siue lethales, siue salutes contagiosi, & pestilentes existimabantur; & quoniam fama erat, quod aliqui cutaneo morbo solo affecti sine febre, alioq; morbo coniuncto moriebantur; vt facilius, & securius morbi illi extirparentur, rectè statutum fuit, vt omnes, & soli morbo quouis cutaneo laborantes, vel cum febre, vel sine febre, alioq; morbo coniuncto ad Lazzarectum ducerentur: Vnde pateat quantopere hallucinentur iactantes dictum illud, *Neminem sine febre perire*; est enim experimento, authoritati, & rationi

tionem contrarium. Experimentum iam omnibus notum est. Autoritas est ipsius Hipp. lib. 3. Epid. comm. 3. tex. 25. & 55. & lib. 6. Epid. comm. 7. tex. 1. ubi datur Pests sine febre, quod quidem est mirabile. Galen. etiam idem asserit lib. 9. Simpl. med. fac. cap. de Terra samia, lib. 2. Aph. 19. & lib. 5. Aph. 31. quibus in locis ait, quod dantur morbi acuti sine febre, ut apoplexia, epilepsia, conuulsio, tetanus, & alij morbi tales, ut hidrops, venenum frigidum, qui morbi terminantur ad mortem sine febre. Ratio autem est, quia cum febris sit morbus calidus, (est enim calor præter naturam accensus in corde) & apoplexia, sicut etiam omnes adducti morbi sit morbus frigidus, fieri non potest, ut duo extremè contraria sint simul in vno, eodemq; subiecto, & vno, eodemq; tempore. Præterea, vita stat in calido, sed magis contraria est calori frigiditas, quàm calor calori data paritate; si igitur calor naturalis calore febrili destruitur, multò magis frigiditate destruetur. Sed quia dictum est, quod febris est calor præter naturam accensus in corde, per arterias, & venas distributus in vniuersum corpus, ut Galen. docet, obijciat aliquis, calor nostri corporis nunquam est præter naturam, nec putre-

putrescit, sed semper est naturalis, & sicut ignis,
& Sol nunquam putrescunt, vt scribit Arist.
sic calor naturalis putrescere nunquam potest,
nam solum augetur, aut minuitur, aut extin-
guitur. Item, si febris esset calor accensus in
corde, semper in febre cor calidum esset, at da-
tur febris, in qua cor est frigidum, vt Gal. do-
cet lib. 3. de Præfagitione ex Puls. cap. 2. 3. & 4.
igitur febris non est calor accensus in corde.
Item, si calor in febre diffunderetur per totum
corpus, febris esset morbus vniuersalis, & cor-
pus, omnesq; partes eius calidæ essent; sed fe-
bres dantur, in quibus partes aliquæ frigent,
aliquæ autem calent, vt typhus, & hepatica fe-
bris; non est ergo febris morbus vniuersalis,
nec calor diffunditur ad omnes partes. Est etiam
authoritas Hipp. qui lib. de natura Mulierum,
& alibi quoq; dicit, quod febris non est mor-
bus vniuersalis, nec semper calor diffunditur
in vniuersum corpus. Primo argumento re-
spondebit sciens quidam, verum quidem es-
se, quod calor naturalis nunquam fit, nec est
præter naturam, nec vnquam putrescit, aut
corrumpitur, sed semper augetur, aut minuitur,
aut extinguitur; & si augetur, aut minuitur, ta-
men naturalis semper est, sicut Sol, & ignis,
qui

qui putredinem non suscipiunt. Quando autem dicitur, febris est calor præter naturam, verbum illud, *Præter naturam*, debet intelligi præter ordinem, & gradum, quem natura requirit in suis operationibus, quiquidem calor secundum ordinem, & gradum naturæ temperatus esse debet, nam si calor excedit, facit febrem, si deficit, facit putredinem; sed tam calor excedens, quàm deficiens est naturalis, cum peccet in quantitate, aut defectu, sed non qualitate, & specie. Humiditas est illa, quæ putrescit, si calor naturalis excedit, aut deficit, nec est humiditati consonans, & proportionatus; putrescit autem humiditas non quia calor sit putridus, aut corruptus, sed quia auctus, aut diminutus est; & ideo dixit Arist. lib. 4. Met. *Putredo est corruptio naturæ caliditatis in humido*; ubi putredo naturæ caliditatis significat calorem humiditati non proportionatum, non autem calorem putridum, & corruptum; & alibi etiam dixit, *Senectutem, & mortem esse naturalem putredinem*, intelligens putredinem, nempe calorem naturalem diminutum, & extinctum, non autem putridum, & præter naturam. Notandum est, quod febris, & putredo differunt, & una sine altera esse potest, cum detur febris
sine

sine putredine, & putredo sine febre; & si differunt inter se, differunt etiam illarum causæ, & remedia, licet ambæ in hoc conueniant, quod fiunt ab calore non proportionato ad materiam. Cum ergo possit esse febris sine putredine, patet, quod verbum illud, *Præter naturam*, non putredinem, sed caloris excessum significat, aliter enim omnis febris esset putrida: patet etiam, quod febris est calor naturalis auctus, sed non putridus. Plato quoq; scribit in *Timæo*, *Tunc est febris continua, quando corpus languet excessu ignis*. Secundo argumento respondebit Gal. lib. superius citato de *Præsignis*, ex *Puls.* quod cor dupliciter sumitur, aut secundum se totum, aut secundum suas partes, quæ sunt substantia ipsa, & pars solida cordis, humores, spiritus, aut alia quæuis materia in ipso corde contenta, & præcipuè in ventriculis. Si consideretur cor secundum se totum, semper cor debet primum incallescere, si autem consideretur quoad suas partes potest esse, quod vna pars cordis sit frigida, vt substantia illius, aliæ autem partes sint calidæ, & febrem efficiant; aut è contra substantia cordis sit calida, humores autem, & quælibet materia frigida; & ideò rectè dicitur, quod in omni febre sem-

N per

per cor debet esse calidum, aut in totum, aut secundum aliquas partes; sat est ad generandam febrem, quod aliqua pars cordis incalascet. Tertio argumento respondet similiter Galen. lib. 6. Epid. comm. 1. quod si calor in febre non diffunditur per vniuersum corpus, attamen sat est, quod sit in pluribus partibus, aut in nobilissimis. Respondet Auic. quod calor in febre diffunditur ad totum corpus, nisi impediatur.

38. *Omnes in feretris vellent nollent adducebantur.*

Tanti momenti erat Contagium extinguere, vt non solum omnes, & soli cutaneo morbo laborantes, & illi quidem volentes, sed nolentes etiam ad Lazzarectum in feretris adducebantur; Lazzarectum enim Pestis, & mortis domicilium ab omnibus habebatur, vniuersq; Ciuitati horribile adeo erat, vt multi illuc ferri nō nisi violenter patiebantur, nam, vt ait Arist. lib. 3. Eth. *Quę violenter, & inuitē fiunt, ob timorem maioris mali fiunt*; maius autem malum ægrotis illis videbatur in Lazzarecto Pestem, & mortem, quam in proprijs domibus paupertatem, & Contagium pati, vbi incurati non solum domesticos, familiares, & amicos, sed totam Ciuita-

uitatem coinquinare poterant; vnde sicut vtilis, immo necessaria, sic laudabilis valdè violentia illa erat, qua nolentes ducebantur, & nolentes curabantur, ne nolentes morerentur.

39 *Nulla autem cutaneo morbo laborantes etiam si quouis acuto morbo, & magna febre laborarent, non adducebantur.*

Si in cute ægrotantium nihil apparebat, ad Lazzarectum non deducebantur etiam si alio quouis morbo acuto, peracuto, acutissimo, aut quauis magna febre, vt emitritheo, febreq; maligna laborarent, nam omnes, & soli morbi cutanei contagiosi, nullus autem alius morbus non cutaneus contagiosus putabatur, & hoc quia plurimi eorum, qui moriebantur, aliquo morbo cutaneo affecti moriebantur. Queret aliquis, cur emitritheus est magna febris, & difficilè sanatur? Respondemus, quia emitritheus constat ex duobus humoribus contrarijs, nempe pituita, & bile, qui cum sint contrarij, contraria etiam requirunt remedia; vnde Galen. lib. 1. ad Glauconem curat emitritheum dando aquam hordei cum pipere, nec aliter curari potest, & ideò Auic. lib. 4. f. 1. in cura emitrithei dixit, *Et quis est, qui curet emitritheum absq; hoc? Et si natura non est fortis ad*

N 2 d. fcer-

discernendum illa contraria in medicamentis, tunc
non prodest curatio quomodocumq; fiat. Et lib. 1.
f. 4. dixit. Ex rebus, in quarum medicatione est
subtile ingenium adhibendum, est, cum in una egri-
tudine coniunguntur duo, quæ fieri debent, contraria,
quia oportet, verbi gratia, ut ægritudo infrigidetur,
& eius causa calefiat, sicut febris requirit infrigida-
tionem, & oppilatio, quæ est causa febris, requirit
calefactionem, aut è conuerso: & similiter, si ægri-
tudo indiget, ut calefiat, & accidens eius, ut infri-
gidetur. Et paulò inferius addit, Amplius scire
debes, quod non omnis repletio, neq; omnis complexio-
nis malitia suo medicatur contrario ex euacuatione,
& oppositione, immo multoties sufficit multa regi-
minis bonitas in repletionem, & malitia complexionis.
Gal. quoq; lib. 10. Met. med. dixit, Cum unus
in corpore affectus est, eius curationem inuenire, si
non ratione, certè experientia haud difficile est; ubi
verò connexi duo, tresue sunt, præsertim qui maxi-
mè contraria inter se auxilia requirunt, fieri ne-
quit, ut experientia quod agendum sit, inueniatur,
immò nec facile ratione; siquidem & substantiam
cuiusq; affectus ad unguem nouisse oportet, & pro-
priam curationis indicationem à quoq; affectu cepisse:
Et præterea quem primum omnium, aut magis; quem
rursum minus, aut secundo, aut tertio loco curare
conue-

conueniat . Libro etiam 11. Met. med. idem
confirmat Gal. & lib. 6. de Tuen. Sanit. simili-
ter ait, *Porro difficilis connexio est, quoties vel in
calidum Ventrem frigidam, & pituitosa sanies ex
capite defluat, vel in frigidum calida.* Emitritheus
igitur est magna febris, difficileq; curatur, quia
duobus humoribus contrarijs cōponitur, con-
trariaq; remedia requirit, quę potius conserua-
re, & augere, quàm minuere, & sanare mor-
bum possunt. At ille obijciat, si emitritheus
magna febris est, & difficile curatur, quia ex
humoribus contrarijs constat, & si morbi ma-
gni sunt, & difficile curantur, quorum causæ,
vel symptomata morbis contraria sunt, ergo
febris hectica erit morbus paruus, & facile cu-
rabitur, cum illa sit morbus similis, & sim-
plex, nec contrarietatem cum suis causis, hu-
moribus, symptomatibus vllam habeat; & ta-
men illa est incurabilis, nedum difficillimæ cu-
rationis. Respondemus, quod febris hectica
est morbus similis, & simplex, nec vlla repe-
ritur in illa contrarietas; ipsa tamen est incur-
abilis, quia non habet causam, qua remota mor-
bus etiam remoueri possit, sicut accidit in fe-
bre putrida, quę causam habet, qua remota
etiam febris remouetur, & ideò dixit Auic.
lib. 4,

lib. 4. f. 1. Curatio febris hectica differt à curatione
febris putridæ, curatio enim hectica est contenta su-
per contrarietatem agnitudo-
nis tantum, immo est super ipsam, & super abscis-
sionem causæ eius. Est etiam incurabilis febris
hectica, quia stabilita, & in habitu est, habitus
autem non potest separari ab eo, cuius est ha-
bitus, aliter non esset habitus, ut alias diximus.
Febris autem putrida, & emitricus causam
habet licet contrariam, quæ remoueri potest,
nec est in habitu, & ideo sanari potest licet dif-
ficile ob contrarietatem illam; itaut emitri-
cus in comparatione ad alias febres putri-
das, & causam habentes difficilis est curationis,
sed in comparatione ad febrem hecticam facilis
est curationis. Notandum est, quod febris he-
ctica est morbus similis, simplex, semper
æqualis, sine dolore, & calore, quia est morbus
sine sua causa, qua adempta remansit sola fe-
bris, quæ non est amplius coniuncta cum sua
causa; & hinc est, quod febris hectica est una
sola, nec amplius redit, sicut redeunt febres pu-
tridæ, quæ suam causam coniunctam habent,
quæ illas iterum generat; est enim tunc febris,
& sua causa, quæ illam iterum parit, & illa ite-
rum

rum redit. idem dici debet de febre ephemerâ,
quæ vna sola, & simplex est, nec amplius redit,
cum causam non habeat, & morbus cum sua
causa finiatur, vnde non redit amplius, sicut
rediret, si causa illius post febrem remansisset,
vt Galen. docet lib. 10. Met. med. cap. 1. Cum
autem febris hectica sit morbus simplex, sem-
per equalis, sine dolore, & calore, sequitur,
quod in illa non est agens, & patiens distinctum,
vt in febre putrida, nam in hectica agens, & pa-
tiens sunt vnum, & idem subiecto, loco, & tem-
pore; vnde cum nihil agat in se ipsum, ideo in
illa non fit passio, nec ægrotus dolorem, aut
calorem sentit; passio enim, & dolor fit, quan-
dò agens, & patiens sunt distincta, vt est in fe-
bre putrida, in qua calor febrilis est prius in
spiritibus, & humoribus, & postea in partibus
solidis, quæ partes solidæ recipiunt calorem
illum ab humoribus, & spiritibus, vnde fit
dolor, & passio; at in febre hectica non fit il-
la caloris receptio, quia calor ille in partibus
solidis immobilis semper manet; & sic non fit
dolor, neq; passio, aliter idem esset motor, &
mobile; agens, & patiens; idem ageret in se
ipsum, & vnum esset duo, quod est præter na-
turam, sicut scribit Gal. lib. de inæquali Intem-
peric,

perie, & lib. 2. de caulis Symptomatum, Auer.
lib. 3. Collig. & Arist. lib. 2. de Anima, ubi ait,
*Tactus non sentit qualitates, quæ sunt in ipso, quia
idem est agens, & patiens.* Iterum quæret, cur
hectica febre laborantes incalescunt à cibo,
putrida laborantes non incalescunt à cibo?
Respondemus, omnia corpora incalescunt à
cibo, siue sint sana, siue febre hectica, siue pu-
trida, siue alio quouis morbo laborent, diuersè
tamen, & secundum magis, & minus, nam in
febre hectica calor ob maximam siccitatem est
valde intensus, & si humiditas, quæ est caloris
pabulum, à cibo, & potu illi superueniat, cum
calor illa humiditate valdè indigeat, fit magna
ebullitio, sicut apparet in calce, si aqua illi su-
peraddatur, tunc enim fit summa, intensaq; ca-
loris operatio; sed in febre putrida, alijsq; mor-
bis non tanta siccitas adest, sicuti etiam nec in
sanis corporibus, & ideo nec tanta ebullitio,
tantaq; caloris actio, immò potius ab humidi-
tate multa calor corporis debilitatur. Igìtur
hectici magis incalescunt à cibo, quàm febre
putrida laborantes, & non quod febre putrida
laborantes à cibo non incalescant. Responde-
mus etiam, quod in hectica febre calor fit in-
gens solum à cibo, & non aliter, nec alio mo-
do,

do, & tempore, cum febris illa sit semper equalis; at in febre putrida corpus non solum incallescit à cibo, sed etiam aliàs, alio modo, alijs causis, alioq; tempore; vnde, quia hecticus solum à cibo, nulla autem alia causa, nullo alio modo, nullo alio tempore incallescit, solus à cibo incallescere dicitur. Notandum est, quod cibi, & potus duplex est pars humida, illa quidem rorida, subtilis, & tenuis, quæ citò, & facillimè diffunditur per corpus, cum vnus, aut duarum, aut ad plus trium horarum spacio diffundatur, digeraturq; & tunc corpus incallescit: ista autem crassa, quæ distribui per corpus non potest, nisi prius in ventriculo concoquatur, postea in hepate sanguificetur, & tandem nutrimentum, & cambium corporis fiat; quæ quidem operatio effici non potest nisi spacio 13. horarum, vt nonnulli asserunt, aut 18. horarum, vt alij volunt. Quando dicitur, quod hecticus incallescit à cibo, intelligi debet de parte illa subtili, & rorida, sicut intelligit Gal. & omnes Medici, dum dicunt, quod solus hecticus incallescit à cibo, non autem de parte illa crassa, quam intelligit Auerr. contra Galen. & sectatores illius. Iterum quæret, cur febris hectica nunquam componitur, misceturq; cum

O

alia

alia febre hectica, sicut aliquando miscetur,
vniturq; cum omnibus alijs febribus? An, quia
febris hectica est in habitu, habitus autem vnus
solus est, nec possunt esse simul habitus duo,
aliter vnum esset duo in eodem tempore, quod
naturæ repugnat. Iterum quæret, si in omni-
bus febribus partes solidæ incalescunt, & sunt
febris subiectum, cur non omnis febris appel-
latur hectica, sed vna hectica, alia putrida, aut
alia diaria? Respondemus, quod in omnibus
febribus calor præter naturam est in partibus
solidis, & quod partes solidæ sunt febris su-
biectum, non spiritus, & humores; sed quia
in febre hectica calor præter naturam est in
partibus solidis in habitu; in alijs autem fe-
bribus calor præter naturam est in partibus so-
lidis in actu, & non in habitu, ideo illa sola
febris dicitur hectica, aliæ autem febres dicun-
tur, aut putridæ, aut diariæ. Notandum est,
quod semper subiectum febris sunt partes so-
lidæ, non autem spiritus, & humores, & ratio
est, quia illius est morbus, quod viuit, & actio-
nem habet, quæ actio læditur à morbo, cum de
essentia morbi sit, vt lædatur actio, aliter non
esset morbus; at partes solidæ viuunt, & actio-
nem habent; spiritus autem, & humores non
viuunt,

viuunt, nullamq; habent actionem, igitur solidæ partes ægrotāt, quia ipsarum lēditur actio; spiritus, & humores ægrotare non possunt, cum non uiuant, nullamq; edant actionem, sunt tamen instrumentum actionis, quo utitur facultas in suis operationibus; & ideo solidæ partes ægrotant, in febribus incalescunt, alterantur, dolorem, molestiamq; persentiunt; itaut spiritus, & humores sunt potius causa morbi, quam morbi subiectum. Et si quis dicat, spiritus, & humores non sunt verum, proximum, propriumq; febris subiectum, sicut sunt partes solidæ, at sunt subiectum saltem remotum, & improprie dictum, cum etiam ipsi concurrant ad recipiendam febrem; & si non sunt totum subiectum, sunt tamen aliqua pars subiecti, nam & ipsi incalescunt vna cum partibus solidis ob magnam vnionem, & vicinitatem ipsorum, itaut vna parte excalescēta omnes aliæ incalescunt, nempe totum corpus, quod est verum febris subiectum; nos illi assentimur. Et si iterum dicat, Galen. Auicen. & omnes Medici volunt tres esse febrium differentias, hecticam, putridam, diariam; hecticam residere in partibus solidis, putridam in humoribus, diariam in spiritibus, ergo hu-
O 2 mores,

mores, & spiritus sunt febris subiectum: Respondemus, quod Gal. cum alijs Medicis intendit distinguere, & declarare differentiam febrium sumptas ab materia, in qua residet febris, quę materia triplex est, spiritus, humores, & partes solidę; sed sicut sunt diuersę materię inter se, sic etiam varię, & diuersę agunt, & patiuntur ad inuicem, diuersasq; febrium species faciunt, quę distingui debebant declarationis gratia; & non quod vnaquęq; materia habeat suam febrem propriam, & distinctam ab alia, itaut tunc alię materię non habeant febrem, nec incalescant, idest, vt febricitent spiritus, non autem humores; aut febricitent humores, non autem spiritus; aut spiritus, & humores, non autem partes solidę; aut partes solidę, non autem humores, & spiritus, nam totum corpus febricitat etiam in diaria febre, licet vna materia febris magis, aut minus; citius, aut tardius incalescat, quam alia, vt scribit Gal. lib. 1. de diff. feb. cap. 1. Item quęret, cur febres sitim faciunt, & non famem? An, quia sitis fit ab intemperie, aut humore calido; fames autem ab intemperie, aut humore frigido, vt constat ex fame canina, & vaccina, & ex eo, quod stomaci frigidi famelici sunt; cum itaq; febris faciat

109
ciat sitim, ergo famem efficere non potest,
cum vna, & eadem causa contrarios effectus
producere nequeat; contrariarum enim causa-
rum contrarij etiam sunt effectus.

40 *Ubi licet curati, omnes tamen ferè morie-
bantur.*

*Medicina est omnium artium nobilissima, licet pro-
pter ignorantiam Medicorum, & vulgi ruditatem,
qui tales pro Medicis iudicat, & habet, sit facta
omnium vilissima, sicut scribit Hipp. in lib. de Lege.*
Medicina est etiam omnium artium difficilli-
ma, & (quod magis refert) omnium periculo-
sissima, & hoc ob dignitatem, & præstantiam
sui subiecti, quod est homo ipse. Non enim
sordidi alicuius opificij, sed humani corporis
omnium præstantissimi, maximeq; Diuini ope-
ris cura Medico demandata est, quam curam
non solum præstare, aut susceptam assequi, sed
etiam aggredi quam arduum, & operosum sit,
rei ipsius magnitudo testatur; nam præter ac-
curatam infinitarum penè disciplinarum co-
gnitionem; præter absolutam singularum Me-
dicinæ partium eruditionem; præter iudicium
incredibile, ingenijq; soletiam longo etiam
vsu, diuturna experientia, eximiaq; probitate
summopere præditus esse debet: quæ quidem
omnia

omnia vnusquisq; Medicus porius desiderare,
quam consequi potest; & etiam si consequere-
tur, morbis tamen occultis, & ab tota substan-
tia, sanandis non sufficeret, cum vnus Æscula-
pius vix illis satis esset; ratio autem huius est,
quia morbis occultis, & à tota substantia con-
ueniunt etiam remedia occulta, & à tota sub-
stantia, vt omnes Medici fatentur. Tales qui-
dem erant morbi illi contagiosi, vnde remedia
occulta, & specifica requirebant. Talia reme-
dia componere, & adinuenire Medico non est
possibile, cum superent intellectum hominis,
& sint cognitu impossibilia, vt ait Auerr. Et li-
cet ista remedia specifica per experientiam ali-
quando cognita fuerint, non idcirco in morbis
istis vtilia, & conuenientia esse poterant, quia
morbi occulti, & à tota substantia differunt in-
ter se, nec omnes sunt eiusdem speciei, vnde
quod iuuat, & conuenit vni, non iuuat, nec
conuenit alij, *Nam experientia est cognitio plurium
singularum similium saepe memoria repetitorum, plu-
res enim vnius rei memoriae vnius experientie fa-
cultatem efficiunt, vt docet Arist. lib. 1. Metaph.
& lib. 1. Reth. similiter dixit, Usitata tantum ge-
nera morborum custodiuntur, non noua, quæ repente
aliquando sentiuntur, & ingruunt.* Nihil igitur
miran-

mirandum, si egrotare omnes licet Theriaca,
sanguinis missione, alijsq; remedijs, tùm ratio-
nabilibus, tùm inrationabilibus diligenter cu-
rati moriebantur. Dubitari potest, vtrum The-
riaca sit medicamentum rationabile: Respon-
det Auic. quod non est rationabile, cum illius
cognitio, & scientia ab hominibus haberi non
possit, & ait, Ignoramus causam, quare ista pro-
portio, quæ est inter virtutes Medicinarum simpli-
cium, & ponderis ipsarum necessitat istam dispositio-
nem, vel præparationem ad suscipiendam virtutem,
seu proprietatem Theriacæ, sicut ignoramus in ceteris
similibus, quæ non artificialiter, sed naturaliter com-
ponuntur; & non est possibile, vt loquamur de ipsa,
& de proportionem eius ad suas operationes sermone
manifesto. Et si quis dicat, quod scit causam fa-
cientem illa pondera facere illam proprietatem, tunc
dicet mendacium in eo, sicut si dicet aliquis se habe-
re scientiam ponderum ipsorum elementorum in equis,
in homine, & in alijs mixtis. Sapientes autem spe-
culantes præcise determinant, quod cognitio, & com-
positio istarum Medicinarum processit ab inspiratio-
ne, & prouidentia Diuina, aut ab re inspirationi si-
mili: Etenim deductio rationis non pertingit effica-
ciam compositionis ipsarum; & reuelatio, & Diuina
prouidentia creauit homines ad illam sic faciendam;
& ope-

Et opera Theriaca procedunt ex nobilitate
data illi ab extrinseco; Et eius principium est ab ex-
trinseco Et hinc est, quod descriptio Theriaca melior
est illa, quæ descripta est ab Andromacho. Et nixi
sunt plures Medicorum, sicut Galen. & alij, ut ad-
derent, & minuerent in ea, non propter necessitatem,
neq; propter aliquid forte vocans illos ad hoc, sed
querentes, ut rememorarentur, & ut remaneret ab
eis in ipsa vestigium, sicut remansit Andromacho.
Et idcò consilium meum est, ut non remoueat aliquid,
fortasse enim illa complexio cum illo pondere
est exigens illud, cuius iuuamentum inuenit experi-
mentum, quod quando remouetur à suo pondere, non
consequitur illam proprietatem. Hæc scribit spar-
sim Auic. lib. 5. tract. 1. & lib. de Medicinis
cord. tract. 2. quæ quidem omnia non solum
de Theriaca, sed etiam de multis alijs Alexi-
pharmacis, medicamentisq; compositis intel-
ligenda veniunt. Dubitari etiam potest, vtrum
sanguinis missio sit remedium rationabile:
Equidem videtur, quod non, nam priscis tem-
poribus sanguinis missio non erat in usu, di-
cebat enim antiquitas, ut Celsus ait, Corpora
agrotata non possunt tolerare illa remedia, quæ corpora
sana vix tolerare possent, & hoc, quia sanguinis
missio est omnium virium summopere resolu-
tiua,

tiua, cum sanguis sit filius naturæ, & sit tan-
quam filius vnicus matris suæ, illiq; valdè di-
lectus, & sine eo vita stare non possit. Item,
sanguinis missio nunquam conuenit, nam
damni multum, vtilitatis autem parum, & il-
lud etiam fortuitò secum affert; ipsa enim non
conuenit in aere calido, nam ambientis calor
è corpore euocat spiritus, viresq; resoluit. Non
in aere frigido, nam corpus à frigido aere ni-
mis refrigeratum non indiget, vt sanguinis mis-
sione denuò refrigeretur, natiuus enim calor ad
pristinum statum redire amplius non posset.
Non in corpore bilioso, nam sanguis est fre-
num bilis, & si euacuatur, timor est, ne bilis
nimis incalescat, & efferuescat euacuato san-
guine contemperante. Non in pituitoso, nam
euacuato sanguine contemperante frigiditatem
pituitæ timor est, ne corpus ad nimiam pituitæ
quantitatem, nimiamq; refrigerationem per-
ducatur. Non in quauis intemperie, nam in-
temperies non euacuantur. Non in pueris,
quia venas habent angustas, quæ sanguinis pa-
rum continent, corpus est molle, rarum, tran-
spirabile, nulla egent sanguinis euacuatione
cum sint in corporis augmento, magnaq; fiat
sanguinis consumptio, & ideò pueri sanguinis

P

fluxu

fluxu ex naribus tere nunquam laborant.
Non in senibus, quia sanguine, & viribus ca-
rent. Non in corpore pingui, & obeso, nam
venas habent angustas, quæ sanguinis parum
amplectuntur. Non in gracili, quia exiguum
sanguinis habet, est enim gracile, quia debita
sanguinis copia, debitoq; alimento destitutum
gracile, & extenuatum euadit. Non vbi sit
obstructio, non vbi adstrictio, non vbi putre-
do, nam sanguinis emissio nec exobstruit, nec
poros aperit, nec purificat, vt Galen. docet.
Non in vigilijs, non in doloribus, alijsq; sym-
ptomatibus vires debilitantibus, ne maxima
fiat virium prosteratio, vt Galen. ait. Non in
pauperibus, nam imbecilli sunt, & prauis hu-
moribus scatent. Non in diuitibus, nam ob
incontinentiam cacochimia, & copia super-
fluitatum abundant. Non in timidis, nam vt
plurimum in syncopem incidunt. Non in ca-
cochimia, aut cachexia, nam tunc sanguis, &
vires absunt. Non si sanguis sit plus iusto ruf-
fus, niger, nimis serosus, acris, venam dis-
sectam interfluendum vellicans, & mordens,
nam tunc cacochimia adest, nec mittendus est
sanguis, vt Galen. scribit lib. de Succ. Bonit. &
Vitio cap. 1. & lib. 1. ad Glauconem cap. 11.
& alijs

& alijs in locis. Non in corpore incontinen-
ti, ebrioso, & gulæ dedito, nam ob victus in-
temperantiam crudorum humorum copiam
ceteriter coaceruat, vt scribit Galen. lib. de Cu-
randi rat. per sang. miss. cap. 7. Non in corpo-
re laborioso ob magnam sanguinis, & virium
consumptionem. Non in ocioso, cum super-
fluitates, & cruditates in illo generentur, vnde
cacochimia. Non in destillatione, seu catar-
rho, nam sanguinis missio refrigerat totum cor-
pus, maximè autem caput, vnde augetur cau-
sa, & materia destillationis. Item destillatio
de se est fluxus humorum, cum sit delapsus ex-
crementorum cerebri in partes subiectas, & fiat
cum motu; at sanguinis missio ratione vacui
est causa motus, & fluxus humorum, quare,
aut catarrhum generat, aut genitum auget.
Non in febribus, nam febris remedium sem-
per est potus aquæ frigidæ, vt Gal. ait, nec fe-
bris vlla, vt febris est, indicat sanguinis missio-
nem, siue sit putrida, siue non putrida, siue
continua, siue intermittens, quia vt febris est
licet continua indicat refrigerationem; vt pu-
trida est indicat purificationem. Non in febre
intermittenti, nam ex intermittenti fit conti-
nua deductis, tractisq; ab circumferentiam ad

centrum, & ab extra ad intra venas humoribus
febrem efficientibus. Non in febre maligna,
& pestilenti ob magnam virium imbecillita-
tem, vnde Gal. lib. de Succ. Bon. & Vitio ma-
gnopere laudat Medicos illos, qui in febre
maligna non audebant mittere sanguinem, li-
cet esset principium morbi. Item, nihil magis
generat febrem, nihil magis genitam auget,
nihil magis febrem facit malignam, quàm ipsa
sanguinis missio, cum tollat symmetriam, &
proportionem calidi, & humidi, omniumq;
corporis humorum, sublata autem illa propor-
tione necessariò oritur putredo, & febris, &
quo plus mittitur sanguinis, eo plus augetur
putredo, vnde febris euadit maligna, quæ in
excessu putredinis solum ab alijs febribus dif-
fert. Auicen. lib. 1. f. 4. & lib. 4. f. 1. & Auerr.
lib. 3. Collig. & Galen. lib. 7. Aph. 37. inter
causas generantes febrem sanguinis missionem
enumerant, nam calore interno imminuto, vi-
ribusq; factis imbecillioribus putredo genera-
tur, & generata augetur calore non concoquen-
te, gubernare; errataq; resarcire non potente,
improportionato ad suam materiam iam exi-
stente: & ideo Auicen. lib. 4. f. 1. dixit, *Consi-
lium meum in phlebotomia est, ut dimittatur quan-
tum*

tum possibile est. Et si quis diceret, si febris, ut febris est, indicat corporis refrigerationem, igitur sanguinis missio febribus cōueniet, nam illa corpus refrigerat, ut notum est. Responderetur, quod hoc esset verum, si sanguinis missio corpus refrigeraret per se, ut est potus aquæ frigida; at refrigerat per accidens euacuata materia calida; & ideo non semper, sed aliquando refrigerat, ut notat Galen. lib. 10. Met. med. cap. 10. & ratio est, quia quod fit per accidens, fit ab causa indeterminata, contingens est, & potest aliter se habere. Item, sicut sanguinis missio aliquando iuuat per accidens refrigerando, sic ut plurimum per se nocet euacuando, cum febris de se non indicet euacuationem. Item, febris, & sua causa, maximè autem efficiens, ut plurimum pugnant, & dissentiunt, & vtrāq; suam habet indicationem, & medellam, nec idem potest vtriusq; esse remedium, immò quod iuuat febri, nocet causæ, & quod iuuat causæ, nocet febri, sicut Gal. docet lib. 10. Met. med. cap. 1. & lib. 11. cap. 2. & lib. 9. cap. 5. & 6. Igitur sanguinis missio non est adhibenda, nam febrem solam refrigerando respicit, causam autem negligit. Cum autem febris tolli non possit, nisi tollatur prius sua causa, primaq;

maq; indicatio semper sumatur à causa, certè
febris missione sanguinis non curabitur ne-
glecta causa, quæ remedium à febre diuersum
requirit; & hinc est, quod sicuti sanguinis mis-
sio refrigerando febrì parum prodest, sic causæ
multum obest; immo febrem, & causam auget.
Item, in febre iam genita calor igneus semper
primò residet in corde, & inde per arterias, &
venas diffunditur in vniuersum corpus, itaut
totum corpus recipit calorem à corde, & non
cor à toto corpore; vnde fit, quod refrigerato
per sanguinis missionem corpore breui corpus
iterum recalescit calorem extraneum assidue ab
corde recipiens: frustra igitur mittitur sanguis
in febribus ad refrigerandum corpus. Item,
sanguinis missio debet refrigerare calorem ex-
traneum, non autem calorem naturalem, qui
residet in sanguine, & spiritibus, quo refrige-
rato, fit putredo, & febris maior; hoc autem
accidit in missione sanguinis, nam illa calorem
natum refrigerat, qui quidem est idem sub-
iecto cum calore extraneo; itaut si febris requi-
rit remedium frigidum, non tamen requirit ta-
le remedium frigidum, nam etiam mandrago-
ra, opium, & similia febris essent remedium
cum sint frigida. Et si quis diceret, in omnibus

con-

conuenit sanguinis missio authoritate Galen,
qui scribit lib. 11. Met. med. cap. 15. Saluberrimum igitur, *ut* prædiximus, est in febribus venam incidere, non continentibus modo, verum etiam alijs omnibus, quas putrescens humor concitat, ubi præsertim nec ætas, nec vires prohibent; leuata namq; quæ corpus nostrum regit natura, exonerataq; eo, quo veluti sarcina præmitur, haud egre quod reliquum est, vincet. Itaq; proprij muneris non oblita, & concoquet quod concoqui est habile, & excernet, quod potest excerni: Respondetur, quod Galen. missionem sanguinis in febribus laudat, quando sanguinis etiam adest plenitudo, & quod ratione plenitudinis, non autem ratione febris illam commendat; nam plenitudo sanguinis, & febris simul coniungi possunt, quarum illa per se missionem sanguinis semper indicat, ista autem de se nunquam illam requirit; vnde dubium esse posset, an febris missionem sanguinis in plenitudine impediret; idcò Galen. ait, si plenitudo adsit, & ætas, & vires non prohibeant, saluberrimum est in febribus sanguinem mittere, nam febris nunquam impedit. Quod autem Galen. plenitudinis gratia solum euacuationem sanguinis concedat, docent manifestè verba illius, dum ait, *Ut prædiximus*;

Præ-

Prædixerat enim, quod quando adest sanguinis plenitudo, semper sanguis est mittendus. Docent etiam hoc verba illius, dum ait, *Leuata, & exonerata veluti sarcina*, quibus lucidissime declarat, plenitudinem, & quantitatem sanguinis; nam si natura leuatur, ergo pondere grauabatur, & si exoneratur, ergo onere opprimebatur, & si sanguis erat illi veluti sarcina, ergo sanguis erat illi pondus, ideò sanguine misso illa leuatur, exoneraturq; . Et si iterum diceret, si sanguinis missio in plenitudine conuenit, igitur aliquando conuenit: Responderetur; quod neq; in plenitudine sanguis est mittendus, nam sanguinis mittendi quantitas non potest sciri à Medico, sicut etiam nullius alterius remedij quãtitas ab illo sciri potest, & hoc quia nec morbi quantitas ab ipso cognosci potest, cum vacuationis mensuram coniectura consequi sit quid difficillimum, siue plenitudinis, siue reuulsionis gratia illa fiat; nam si Medicus diminute euacuat, nihil, aut parum iuuat; si mediocritatem excedit, maximum damnum affert, cum sanguinis missio modum excedens non differat ab ipsa cede. Difficillimum etiam est cognoscere quibus corporibus euacuatio illa conferat, & sectionis etiam tempus,

pus, occasioq; non sine magno negotio reperitur. Et hinc est, quod multi Medici antiquiores nunquam venam secabant, sed loco illius alijs auxilijs euacuatorijs utebantur; itaut si sanguinis missio est remedium rationabile, & conuenit saltem in plenitudine, non idcirco rationabilis est rectus illius vsus; & si quando iuuat, hoc fortuito accidit, & ideo non conuenit. Et si iterum dicet, Medicus imitatur naturam, at natura sanguinem mittit, & morbos multos sanguinis euacuatione sanat, vt per nares, per hemorroidas venas, & per vterum. Item, datur sanguinis plenitudo, ergo necessario dari debet etiam illius euacuatio, cum suis contrarijs curentur contraria. Item, est authoritas Hipp. Arist. Gal. Auic. Auerr. & omnium Medicorum, qui omnes sanguinis missionem confitentur, & profitentur. Item, est experimentum patens omnibus hominibus, quod utilitatem illius demonstrat, multi enim quotidie sanguinis missione ab morbis liberantur, & febres multæ in ipsa missione sanguinis iugulantur. Respondetur, Medicus imitatur naturam in quantum potest; natura autem sapientissima in suis operationibus errare non potest, at Medicus errare potest, sicuti sepius errat,

Q

errat, & ratio est, quia Medicus singularia non
cognoscit, natura verò singularia cognoscit,
& ideo, iudicium Medici difficillimum est, &
recta operatio ferè impossibilis. Si necessaria
est sanguinis missio, contingens est rectus il-
lius vsus. Si omnes Medici missionem sangui-
nis probant, non idcirco rectum eius vsum do-
cent. Si experimentum vtilitatem ostendit, il-
la est fortuita, non autem rationabilis vtilitas.
Et certè sanguinis missionis rectus vsus est adeò
cognitu difficilis, vt in secunda vena rectè illud
quidem accidit, quod in litibus iudicandis,
ferendisq; sententijs accidere solet, in quibus
vt plurimum maior est difficultas in facto co-
gnosendo, quam in iure ferendo, &, vt Fer-
nelius ait, *Obscurior est facti, quam iuris questio*;
vnde Crysippus, Erasistratus, & multi alij non
omni crimine, sed potiùs quauis venia digni
videntur, si fallaciam, pericula, & damna san-
guinis missionis cognoscentes, humani gene-
ris beneficio illam penitus prohibuerunt.
Multa alia pericula, & damna in medium ad-
duci solent, quæ ab sanguinis missione proue-
niunt, sed ne prolixiores simus, silentio illa
committimus, & satis sint, quæ fuerunt ad-
ducta ad probandam opinionem dicentium,
quod

quod sanguinis missio non est remedium rationabile, sed fortuitum; & est rationabile in mente, non autem in operatione; quamquidem opinionem valdè negligunt Medici nostrates, qui tam audacter, tam sæpè, tam copiosè sanguinem mittunt; sed ipsi viderint.

41 *In Ciuitate autem quatuor Medicos, totidemq; Chyrurgos elegerunt.*

Florentia Ciuitas magna iam iam priscis temporibus in partes sex diuisa fuit, quas Sexteria appellabant. Postea tamen diuisa fuit in partes quatuor, quæ etiam hodiè Quarteria nominantur. Sanitatis Præsides, vt ordinem serua-
rent, Medicos quatuor, Chyrurgos etiam quatuor elegerunt, & vnicuiq; parti, siue Quartario Medicum vnum, & Chyrurgum vnum distribuerunt; opera autem, quam præstare illi debebant, inferius patebit.

42 *Qui in proprijs domibus omni authoritate vnumquemq; agrotum visentes, si cutaneo solum aliquo affectu laborantem cernerent, Magistratui statim denuntiarent; quouis autem alio morbo affectum, nullum denuntiarent.*

Satis, superq; dictum fuit superius, quinam ægroti, & quo morbo affecti ad Lazzarectum ducebantur. Nunc Historicus describit ordi-

Q. 2 nem,

nem, & officium, quibus tùm Medici, tùm Chyrurgi suam operam dabant, quæ quidem omnia ita clara sunt, vt nulla alia explicatione indigeant.

43 *Omni*bus alijs Medicis, & Chyrurgis imposuerunt, vt nullum talem ægotum nisi semel adirent, antequam ille Magistratui denuntiatus fuisset.

Adeò horribile erat Lazzarectum in tota Ciuitate, vt omnes ægotantes potius extra illud certa morte mori, quam intra illud dubiam vitam viuere malebant; & ideo ne in manus Medici, & Chyrurgi inciderent, nec ab illis denunciarentur, nec illorum iudicio ad Lazzarectum ducerentur, omni simulatione, mendacio, periurio morbum occultabant. Aliqui etiam, vt Lazzarectum euitarent, Medicum quendam alium occultè vocantes ab illo occultè curabantur. Sanitatis autem Præfides hæc omnia scientes omnibus alijs Medicis, & Chyrurgis imposuerunt, vt nullum ægotum adirent nisi semel, qui Magistratui denuntiatus non fuisset: Præceptum autem erat penale, tùm Medicis, tùm Chyrurgis, tùm ægotis.

44 *Vnusquisq;* pater familias suos familiares, & domesticos ægros denunciare similiter tenebatur.

Quoniam aliqui ægroti, vt Lazzarectum fuge-

fugerent, Medicum nullum accersibant, sed morbum occultantes proprijs in domibus incurati manebant, & ibi etiam moriebantur; immò (quod peius est) neq; Parochum, neq; Sacerdotem alium salutis animæ gratia vocabant; vnde non solum sine Medicis, humanisq; remedijs, sed etiam sine sanctissimis Sacramētis, Diuinisq; auxilijs moriebantur; ideò Sanitatis Præsides optimè, & piè instituerunt, vt vnusquisq; pater familias omnes suos ægrotos Magistratui denuntiaret; & pœna grauis similiter illis imposita erat.

45 *Ægroti omnes denuntiati subitò ad Lazaretum in feretris efferebantur.*

Verba ista sunt adeo per se clara, vt siquis illa magis lucidaret, illa potiùs obscuraret.

46 *Mortui denuntiati in agro vno intra Urbem, non denuntiati in duobus extra Urbem sepeliebantur.*

Semper fuit vsus sepeliendi corpora mortuorum, licet illius semper varijs fuerint ritus. Vsus quidem iste iure naturæ ductus est, nam, vt ait Arist. lib. 1. Reth. cap. 33. *Ille honor, illaq; pietas naturali iure debetur; non enim nunc, heriq; fuit, sed vixit, vixitq; semper, nec quando ceperit esse intelligere quisquam potest. Attamen non omnia corpora semper sepultura digna fuere;*
nam

nam scribit Plato lib. 9. de Leg. Si quis in tam
miseram calamitatem inciderit, ut patrem, aut ma-
trem, aut fratrem, aut filium spontè, atq; consulto
interfecerit, arceatur ab publicis, sacrisq; locis, &
condemnatus occidatur, & demum ultra regionis fi-
nes portatus secundum leges insepultus eijciatur. Si-
militer addit, Siquis se ipsum interfecerit, non iu-
dicio Civitatis; non tristi, & ineventabili fortune ca-
su coactus; neq; pudore aliquo extremo compulsus,
sed ignavia, & formidolosa animi imbecillitate se ip-
sum vi scelerata occiderit iniuste, quæ purgationes,
& quæ sepultura huic lege conveniat, Deus ipse no-
vit. Apud Athenienses, & omnes Græcos Pe-
ste correptorum corpora non sepeliebantur,
sed cremabantur. Nostris temporibus omnia
cadauera sepulturis honorantur; & ideo Sani-
tatis Præsides, ut humana corpora redirent vn-
de discesserant; & ut Terræ matri proprios fi-
lios redderent; & ut in sinu matris iam defessi
conquiescerent, ritum hunc servauerunt, ut
mortui denuntiati in agro vno intra Urbem,
non denuntiati in agris duobus extra Urbem
humarentur. Plato lib. 12. de Leg. hanc tulit
legem, ut mortui in agris extra Urbem sepeli-
rentur, & declaravit, quales agri illi esse debe-
rent dicens, Nullum in loco secundo, & apto ad
cultu-

culturam sepulcrum fiat, sed ille locus corpora defunctorum recipiat, & qui ad cetera inutilis, & ad id solum commodior viuentes minimè ledat; neq; enim à viuis, neq; à mortuis Terræ matris fœcunditas impedienda est. Nemo ergo, aut viuens, aut mortuus viuum aliquem alimento priuet. Notanda autem sunt verba illa superius allata Platonis, in quibus ipse declarat tres esse species illorum, qui se ipsos interficiunt. Prima est eorum, qui iudicio Ciuitatis se ipsos interficiunt, sicut Socrati accidit, qui Atheniensium lata sententia poculum venenatum proprijs manibus accipiens, illudq; constanter bibens periit. Secundum est eorum, qui pudore aliquo impulsī se se voluntariæ morti tradunt, qualis fuit Lucretia nobilis Matrona Romana, quæ cum ab Sesto Tarquinio stuprata fuisset, pudicitia, & laudis nimis amica ferro se ipsam occidit. Qualis fuit etiam Regina Cleopatra, quam Augustus, qui Antonium vicerat, viuam capere, & viuere volebat; magnaq; diligentia ipsam seruabat, ut tam insignem feminam Romæ in triumphum duceret; id Cleopatra cum persensisset, & elegisset tunc Regina potius mori, quàm priuata de se Romanis prebere spectaculum, serpente admoto mortem sibi ferre decreuit. Quo facto tradunt.

tradunt Augustum vehementer admiratum Re-
ginæ magnanimitatem, quæ generosam mor-
tem seruili vitæ prætulit; siquidem ferunt
Cleopatram inuentam fuisse dextera manu Re-
gium Gestamen in capite detinere, vt mortua
quoq; spectantibus Regina appareret, sicut scri-
bit Gal. lib. de Theriaca ad Pison. cap. 8. Qua-
lis fuit etiam Cato ille Vticensis, qui ne Cæsari
subditus esset, mortem sibi consciuit. Tertia
autem species est illorum, qui ignauia, & for-
midolosa animi imbecillitate se ipsos interfi-
ciunt, quales illi sunt, qui vltra modum melan-
colici sunt, isti enim aliquando laqueo se su-
spendunt, & varijs modis sibi vitam adimunt,
quorum meminit Arist. sect. 30. Probl. 1. &
Plato etiam lib. 9. de Leg. Prima, & secunda
talium hominum species apud Platonem digne
sunt sepultura, vt patet, immò Socrates, Lu-
cretia nobilis Matrona Romana, Regina Cleo-
patra, & Cato Vticensis, sicut & multi alij, qui
voluntariæ morti se se dederunt, non solum se-
pulcro dignissimi habiti sunt, sed etiam licet
viuendo mortales essent, moriendo tamen vi-
tam immortalem in hoc mundo adepti sunt,
& sepulti in historijs viuunt, vt immortales.
Tertia autem species non solum indigna sepul-
cro

cro Platoni visa est, sed, ut ipse ait, *Quæ purgationes, & quæ sepultura huic lege conveniat, solus Deus ipse novit*, tanquam homines hoc sciri non possint. Sed contra Platonem dicet aliquis, si prima species sepultura dignatur, etiam tertia sepultura dignari debet, nam si in illa voluntas coacta trahitur, in ista etiam voluntas inuita rapitur; & si in illa voluntas iudicii severitate ducitur, sic in ista morbi, & affectus sevitie impellitur; & sicut illa misericordiam, sic & ista miserationem consequi meretur. Misericordiam, & miserationem omnia illa pariunt, quæ cum molestia, & dolore alicui pernitiem afferunt, & illa modum excedunt. Misericordiam etiam, & miserationem habent homines illi, qui aliorum miseras intelligendo, & illas easdem se pati posse, & illas sibi etiam accidere posse cognoscunt, maxime si iniuste illas patiuntur homines; & ideo dixit Arist. lib. 2. Reth. *Misericordia, & miseratio est dolor animi susceptus ex cogitatione gravis, & perniciosi alicuius mali, quo quis immerito affici videatur, quod quidem malum, aut in nos, aut in aliquem ex nostris possit incidere.* Et hinc est, quod *Felices, & infelices misericordia non moventur, illi quidem, qui a omnibus bonis se ornatos, munitosq; esse videntes nullo se malo affici pos-*

R

se

se credunt; isti autem, quia omnia extrema iam passi,
iam deperditi, miseriq; nihil amplius habent, quod
timeantur, ut ibi Arist. ait. Itaq; si prima spe-
cies illorum, qui se ipsos occidunt, sepultura
digna est apud Platonem, digna etiam tertia
species iudicari debet, cum vnusquisq; iudicio
Ciuitatis iniusto, aut melancholico morbo ex-
cedente affectus mortem sibi ipsi consciscere
possit. Secunda etiam species nec laude, nec
sepultura digna iudicari debet, non enim in illa
homines violenter, nec se uero Ciuitatis iudi-
cio, nec exitioso melancholix affectu mortem
sibi consciscunt; sed voluntariè moriuntur so-
lo pudore commoti; & idcò Lucretia Romana
neq; laude, neq; sepultura digna fuit, cum se
ipsam ferro necauerit, quia nemini licet priua-
ta potestate hominem, vel nocentem occidere,
multò minus innocentem, sicuti Lucretia erat,
quæ licet stuprata, casta tamen erat; vnde tan-
tò nocentior facta est cum se occiderit, quantò
innocentior in ea causa fuit, qua se occiden-
dam iudicauit; & tantò magis ab sua nece ab-
stinere debebat, quantò minus tali supplicio
quid in se puniret, habebat: immò ipse ludas,
cum se occidit, licet sceleratum, & nocentem
hominem occiderit, attamen non solum Chri-
sti,

si, sed suæ mortis etiam factus est reus, cum
propter suum scelus alio suo scelere se se nece-
uit, & sic graui duo scelera, Christum traden-
do, & se ipsum occidendo, perpetravit; sic &
Lucretia scelus alienum proprio suæ mortis
scelere multauit. Præterea, pudicitia est ani-
mi, non autem corporis virtus, & oppresso cor-
pore non opprimitur animi virtus; at Lucre-
tiæ animus fuit semper pudicus; cur ergò suum
corpus occidit? cur se ipsam adeò innocentem,
& castam sic iniuste neceuit? nam si casta, cur
occisa? & ideò non pudiciæ caritas, sed pu-
doris infirmitas, vel potius laudis immensa cu-
pido ferro Lucretiam morti dedit. Similiter
Regina Cleopatra, & Cato Uticensis non vir-
tute, sed inuidia, aut timore Cæsaris se ipsos in-
terfecerunt: & quamuis Catonis Medici, ut ille
sanaretur, vulnera diligenter curassent, ipse ta-
men Medicis absentibus, fascijs disruptis, &
vulneribus adaperitis vitam cum sâguine fudit.
Vnde nec Lucretia, nec Cleopatra, nec Cato
se ipsos interficere debuerunt, nec sepultura
nedùm laudibus digni fuerunt; & ideò dixit
Arist. lib. 3. Eth. *Mori autem, ut paupertatem, vel
amorem, vel molesti aliquid fugiamus fortis viri
minimè est, sed potius timidi, quippè cum laboriosa*

R 3 fugere

fugere mollities sit ; neq; hanc mortem substatinet quispiam, quia honestum sit, sed ut malum euitet, & fugiat. Nemini igitur licet se ipsum interficere, ut dictum est.

47 Feretra tùm egrotantium, tùm mortuorum minister quidam campanulam sonans præibat.

Quando ægroti ad Lazzaretum, aut mortui ad sepulturam in feretris portabantur, semper minister vnus campanulam quandam paruulam sonans præibat, & hoc, ut viatores campanulam illam audientes fugerent, & adeò abirent, ut ab contagio, aut egrotorum, aut mortuorum ipsi quoq; coinquinari non possent: vnde campanula illa ad fugiendum contagium sonabat.

48 Domus omnes, in quibus talis ægrotus, aut mortuus fuisset, ne quis ingredi, aut egredi posset, per viginti dies omninò clausæ erant.

Satis abundè fuit dictum superius, quod aer est omnium corporum tenuissimus, & facillimè omnium putrescit, maximè autem qui clausus est, & in domibus quibusdam interclusus manet, vbi ob perflatus defectum plurimum coaceruatur situs, vnde putridus iàm factus, sicut inspiratus proprium, sic expiratus alienum corpus inficit. Similiter dictum fuit, quod sine

con-

contactu non potest contrahi contagium, vel
proximè, vel ad distans. Dictum etiam fuit,
quod corpora simul vnita, & simul clausa ne-
cessariò putredinem sibi ipsis inuicem comu-
nicant, præcipuè autem domestica, & familia-
ria, quorum maior est similitudo, & eadem
corpore dispositio, cum eadem diætâ vrantur;
vnde cum duo fratres simul egrotare cepissent,
& morbus illorum simul, & in eodem tempo-
re ingrauesceret; & simul, & in eodem tempo-
re leuaretur, Hipp. nobilissimus Medicus iu-
dicauit fratres illos geminos esse, & ob similli-
mam valetudinis temperiem hoc factum fuisse;
ratio autem est, quoniam parentes sicuti erant
corpore affecti dùm concumberent, sic pri-
mordia conceptorum affici potuerunt, & con-
secutis ex materno corpore prioribus incremen-
tis paris, similiq; valetudinis nascerentur, nec
non in eadem domu eadem diætâ vrentes cor-
pora adeò similia haberent, vt etiam ad ægro-
tandum, sanandumq; vno, & eodem tempore,
& eisdem causis similiter mouerentur. Pruden-
tissimè igitur Sanitatis Præsides præceperunt,
vt domus illæ, in quibus aliquis ægrotus, aut
mortuus fuisset, per viginti dies ita clausæ es-
sent, vt nullus egredi, aut ingredi posset, nè
liquid

liquid fomitis in domibus illis remansisset,
externis etiam comunicaretur; melius enim
erat, ut aliquæ familiæ extinguerentur, quàm
vniuersa Ciuitas periret. Dies erant viginti,
quã dies vigesimus est acutorum Morborum
finis, & terminus, ut inferius dicetur. Sed quia
non semel solum, sed bis superius diximus,
quod vbi est maior corporum similitudo, ibi
etiam citius, & facilius contagium contrahitur,
ideò fortassè dicet aliquis, ad contrahendum
contagium requiritur non similitudo, sed con-
trarietas in corporibus, & ratio est, quia omne
agens agit, ut faciat patiens sibi simile, & sine
actione non potest fieri assimilatio. Item, vbi
maior est actio, ibi etiam facilior victoria agen-
tis contra patiens. Item, vbi maior est corpo-
rum contrarietas, ibi maior etiam actio, & pu-
gna, & facilior victoria; at inter corpora con-
traria est actio maior, ergò etiam victoria faci-
lior, & sic facilius contrahitur contagium inter
contraria, cum inter similia sit actio minor,
& difficilior victoria: immò vbi non est con-
trarietas, ibi non potest esse morbus; & ideò
dixit Arist. sect. Probl. 1. *In aestate, & hyeme, &
post utrumq; solstitium facilius agrotamus, & mo-
rimur ob maiorem contrarietatem, & vehementiam*

tem-

temporis. Hipp. quoq; lib. 2. Aph. ait, *In morbis minus periclitantur, quorum naturæ, vel ætati, vel consuetudini, vel tempori morbus similis est, quàm è contra.* Itaq; si morbus est minor, & minus periculosus quandò est similis naturæ, ergò etiam minor actio, & pugna, difficilior victoria, & difficilior morbi generatio, morbus enim est minor, quia minor est victoria; & si similitudo est causa, vt morbus sit minor, est etiam causa, vt morbus difficilior generetur. Respondemus, verum quidem esse, quod semper agens agit, vt faciat sibi simile, & quod sine actione non fit assimilatio, illud tamen negamus, quod vbi maior est actio, ibi sit etiam victoria facilior, immò è contra, nam semper inter contraria quo maior est actio, & pugna, eò difficilior victoria, & quo maior est contrarietas, eò etiam pugna maior, & victoria difficilior; ratio autem est, quia quandò in patiente est pauca contrarietas, & pauca resistentia contra suum agens, tunc quidem minor est actio, victoria autem facilior; sed quandò in patiente est magna contrarietas contra suum agens, tunc maior fit pugna, sed difficilior victoria. Corpora domesticorum, & familiarium, cum sint similia; facilius ægrotant, quàm aliena, & dissimilia,

lia, nam in patiente est pauca contrarietas,
& resistentia, minorq; pugna cōtra suum agens,
vnde victoria facilior. Authoritas Arist. allata
potius confirmat quæ diximus, nam in æstate,
& hyeme, & post: utrumq; solstitium facilius
ægotamus, & morimur, quia tunc in corpo-
ribus nostris est pauca resistentia, & pugna
contra magnam illam temporis contrarieta-
tem, & vehementiam caloris, & frigoris, & quia
tunc fit pauca pugna, ideo victoria facilis est,
vnde facilius ægotamus, & morimur. Autho-
ritas Hipp. similiter confirmat quæ diximus,
nam morbi similes naturis, ætati, tempori, &
consuetudini sunt minores, minusq; periculosi
ob similitudinem, quia in corpore patiente est
minor contrarietas, minorq; resistentia contra
suum agens, & quò maior est similitudo, eò mi-
nor contrarietas, minor pugna, victoria faci-
lior, morbus minor, minusq; periculosus, nam
sicut ob similitudinem facilius morbi generan-
tur, sic etiam facilius sanantur, ratio autem est,
quia tunc minor est lapsus, & facilior reditus
ad naturalem statum; vnde non ratione con-
trarietatis, sed ratione similitudinis corpora
similia facilius egrotant. Notandum est, quod
quandò nos dicimus, similitudo est causa,
quod

quod corpora facilius ægrotant, nos non intelligimus veram, & propriam similitudinem, sicut quandò dicimus ouum ovo, aut album albo simile est, sed accipimus similitudinem impropriè, nempe, paucam illam contrarietatem, & pugnam, quæ est in patiente contra suum agens, quæ quidem causa est, vt minor sit pugna, & facilior victoria. Non negamus etiam inter agens, & patiens contrarietatem aliquam, aliter nulla vnquam fieret actio, & passio, nec vlla pugna, aut victoria, sola enim contraria agunt, & patiuntur adinuicem, & vbi nulla est contrarietas, ibi etiam nullus est morbus.

48 *Tota Ciuitas timore, pauore, & formidine plena erat.*

Non sunt synonyma verba ista, timor, pavor, & formido, nec culpandus est Historicus, quia synonymis fuerit vsus, nam, vt Cicero ait lib. 4. Tuscul. quæst. *Timor est metus mali appropinquantis; Pavor est metus mali mentem è suo loco mouens; Formido est metus mali permanens*: Historicus, vt melius, & clarius totius Ciuitatis miseriam ostenderet, verbis illis vsus fuit, nam vniuersa Ciuitas tot, tantisque malis verè angabatur.

49. *Unusquisq; magis Lazzarectum, & sepul-
ram, quàm mortem ipsam horrescebat.*

Sicut nihil est gratius, nihil desiderabilius,
nihil felicius, quàm viuere, & benè viuere, sic
nihil est odiosius, nihil detestabilius, nihil infe-
licius, quàm mori, & malè mori; & sicut nihil
est dulcius, nihil familiarius, nihil humanius,
quàm in proprijs monumentis, cum debitis
parentationibus, decentibus funeribus, con-
suetis sacris, humanisq; cèrimonijs in Ecclesijs
sepeliri, sic nihil est infentius, nihil rarius, nihil
ferè inhumanius, quàm in agris extra Urbem
humari. Diogenes interrogatus quomodo se-
peliri vellet, respondit, *Proijcite me inhumatum.*
Anaxagoras etiam moriens rogatus fuit, vt di-
ceret, vbi sepeliri vellet, dixit, *Hoc nihil refert, se-
pulturam nihil curans.* Quoniam autem Flo-
rentiæ nulli sunt Diogenes, nulli Anaxagoræ,
sed omnes sepulturam valdè curant, ideo vni-
uersa Ciuitas videns quotidie (nulla habita ra-
tione personarum) vnumquemq; ægrotum
coactè ad Lazzarectum ferri, & vnumquemq;
mortuum in agris illis sepeliri, existimabat
duo hæc vna morte esse peiora; vnde magis
Lazzarectum, & sepulturam, quàm mortem
ipsam horrescebas.

so Inde

so Inde fuit, quod Sanitatis Præsides, Lazza-
recto illo uno penitus derelicto, alia duo extra Ur-
bem erexerunt.

Sapientis est mutare consilium in melius, ut aiunt;
Hippi. etiam sententiam hanc firmans dixit
lib. 2. Aph. 1. 4. Mutationes laudabiles sunt, nisi in
peius fiant, nam idem est mutatio in melius,
& mutatio non in peius; ratio autem est, quia
omnis mutatio, aut est in melius, aut in peius,
quod si non fiat in peius, ergo erit in melius,
nam mutatio in sibi simile non dicitur muta-
tio, sed potius assimilatio, cum mutatio vera
semper diversitatem, varietatemq; significet,
simile autem nunquam differt à suo simili, ali-
ter vnum esset diversum ab se ipso. Sanitatis
Præsides certe sapientium nomen merebantur,
cum mutaverint consilium in melius, nam Laz-
zarecto illo uno derelicto, alia duo extra Ur-
bem ampla erexerunt, & rationabiliter hæc fe-
cerunt, quia numerus ægrotantium, & contra-
gium ipsum quotidie augebantur, unde locus
ille unus tot ægrotis non satis esse poterat, ali-
ter ibi contactus magnus, immediatus, assi-
duus corporum infectorum factus fuisset, &
corporibus illis accidisset, quod fructibus,
& pomis accidere dixit Homerus.

S 2

Inq;

Inq; pyris pyra, ficis fici molle putrescunt.
Et alter Poeta dixit,

Uuaq; contactu liuorem ducit ab oua.

Et ideo Contagium euitatur fugiendo conta-
ctum; est enim Contagium sicut Amor, qui
non vincitur nisi fuga, sicut Poeta noster dixit,

E non si vince Amor se non fuggendo.

Præterea in Lazzaresco illo vno ob putridum
aerem ibi collectum ægroti omnes mortui fuis-
sent, nam aer semper idem inclusus, fuliginos-
us, excrementitius, odoribus putridis plenus,
ab corporibus putridis expiratus, ab iisdem
ægrotis assidue inspiratus, continua illa eius-
dem aeris putridi inspiratione, & expiratione
impurior redditus, putredinem maiorem sem-
per acquirens necessariò mortem ipsam ferre
debuisset. Scribit Galen. lib. 4. de Loc. affec.
& alijs locis, quod natura dedit nobis respira-
tionem ad duo, nempe vt calor cordis refrige-
raretur, & vt fuligines illius expellerentur. Scri-
bit quoq; quod non solum dedit respirationem
ad duo, sed etiam transpirationem dedit per to-
tum corpus, vt ob aerem externum per poros,
& laxitatem carnis receptum, & ob fuligines
per eosdem poros expurgatas mediantibus ar-
terijs cor ipsum refrigeraretur: Manifestum est
autem,

autem, quod in aere illo putrido non solum
cor refrigeratum non fuisset, fuliginesq; suas
non expulisset, immo calore illo putredinoso,
& extraneo magis excalescendum, multiplicatisq;
fuliginibus magis repletum fuisset, necnon pu-
tredinem maiorem acquisiisset, contagiosus
morbus maior factus fuisset, & omnibus egro-
tis mors subsequenda esset. Respirationem secun-
dario dedit nobis natura, ut per illam spiritus
vitales, animales, naturales continuò genera-
rentur, reficerenturq; at ex aere illo putrido
non poterant generari spiritus illi nisi putridi,
qui facultatibus ad suas operationes inservire
non poterant; spiritus enim sunt proprium
instrumentum animæ, corporeæq; facultatis,
& sicut artifex nullus sine debitis instrumentis
suas edere operationes valet, sic anima, & fa-
cultates sine idoneis spiritibus rectè operari
non possunt. Notandum est, quod aer inclu-
sus putrescit, ut scribit Galen. lib. 1. de Tuen.
Sanit. cap. 11. dum ait, *Aer, qui in loco cauo in-
clusus est, & nullum recipit perflatum, iste suffo-
cans est, & putris, sicut est aer in aliquibus do-
mibus clausus, in quibus ob putredinem, & perfla-
tus defectum plurimum acervatur situs. Accius
quoq; lib. 3. cap. 162. dicit, Aer, qui in regione*

caua

caua vndiq; includitur, malus, æstuosus, & strangu-
latorius est, qualis fortasse est aer Florentiæ, quæ
sita est ad pedes montium, ille enim montibus
inclusus strangulatorius est, & ideo ferè singu-
lis annis in illo nonnulli morte subitanea mo-
riuntur. Quod autem citius, & facilius putre-
scant, quæ clausa sunt nec respiratum habent,
manifestum quidem est, nam alæ maximè om-
nium nostri corporis partium malè olent, quia
non exhalant, immobilesq; manent, vt docet
Arist. in Probl. Item, gibborum halitus fætet,
quia locus respirationi accomodatus conclu-
sus est, & spiritum liberè transmittere non po-
test, vnde vapor, & spiritus interclusus putre-
scit. Item, nares aduncæ fætent ob eandem ra-
tionem; & ideo quod mouetur, & fluit, minus
putret, quàm quod non mouetur, vt scribit
Arist. lib. 4. Meteor. Additur, quod aer, qui
expiratur ab aliquo homine, qui veneno, Pe-
ste, aut alio contagioso morbo sit affectus, po-
test etiam alios afficere, qui eundem aerem in-
spirent; vnde Hipp. lib. de natura Hominis
comm. 2. tex. 4. dicit, *Tempore Pestis parum ae-
ris inspirandum est, & ille sit peregrinus, & fami-
liaris, & locus mutandus est.* His omnibus ra-
tionibus ducti Sanitatis Præsidēs Lazzaretum
illud.

illud vnum intra Urbem positum derelique-
runt, & alia duo valde magna, & ampla extra
Urbem supra Diui Miniati Montem constru-
xerunt, quæ quidem in Monte illo satis alto
posita. ventis omnibus difflata, & optimo aere
referta erant. At dicet aliquis, melius, & citius
contagioso morbo laborantes in Lazzareto
illo vno morantes, ibiq; simul vniti, sanati fui-
sent; nam sanatio non fit per contraria, vt vult
Hipp. sed per similia, simile enim patitur à suo
simili, simileq; à suo simili destruitur, & ideo
morbus morbo curatur, dolor dolore sedatur,
fluxus tollitur fluxu, flamma flammam extin-
guat, calor calore suffocatur, venenum veneno
deletur, & sic de alijs, igitur contagium ipsum
contagio etiam sanatum fuisset: Responde-
mus, quod sanatio semper fit à contrarijs, vt
dicit Hipp. falsa q; sunt omnia adducta exem-
pla, ratio autem est, quia si morbus morbo cu-
ratur, non vt similis, sed vt contrarius curatur,
vnus enim erit calidus, alius autem frigidus, vt
febris potest sanare alium morbum, sed non
vnumquemq; morbum, at morbum frigidum,
non calidum, vt Galen. docet lib. 6. Aph. 44.
Similitudo quidem adest inter morbos illos,
sed est similitudo in genere, cum vterq; sit mor-
bus,

bus, differunt tamen in specie, & essentia, si-
militudo autem esse debet in specie ad hoc, ut
simile agat in simile, simileq; a suo simili cor-
rumpatur, quod est impossibile, aliter enim
idem ageret in se ipsum, ut scribit Arist. lib. 1.
de Ortu, & Interitu. Si dolor dolore sedatur,
hoc fit per accidens, & non per se, nam seda-
tur ab remedio, quod cum dolore coniunctum
est, & ideo ab remedio per se sanatur, quia est
morbo contrarium, quod si cum remedio illo
coniunctus est dolor, hoc est per accidens, ac-
cidit enim remedio, ut cum dolore adhibea-
tur. Si fluxus tollitur fluxu, hoc etiam fit per
accidens, nam euacuatio humorum sua quali-
tate, aut quantitate peccantium est per se reme-
dium, quod est contrarium plenitudini, quæ
euacuationem per se requirit; quod si euacua-
tio est fluxui coniuncta, hoc est per accidens,
non enim curatur fluxus, sed plenitudo, cui
contraria est euacuatio. Si flamma flammam
extinguit, hoc fit ratione contrarietatis, non
similitudinis, nam flamma flammam extin-
guit, quando una maior est, altera minor, licet
enim illæ duæ flammæ sint similes in specie,
differunt tamen in gradu, & potentia, & si dif-
ferunt in gradu, & potentia, ergo sunt con-
trariæ

trariæ inter se, nam magis, & minus habent
rationem contrarij, vnde flamma flammam
extinguit non vt similis, sed vt contraria. Si ca-
lor calorem suffocat, similiter fit, quando vnus
est maior, alter autem minor, tunc enim con-
trarij sunt, si non specie, saltem gradu, & hoc
sufficit, quia magis, & minus habent rationem
contrarij, sicut fit, quando in vno, & eodem
corpore, & non in eadem parte duo dolores
adsunt, vnus maior, alter minor, semper enim
maior minorem occupat, vt ait Hipp. lib. 2.
Aph. 46. Si venenum veneno deletur, fit simi-
liter non ratione similitudinis, sed contrarie-
tatis, nam venena valde differunt inter se, aliud
enim est venenum Aspidis, aliud Viperæ, aliud
Scorpionis, aliud calidum, aliud frigidum,
aliud potentius, aliud debilius. & licet omnia
venena sint genere similia, sunt tamen in spe-
cie, potentia, & gradu contraria, & quando
venenum veneno destruitur, non fit ratione
similitudinis, nisi in genere, sed ratione con-
trarietatis, quæ contrarietas erit, aut in specie,
aut potentia, aut gradu. Sed quoniam morbi
contagiosi erant similes, & eiusdem speciei,
& gradus, & simile conseruatur à suo simili,
ideo contagium contagio conseruatum, non

T autem

autem deletum fuisset, si in vno, eodemq; Laz-
zarecto omnes morbo contagioso laborantes
simul vniti fuissent. Rectè igitur Lazzarectum
illud duplicatum, multiplicatumq; fuit.

*xx Quotidiè numerus ægrotantium, & mortuo-
rum, & Civitatis horror augebantur.*

Sicut morbus mortem, sic mors horrorem
adducit; & sicut morbus augetur, sic mors hor-
rorq; augentur; augebatur quotidie morbus,
& ægrotantium numerus, quia morbus de sui
natura contagiosus communicatione, propa-
gationeq; quotidie maior erat, & sic ægrotan-
tium numerus crescebat, inde timor, horror,
& fortis imaginatio generabantur, quibus
vnusquisq; repletus erat; hinc morbus, & mor-
bosi simul crescebant; ratio autem est, quia
isti affectus animi corpus valdè refrigerando
calorem naturalem valdè debilitant, & coctio-
nem impediunt, vnde cruditates, & pravi hu-
mores in corporibus coaceruantur, & morbi
fiunt, factiq; augentur. Item, aer pluuiosus
fuerat, & erat, qui putredinem generabat, & ge-
nitam augebat. Item, hyems erat summè
frigida, vnde in corporibus pauperum calor
naturalis nimis debilitabatur, illiq; facilius
ægrotabant, ægroti autem facilius moriebantur,

cur, nam vt superius cum Arist. diximus, *fr*
estate, & hyeme corpora facilius agrotant, & mo-
riuntur, quàm in alijs temporibus. Item, magna
inopia, egestas, & fames in pauperibus fuerant,
& erant, quæ omnia vires summopere debili-
tant, morbos lethales, & exitiales pariunt, par-
tos autem augent. Rationabiliter igitur nu-
merus ægrotantium, mortuorumq; , necnon
Ciuitatis horror quotidie crescebant.

52 *Nonnulli solo timore agrotabant, & morie-*
bantur.

Quòd homines possint solo timore ægro-
tare, & mori, manifestum est apud omnes Phi-
losophos, & Medicos, nam timor est passio fa-
cultatis vitalis, vnde magnus affectus est; om-
nis enim timor superfluous, & maximus facil-
limè spiritus vitales, & calorem cordis infir-
mum reddit, virtutem deijcit, & robur virium
tollit, & ideo dixit Galen. lib. de Cognosc. &
curan. animi morbis, *Tristitia, & maxor omni-*
bus hominibus planè malum esse videtur, veluti la-
bor in corpore, ratio autem est, quia timor valdè
corpus refrigerat, corpore refrigerato debilita-
tur calor vitalis, & naturalis, & spiritus vitales,
naturalesq; resoluuntur, vnde non fit alimenti
concoctio, neq; digestio, neq; excrementorum

T 2 expul-

expulsio; inde cachexia, cacochimia, prauorum humorum congeries, morbi multi exitiales, & deniq; mors ipsa. Quod autem non solum morbi, sed mors etiam ipsa ex timore magno nasci possit, notum quidem est, multi enim timore magno mortui sunt, præcipuè autem timidi, & pusillanimi, quorum debilis natura sine pugna succumbit, timoreq; victa cadit antequam alius morbus adueniat, maximè autem si timor sit ipsius Pestis, quæ est omnium malorum maximum, vt Galen. ait lib. 2. de Caus. sympt. & in domu nostra id euenit, in qua solo timore contagij, & Pestis, necnon Lazza-recti horrore puer quidam hoc anno mortuus est, cuius veritatis nos testes esse possumus. Cum itaq; Florentiæ omnibus hominibus, præcipuè autem pauperibus de sui natura imbecillibus, & pusillanimis magnus fuerit timor, & horror, ideo nonnulli solo timore, & horrore ægrotabant, & moriebantur.

53 *Aliqui præ timore alexipharmacis multis utebantur, & inde ægrotabant, & peribant.*

Inter medicinæ optimates celebris quæstio est, vtrum alexipharmaca sanis corporibus, sicut ægrotis conueniant; Gal. enim pluries dicit, quod sanis corporibus illa sunt exhibenda.

Auic.

Auicē. autē, & Auerr. in canticis asserunt
quod tempore sanitatis illa non conueniunt,
& qui vtitur illis, nocumentum inde incurrit.
Auerr. quoq; lib. de Theriaca, & lib. 5. Collig.
similiter dicit, quod sanis illa non sunt danda,
sed sunt sicut venenum. Tantos autē viros
in medicina Primarios, omnium Medicorum,
Philosophorumq; Præceptores meritissimos,
omnibus laudibus, honoribusq; dignissimos
in hac re aduersari non est dicendum, ipsi enim
vnanimi simul fatentur, quod alexipharmaca
sicut ægrotis, sic etiam sanis conueniunt, si illa
debita quantitate sumantur, si autē quantita-
te immodica, non solum non vtilia, immò no-
cua admodum sunt, vt Galen. docet lib. 5. de
Simpl. med. fac. cap. 18. Idem asserit Auic. in
Cant. dum ait, *Vsus autem harum, idest medici-
narum Theriacalium, non est conueniens tempore
sanitatis, & ideo qui vtitur frequenter illis, incur-
rit inde nocumentum*, Verbum autē illud fre-
quenter, nimiam quantitatem significat. Eodem
modo intelligendus est Auerr. nam axioma est
illud Medicum, quod *inter medicamenta, & con-
pora semper esse debet debita proportio*. Alexiphar-
maca igitur debita quantitate sumpta iuuant,
sed nimia quantitate nocent, sicut accidit in
hoc

hoc anno admodum Illustri, & admod. Reuer.
Domino Francisco Malegonnello Canonico
Florentino, viro quidem nobilitate, probitate,
virtutibusq; prædito, qui timore magno con-
tagij ductus alexipharmaca multa, diuersaq; su-
mebat, vnde ægrotauit, & periit, sicut retulit
nobis illius Medicus vir quidem omni fide di-
gnus. Non est igitur mirandum, si in hoc an-
no aliqui alexipharmacis multis vtentes ægro-
tauerunt, & mortui sunt.

54 *Medici quidem ipsi in Lazzaeeto curare no-
lebant, sed tam Medici curaturi, quam ægroti cu-
randi coactè ad Lazzaeetum ducebantur.*

Adeo horribile erat vniuersæ Civitati Laz-
zaeetum, vt non solum ægroti curandi (vt
dictum fuit) sed Medici etiam ipsi curaturi,
neglecta copiosa mercede illud adire nolebant.
Violentia autem illa opus fuit, quia tempore
Pestis non hominum voluntati, sed necessitati,
publicæq; vtilitati seruire oportet; & Medici
etiam ipsi non quod cupiunt, sed quod possunt
tanquàm necessarij ad vnâ omnium sanita-
tem, & salutem efficere tenentur. Præterea Sa-
nitatis Præsides opinabantur, quod Medici il-
li debitis curationibus, idoneisq; suis remedijs
ægrotos ab Contagio sanaturi, & se ipsos ab
illo

illo præseruaturi essent. Iustissima igitur violentia illa erat, & ideo tam ægroti, quam Medici coactè ad Lazzarectum ducebantur.

11. Ubi ægroti, & Medici simul cum agonia ferè omnes moriebantur.

Agonia est animi perturbatio constans ex timore, & ira, vno, & eodem tempore, vt Gal. docet lib. 2. de Caus. sympt. cap. 5. Timor, & ira sunt duo animi affectus contrarij, nam timor est cum motu ab circumferentia ad centrum, ira verò à centro ad circumferentiam; timor refrigerat, ira autem calefacit corpus. Fiunt illi duo affectus in vno, & eodem tempore, & non vnus post alium, si ut est in verecundia, quæ quidem & ipsa constat ex duobus affectibus contrarijs, vt timore, & verecundia, at vnus est post alium, prius enim est timor, postea sequitur verecundia. In agonia ambo affectus in vno, & eodem tempore fiunt, & ideo agonia est magnus affectus, magnaq; animi perturbatio, vnde morbos magnos, symptomata praua, mortemq; ipsam adducit; si enim solus magnus timor mortem ferre potest, multo magis vnitus cum ira, quæ licet sola mortem ferre non possit, attamen vires, & robur cordis ita labefactat, vt cum timore magno vnita mor-

tem

tem ferre potest, nam vt ait Arist. lib. 5. Polit.
Ira est cum dolore, odium autem sine dolore. Lib.
etiam 2. Reth. ait, *Iram concomitatur dolor, nam*
qui irascitur, dolet. Et lib. 4. Ethic. similiter ait,
Vltio sedat iram, & loco doloris voluptatem efficit,
quod si hoc non fiat, habent ipsum pondus, nempe
dolorem, & molestiam, quæ quidem vires de-
bilitat. Pessima est igitur omnium animi pas-
sionum agonia; vnde sanctus Euangelista Lu-
ca, vt CHRISTI Redemptoris nostri passio-
nem omnes alias excedentem ostenderet, scri-
bit cap. 22. *Et factus in agonia prolixius orabat,*
& factus est sudor eius sicut gutta sanguinis decur-
rentis in terram. Sudauit autem sanguinem,
cum esset in agonia, quia purissimus, & tenuis-
simus erat sanguis illius, porositates corporis
ob iræ caliditatem adaperitæ, & facultas reten-
trix præ magno dolore, timoreq; quasi resolu-
ta erat, vnde sanguis per cutim exibat apertæ
enim via, materia tenui existente, virtute quasi
abolita necessariò sanguis, vt sudor effundi de-
buit. Summo iure igitur tam Medici, quam
ægroti in Lazzaresco cum agonia morieban-
tur, nam vno, eodemq; tempore timore, & ira
affecti erant, timore quidem contagij, & mor-
tis; ira autem, quia violentes, & coacti ad Laz-

zar c-

zaretum ducebantur, ibiq; violenter, & coacte
retinebantur, nam, vt ait Arist. lib. 3. Eth. *Quae
ab inuitis fiunt, dolorem afferunt.* Sed contra
Arist. obijciat aliquis, ira non dolorem, sed
voluptatem secum affert, cum sit suavis, & dul-
cis; & ideo Homerus iram Achillis cecinit di-
cens.

Dulcior illa fauo circum praecordia gliscit.
Respondemus, iram solam quoad se ipsam sem-
per dolorem; quoad vindictam, & cum illa
coniunctam, voluptatem semper afferre; Arist.
iram solam, Homerus autem cum vindicta
coniunctam sumit, nam etiam Arist. quoad
vindictam illam sumens, dulcem esse illam as-
serit, & ideo lib. 2. Reth. dicit, *Omnem iram vo-
luptas sequitur, quam ipsa vlciscendi, & vindi-
candi spes facit.* Amplius addit, *Ira dulcis est,
quia iratus semper in illa cogitatione versatur, vt
vlescatur.* Et lib. 1. Reth. dicit, *Illa grauis, &
intolerabilis iniuria est, quam qui patitur, vlcisci non
potest, quippe quae irremediabilis videatur, est enim
vltio remedium quoddam, & quasi leuamentum
iniuriae.* Similiter lib. 4. Eth. dicit, *Vltio sedat
iram, & loco doloris voluptatem efficit.* Et lib. 3.
Eth. dixerat, *Homines, cum irascuntur, dolent, sed
letantur, cum vlescuntur.* Torquatus Tassus Poe-

V ta

ta celeberrimus idem confirmans cecinit,

E dolce è l'ira in aspettar vendetta.

Et alibi.

Condonando il piacer della vendetta.

Et ideo rectè diximus, quod non ira, sed vindicta dulcis, & suavis est.

16 Nobiles, & diuites præ timore Ciuitatem, vt odiosam deferentes nemorum, & sylvarum tanquàm facti cines amica rura inhabitabant.

Vita nihil est expetibilius, nihilq; gratius, necnon viuere diù maximè omnium appetunt homines; vnde dixit Homerus,

Mall'em quidem in re rustica inopi seruo seruire,

Quam defunctis omnibus imperare.

Pericles quoq; noluit conserere manum cū hostibus, & quia inde calumniabatur, dicebat, *Arbores resectæ repullulant, homines autem extincti nunquam recuperantur.* Nobiles, & diuites, vt potè qui omnibus bonis humanis abundant, & in hoc mundo vitam felicem ducunt præ ceteris vitam amant, & mortem horrent, nam, vt ait Arist. *Quò quisq; felicior est, eò etiam molestius mortem fert, cum maximis bonis spoliatur;* & ideo ipsi Ciuitatem, tanquam contagij, & mortis domicilium odio habebant; & licet patria illorum esset, non tamen amplius, cum Poeta nostro dicebant.

Pa-

Patria vista gioconda, e desolata.

Sed Ciuitatem deferentes (vt ab contagio, & morte tutiores essent) satis longe abeuntes inculta nemora, rudesq; syluas amantes amica rura letè inhabitabant, tantus erat in illis propriæ vitæ amor; vnde cum Poeta nostro illud canebant,

*Poiche Amor femmi vn Cittadin de' boschi,
Et illud etiam,*

Le Città son nemiche, amici i boschi.

Summo iure igitur nobiles, & diuites amica rura inhabitabant,

57 *Ciues, & opifices satis locupletes Sanitati Prefectos magnis precibus orauerunt, vt si quis morbus cutaneus illis accidisset, in proprijs domibus, proprijsq; sumptibus curari sibi liceret, nec ad Lazzaerctum duci cogerentur.*

Odiola erat Ciuitas, non solum nobilibus & ditibus, sed etiam ciuibus, & opificibus satis locupletibus, tamen negocijs, & artibus occupati rura inhabitare non poterant. Quoniam autè quotidie accidere poterat, vt vnusquisq; illorum cutaneo aliquo morbo laboraret, itaut ad Lazzaerctum inuitè duci cogere-
tur, ideo Lazzaerctum pro viribus fugientes, Sanitatis Presides orauerunt, vt in proprijs do-
V. 2 mibus

mibus inter suos familiares, & domesticos proprijs sumptibus, proprijsq; commodis curari sibi liceret; pauperes, & egeni nec deprecari, nec consequi illud poterant, cum in proprijs domibus, proprijsq; sumptibus ob inopiam curari non possent.

58 *Sanitatis autem Præsides gratiosè Medicos duos, totidemq; Chyrurgos elegerunt, qui in proprijs domibus, proprijsq; sumptibus illos curarent, sed alium cutaneo aliquo affectu non laborantem curare poterant nullum.*

Gratificati fuerunt illis Sanitatis Præsides, & libentissimè, tum quia omni benignitate, humanitateq; præditi erant, tum quia petita rationabilia, & decentia admodum erant; & ideo Medicos duos, & Chyrurgos duos elegerunt, qui quidem solos illos curarent, qui cutaneo aliquo morbo laborarent, dummodo in proprijs domibus, proprijsq; sumptibus curari possent, cutaneo autem aliquo morbo non laborantem curare poterant neminem; & hoc, nè Medici illi ab ægrotis illis contagium recipientes, alios postea ægrotos cutaneo morbo non affectos contagio afficerent.

59 *Omnes alij morbo non cutaneo laborantes à quolibet alio Medico, in quolibet loco, & tempore ad libitum curari poterant.*

Ver-

Verba ista sunt adeò per se clara, vt nulla alia indigeant declaratione, quicumq; enim morbo aliquo cutaneo non laborabant, in proprijs domibus, proprijsq; sumptibus à quolibet Medico curari poterant; & si moriebantur, non in agris extra Urbem, sed in Ecclesijs, proprijsq; monumentis sepeliebantur.

60 *Gratia fuit laudatissima, sicut fuit omnibus gratissima, & ab illa hora contagij, & mortis timor, & horror publicè decrescere ceperunt.*

Medicina nō prorogat vitam hominis, nam si hoc esset, homo etiam æternus esset, aut saltem ad libitum vitam longeuam viueret. Non potest autem Medicina vitam prorogare, quia nō solum hominibus, & animalibus, sed plantis etiam, & inanimatis omnibus datus fuit à natura periodus vitæ, quem præterire non possunt, qui quidem periodus sicut non est omnium indiuiduorum æqualis, sic est omnium diuersus, cum vnumquodquè habeat suum proprium & terminatumq; vitæ periodum proportionem, & proportionem materiæ ad suum efficiens, nempe humidi radicalis ad calidum innatum, quibus deficientibus necessariò periodus ille, & vita deficiunt, & tunc necessariò mors omnibus aduenit, quæ mors sine dolore,
& la-

& labore, aut alio morbo sequitur, cum naturalis sit, vt scribit Arist. lib. de Vita, & Morte cap. 14. Medicina solum vitam prorogat, quando in medio illius periodi, & intra terminos illius morbus aliquis lethalis superuenit, qui de se periodum illum, & vitam finiret, sed Medicina suis auxilijs morbum illum sanat, vnde vita prorogatur, nec mors accidentalis, & violenta sequitur; & ideo gratia fuit vniuersæ Ciuitati gratissima, nam vnusquisq; quotidie cutaneo aliquo morbo affici, & ad Lazzaerctum inuitè ferri poterat, vbi non solum mors naturalis, sed nec mors accidentalis à Medicina prorogabatur, immò potius vtraq; breuiabatur. Cum autem in proprijs domibus, proprijs commodis, proprijsq; delicijs curari possent, læti admodum erant spe magna freti mortem accidentalem, & vitam fore prorogandas, nam vt ait Auerr, lib. 7. Collig. *Melius est vitam, & morbum prorogare, quàm vtrumq; abbreviare.* Et licet non semper in proprijs domibus ægrotum ab morte accidentali Medicina liberet, mortem tamen dulcem facit, vnde gratia fuit gratissima, sicut etiam laudatissima.

61 *Fortunatus, & felix sibi videbatur ægrotus ille, qui nullo cutaneo morbo laborabat.*

Sicut

Sicut datur fortuna, quæ est causa per acci-
dens indeterminata, & ignota, sic datur for-
tunatus, & infortunatus determinatus, & no-
tus. *Et sicut felix est ille, qui omnia ad votum con-*
sequitur, ut Plato ait, sic etiam fortunatus dicitur
felix, quia omnia ad votum consequitur; & si-
cut felix omnia rectè agit, sic etiam fortunatus
omnia rectè agit, ut scribit Arist. lib. 7. Eth. ad
Eudemum, & Hipp. lib. de Locis in Homine.
Differunt fortunatus, & felix solum in hoc,
quod felix cum ratiocinatione, fortunatus au-
tem sine ratiocinatione rectè agit; & ideò sicut
fortunatus est felix, sic etiam felix est fortuna-
tus; unde dixit Arist. lib. 2. Phisic. *Fortuna, aut*
est felicitas, aut propè ipsam. Et lib. 1. Eth. ad
Nicom. etiam dixit, *Fortuna vitam beatiorem red-*
dit, nam felicitatem decorat. Cum itaq; fortuna-
tus sit etiam felix eo modo, quo dictum est, du-
bitat Arist. an fortunatus sit à natura, veteres
enim nonnulli Philosophi opinati sunt, quod
fortunatus sit à natura, dicentes, *Fortunatum il-*
lum esse, qui habet à natura genium optimum guber-
natorem; & ideò fortunatus etiam in exilio, &
in medijs calamitatibus fortunæ benignitatem
experitur, tanquàm ductus ab illo optimo ge-
nio gubernatore, itaut Fortuna sit quoddam prin-
cipium

cipium in nobis insitum, & congenitum, unde nos
rectè, & fœliciter sine ratiocinatione, & discursu
agimus. Quomodo autem fieri possit, vt for-
tunatus sine ratiocinatione rectè agat, declara-
bant exemplo, sicuri enim Deus est in vniuer-
so, à quo multa bona sine nostra ratiocinatio-
ne, & voluntate fiunt in nobis, sed ab illo Di-
uino principio proueniunt, sic fortuna, & ge-
nium illud optimum multa bona sine vlla no-
stra ratione, & discursu agit, & operatur in no-
bis, vnde fœlices sumus. Principium autem il-
lud est omni nostra cogitatione, & voluntate
præstantius, sed quia est nobis ignotum, idcò
appellatur Fortuna, idem enim est fortuna, &
causa ignota, & sic dicebant veteres, *Hominem
fortunatum ab natura esse fortunatum*. Hanc opi-
nionem videtur probare aliquo modo Arist.
lib. 10. Eth. ad Nicom, dum ait, *Non est in nobis,
vt boni natura simus, sed ex quadam Diuina causa,
vt illis, qui re vera fortunati sunt*. Illam tamen
opinionem refellit ipsemet Arist. lib. 7. Ethic.
Eudem. cap. 17. Sed satis sit nobis nunc osten-
disse, fortunatos, & fœlices illos esse, qui bona,
& prosperos successus ad votum cōsequuntur.
Quoniam verò cutaneo morbo in Ciuitate ni-
hil erat horribilius, & in votis ægrotantium ni-
hil

hil desiderabilius, quàm morbo cutaneo non laborare, hinc erat, quod si quis alio quouis morbo affectus esset, morbum illum parumpendens, ac si sanus esset, fortunatus, & felix sibi videbatur, quia morbo nullo cutaneo laborabat.

62 *Qui autem laborabat, nesciebat, an viuere esset mori, an mori viuere, & an viuens mortuus esset, an mortuus viueret.*

Magnus timor, pauor, & horror, vt dictum fuit, ad eò mentem è sua sede mouebant, vt illa verum à falso penitus discernere non poterat, & dementiam quandam pariebant, itaut rationi nullus relinquebatur locus; vnde egroti, qui morbo cutaneo laborabant, tanquàm horrore illo ebrij iudicare non poterant, an viui, an mortui essent, & an vita esset mors, an mors vita, & an viuerent, an morerentur, & sic dubiam vitam viuebant, dubiaq; morte moriebantur, dum certa morte viuebant, certa q; vita moriebantur.

63 *Omnes ministri Sanitatis (demptis multis viris nobilibus) mercenarij, & venales homines erant.*

Vt Serenissimi Ferdinandi liberalitas, magnificentia, & magnanimitas clarius appareant, nunc Historicus declarat, quod Sanitatis mi-

X

nistri

nistri duplices erant, aliqui enim viri nobiles erant, qui more nobilium nullo præmio, nullaq; mercede ducti erant, sed Serenissimo Ferdinando obedientiam, publicæ vtilitati servitutem, erga pauperes pietatem profitentes gratissimè suum præstarent officium. Aliqui autem (qui multi, & multi erant) sola mercede moti ministrabant, quæ quidem merces satis magna erat, quia magna etiam, immò maxima erat Serenissimi Ferdinandi liberalitas, magnificentia, magnanimitas, & pietas. Scribunt nonnulli, quod tempore Pestis alia animalia macrescunt, solæ autem Capræ pinguescunt. In hoc anno, & in hoc Contagio verificatum id fuit in quibusdam Sanitatis ministris, qui quidem prius macri, & emaciati sicuti Capræ erant, (cum antea pauperes essent) sed postea tempore contagij pingues, & dites facti sunt,

64 *Si quis à Lazzaresco sanatus redibat, aut miraculosè sanatus, aut rediuiuus existimabatur.*

Miracula quidem fiunt, sed quàm rarissimè; aliter enim non essent miracula. Vera etiam, & omni certò certior est mortuorū resurrectio, quæ quidem miraculosa est, & ideo rarissimè hactenus visa. Plato lib. 10. de Rep. veritatem resurrectionis lucidissimè confirmavit, dùm præ-

præstantissimi viri Heri Armenij scripsit Histo-
riam dicens, Ille enim, cum obcubuisset in prælio,
sublatis alijs decimo die cadaueribus iam corruptis in-
teger quidem incorrupto corpore repertus fuit, do-
mumq; delatus pro officio sepulturae, ubi duodecima
ab morte die, dum Pyra esset impositus, resurrexit,
& quæ interim viderat, retulit. Ægrotare in
Lazzarectis, & ibi sanari non quid miraculo-
sum, aut quàm rarissimè factum videri debe-
bat, attamen Lazzarecti fama apud omnes hor-
ribilis adeò erat, vt si quis ab Lazzarecto sana-
tus redibat, potius miraculosè, quàm arte, aut
natura sanatus iudicabatur; omnes enim po-
tius miraculum, & resurrectionem, quàm sa-
nationem in Lazzarecto credere volebant.

65 Qui autem sanatus redibat, antequam domum
adiret, Quarantenam agere cogeatur.

Sanitatis Præsides adeò vigilantes, & curiosi
erant, vt Contagium penitus deleretur, quod
si quis sanatus ab Lazzarecto redibat, domum
propriam adire non poterat, nisi prius ille
Quarantenam egisset; hoc autem rectè fuit in-
stitutum ad hoc, vt si quid contagij in corpore
illo remansisset, spacio quadraginta dierum
omninò extingueretur. Quarantena in pro-
prio quodam Lazzarecto ad hoc solum con-

structo agebatur. De Quarantena nihil aliud
nunc dicimus, nam de illa suo loco inferius sa-
tis plenè tractabimus.

66 *Postea vestimentis veteribus omnibus com-
bustis, nouis autem indutus, tanquàm corpore, & ve-
stibus homo nouus ad propriam domum reuertebatur.*

Contagij fomes diuersè in rebus perdurare
potest, nam in corporibus, & personis bime-
stre temporis spacium; in parietibus, & ferra-
mentis annum tempus; in vestibus, & lineis
pannis triennium; in laneis, & similibus ultra
triennium conseruatur, nihil enim diutius,
quàm lana fomitem seruat, & sicut oleum ignis,
sic lana est pabulum fomitis, & veneni; lana
etiam non solum nutrit venenum, sed illud
fortificat, & auget. Notandum est, quod fo-
mes, & venenum tam diù in rebus durare so-
lent, quàm diù supra dictum est, nisi lotioni-
bus, fumigijs, ignibus, ventis, sole, aut alijs si-
milibus corrigatur; talibus enim correctæ bre-
uius fomitem seruant. Sanitatis Præsides, vt
fomes, & contagium non solum corrigeren-
tur, sed omninò extinguerentur, omnes vestes
sanatorum, & contagio mortuorum comburi
præceperunt; nouis autem vestibus indutus
omnis sanatus (peracta iam Quarantena) ad
pro-

propriam domum reuertebatur . Nouus ho-
mo corpore , & vestibus dicebatur , quia vt re-
diuius iudicabatur , & vestibus nouis indutus
erat . Omnia vestimenta noua omnibus sana-
tis ab Serenissimo Ferdinando solita sua libera-
litate , & pietate donabantur .

67 *Mortuorum autem in proprijs domibus non
solum vestimenta , sed lectum , & suppellectilia
omnia cremabantur .*

Inter ea , quæ fomitem , & contagium diu
conseruant nos superius diximus esse pannos
lineos , & laneos , ex quibus non solum vesti-
menta , sed lecta , & suppellectilia multa confi-
ciuntur ; & ideò hæc omnia summo iure cre-
mabantur ; & sicut omnia vestimenta noua sa-
natis , sic etiam omnia lecta noua , & completa ,
omniaq; suppellectilia noua domibus mortuo-
rum Serenissimus Ferdinandus liberaliter , & piè
largiebatur .

68 *Virgines , & pueri Crucis vexillum per Ciui-
tatem gestantes , Litanias canentes ; viri , & mulie-
res variè vouentes ; Sacerdotes assidue sacrificia ,
multasq; supplicationes Deo , & Deiparæ offeren-
tes , sanitatem , & publicam salutem deprecabantur .*

Florentia fuit semper Ciuitas catholica ,
pijsima , & cultui Diuino omnium deditis-
sima ;

lima; argumentum sint tot Ecclesiæ, tot sacra
Oratoria, tot piæ Congregationis diurnæ, &
nocturnæ, manifestæ, & occultæ, tam puero-
rum, quàm adultorum, tam virorum, quàm
mulierum; tot exercitia spiritualia, tam fre-
quens sanctissimorum Sacramentorum vsus,
tanta Mariæ Virginis deuotio, totq; piæ actio-
nes, quas singulis horis vniuersa Ciuitas præ-
stat: Vnde mirandum non est, si in hoc anno
(vt ab contagioso morbo liberaretur) illa Deo,
& Dei matri tot, tamq; varias preces supplex
obtulit, itaut virgines, & puellæ pedibus nudis,
effusisq; capillis Ciuitatem perambulantes; si-
cut & pueri Crucis vexillum gestantes, Litanias
omnium Sanctorum, maximè autem sanctissi-
mi Rosarij canentes, sanitatem, & publicam
salutem omnes simul deprecabantur. Viri etiam,
& mulieres vota varia facientes, variasq; piæ
actiones exercentes Diuinum auxilium implo-
rabant. Sacerdotes etiam quotidie Deo sacri-
ficantes, multasq; supplicationes offerentes,
Imagines miraculosas, reliquias, & corpora
Sanctorum per Urbem portantes, populo co-
mitante, misericordiam à Deo deuotè petentes
contagij extinctionem deposcebant. Non so-
lum autem populus comitabatur, sed etiam
pijs-

pijsſimus, & Divini cultus amantiſſimus Sereniffimus Ferdinandus ſemper primus aderat.

*Quoniam autem numerus egrotantium non nihil creſcebat, Prefecti Sanitati alia etiam plura Lazza-
reſta extra Urbem, & valde diſtantia erexerunt.*

Sicuti Lazzaſecti duplicatio ſuperius laudabilis fuit, ſic illius multiplicatio nunc laudabiliſſima eſt; & ſicut illis laudes duplicauimus, ſic iſtis eaſdem multiplicare debemus, nam ſi beneficia, & vtilitates duplices illa egrotis afferebant, ſic iſta multiplices, maximasq; illis portabant. Beneficia, & vtilitates, ſicut ex ſuperius dictis, patent, ſic ex dicendis etiam melius patebunt.

70 Multiplicatis Lazzaſectis timor, & horror in Ciuitate quotidie diminuebatur.

Sicut vnitas Lazzaſecti timorem, & horrorem, ſic illius multiplicatio ſpem, & gaudium in tota Ciuitate genuerunt, & quot illa damna, tot iſta beneficia ſecum tulit, nam ſicut timor, & horror corpus refrigerando, facultatem animalem, vitalem, & naturalem debilitabant, ſic ſpes, & gaudium corpus excalefaciendo validiores illas reddebant; & ſicut illæ facultates impeditæ actiones ſuas edere tunc non poterant, ſic poſtea adauctæ perbellè illas edebant,
vnde

vnde sanitas cum vita subsequatur; notum enim est apud omnes Philosophos, & Medicos, quod spes alit, & sola ab molestijs animum liberat; spes vitam fouet, *Cum super cordis gaudium non detur aliud oblectamentum*. Spes, & gaudium sunt vita hominis; vnde Statius dixit, *Dant gaudia vires*. Auic. etiam dixit, *Gaudium impinguat corpus, & est causa roboris, pulcritudinis, & longitudinis vitæ, & est signum bonæ complexsionis, & dispositionis ipsius cordis, & spirituum illius, & ideò gaudium est laudabile*. At dicet aliquis, gaudium non impinguat corpus, immò corpus pingue ledit, & occidit, nam præ gaudio multi mortui sunt, vt notum est, Respondemus, quod gaudium duplex est, magnum illud, maximum istud, subitoq; factum; gaudium magnum impinguat corpus macrum, nam augeat calorem in corde, omnesq; spiritus confortatur; maximum autem, subitoq; factum occidit non solum corpus macrum, sed etiam, & multò magis corpus pingue, cum in corpore pingui calor sit debilior ob venarum angustiam, & ideò facilius extinguatur, & mors sequitur. Iterum dicet, cur gaudio aliqui pereunt, ira autem nemo perit? Respondemus, ira duplex est, moderata, aut magna; ira moderata

derata nemo perit, sed ira magna aliquis perire potest ob magnam caloris, & virium resolutionem; nam si in ira magna fit syncope, quæ est maximus virium lapsus, syncope autem facile transit in mortem, cur non etiam ab ira potest nasci mors? Idem fortasse dici potest de risu magno, & cum gaudio magno vnito, quo aliquis perire potest, cum ille ingenti caloris, & spirituum resolutione fiat.

71 *Et ægrotantium, & mortuorum numerus decreſcebat.*

Diminuta causa diminuitur effectus, si igitur multiplicatis Lazzaretis timor, & horror in Ciuitate fuerunt diminuti, ægrotantium, & mortuorum numerus decreſcere etiam debebat, cum timor, & horror morborum, & mortis causæ præcipuæ fuerint.

72 *Ægrotantes etiam ad Lazzarecta sese ferri libenter sinebant.*

Aliud beneficium narrat Historia, quod plura Lazzarecta ægrotis tulerant, & est, quod ægrotantes non violenter, sed libenter ad Lazzarecta ferebantur, nec agoniam patiebantur, cum non vt morituri, sed vt ad domum reuersuri lætè ad Lazzarectum se ferri permittebant.

73 *Lazzarecta plura pro diuersitate agrotantium
inter se diuersa quoq; erant.*

Diuersa esse morborum genera unicuique
notum est. Diuersas esse morborum species
clarum est, ideò dixit Plinius, *Tercentos esse hu-
mani corporis morbos*. Diuersa esse hominum
temperamenta, & diuersas esse naturas notissi-
mum quoq; est; vnde dixit Auic. *Temperamen-
tum, & complexionem habet omne indiuiduum sibi
solummodo propriam, in qua aliud indiuiduum asso-
ciare, vel communicare rarò contingit, aut impossibile
est*. Alibi etiam dixit, *Temperamentum, seu com-
plexionem dedit Deus unicuiq; animali, & unicuiq;
membro, sicut illi magis conuenit, & quod melius
existit illius actionibus, & dispositionibus*. Hipp.
etiam lib. de Artic. dixit, *Magna est differentia
naturarum in hominibus*. Et alibi etiam dixit,
*Differt corpus ab corpore; & ideò Porphyrius di-
finiebat indiuiduum dicens, Indiuiduum est il-
lud, cuius proprietates alteri indiuiduo non conue-
niunt*. Gal. etiam lib. 6. de Tuen. sanit. cap. 1.
& lib. 1. ad Glauc. cap. 1. & lib. 3. Met. med.
cap. 7. dixit, *Temperamenti, complexionis, & na-
tura hominum plurima est differentia, & ideò uni-
cuiq; sanitatis tuenda sua propria prouidentia, &
cura esse debet*. Diuersa esse morborum tempo-

ra

71
ra neminem fugit, sicuti etiam omnibus notissimum est, diuersum esse statum egroti, dùm est in morbo, & dùm est in conualescentia. Diuersitatem morborum, temperamentorum, naturarum, temporum morbi diuersa remedia, diuersamq; curationem requirere, neminem latet. Diuersitatem quoque maximam ægrotorum, qui ad Lazzarecta ducebantur, nemo sanæ mentis inficiaretur; vnde rationaliter Sanitatis Præsides ob talem, tantamq; rerum diuersitatem plura, & diuersa Lazzarecta construxerunt.

74 *Nam in alijs lethali, in alijs salutari morbo affecti.*

Diuersitatem morborum, & ægrotantium Historicus prosequitur, vt diuersitatem Lazza-rectorum summo iure factam melius ostendat. Licet autem omnes illi morbi in his duobus conuenirent, quia omnes erant constitutio corporis præter naturam cum læsione actionum; & etiam quia omnes erant cutanei; attamen, quia ista conuenientia nimis generica est, idcò diuersitatem, & differentias magis specificas declarat, & addit, quod morborum alij lethales, alij salutare erant, vnde Lazza-recta etiam diuersa erant, & in alijs lethali,

Y 2 in

in alijs salutari morbo laborantes commorabantur; nam cum morbi essent omnes contagiosi, & aliqui lethales, aliqui autem salutare essent, si omnes ægroti vno, eodemq; Lazza-recto simul permanissent, certè salutari licet contagioso morbo affecti, lethali postea facto, necessariò mortui fuissent; diuersa igitur inter se Lazzarecta esse debebant. Sed quia dictum fuit ex mente Galen. & omnium Medicorum, quod semper morbus est constitutio corporis præter naturam cum lésione actionum, dicit aliquis, non semper morbus est constitutio corporis præter naturam cum lésione operationum, nam aliquando dantur morbi, qui augent, & perficiunt actiones, vnde phrenetici ad motum voluntarium sunt validiores, quàm fuerint in sanitate. Item, omnes sensationes, & actiones animales in aliquibus morbis sunt intensiores, vt melius videre, audire, odorare, imaginari, recordari, ratiocinari, & similia, vnde melancolici, & hypochondriaci sunt ingeniosi, morosiquè, & tamen ægrotant, & remedijs indigent. Item, multi pueri scioli magno mentis acumine, acutoq; ingenio pollent, qui quidem vitales non sunt, & in ipsa pueritia moriuntur; & ideò dixit Auicen.

Inge-

Ingenij subtilitas est morbi signum. Plinius quoq;
lib. 7. ait, *Senilis iuuentus præmatura mortis est si-*
gnum; addit etiam, *Morbus est aliquis per sapien-*
tiam mori. Galen. quoq; lib. de Arte medicinali
idem confitetur. Item, stulti aliqui pulcherri-
ma aliquando dicunt, & multi desipientes inau-
dita proferunt, futura prædicunt, vaticinan-
turquè, vnde Maracus Cuius Syracusanus Poe-
ta tunc præstantior erat, dum mente alienare-
tur, vt scribit Arist. in Probl. Respondemus,
quod semper morbus est cum læsione actionis,
nec augetur, aut perficitur actio, si quis ægro-
tus voluntariè melius moueatur, melius vi-
deat, audiat, imaginetur, recordetur, ratiocine-
tur, omnesq; alias actiones melius edere videat-
ur, immo tunc læditur actio, ratio autem est,
quia omnis excessus corrumpit naturam, quæ
in mediocritate fundatur, mediocritas autem
est contraria suis extremis, à quibus æquè læ-
ditur, omnis enim excessus morbus est, quia
est constitutio corporis præter naturam suam,
siuè sit in melius, siuè in peius; vnde sicut nihil
sentire, aut parum sentire morbus est, sic etiam
nimis sentire, nimisq; omnes alias actiones a-
gere morbus est; & sicut nihil sapere, sic ni-
mis sapere morbus dici debet, *Cum omne ni-*

mis

nis corrumpat naturam, quæ è limitibus suarum
virium exiens, & supra captum suum agens
morbos adducit. Respondemus etiam, quod
morbus semper primò, & per se lēdit actionem,
at secundario, & per accidens aliquandò etiam
auget, & perficit illam, & ratio est, quia mor-
bus ille tollit, aut minuit impedimentum na-
turæ, quæ cum suis facultatibus melius, aut
peius operatur, prout magis, aut minus impe-
ditur; sed quia impedimentum illud in aliquo
morbo tolli, aut minui potest, ideò tunc auge-
tur, aut perficitur actio, cum morbus ille sit re-
medium impedimento, hoc enim fit, quandò
morbus est impedimento contrarius. Dimi-
nuto igitur, aut ablato impedimento augetur,
& perficitur actio, nam facultas minus impe-
dita melius agit, & nihil impedita perfectè agit,
natura enim cum suis facultatibus semper de
se rectè operatur, & illius actio semper est se-
cundum naturam, nec augeri, aut perfici po-
test, at magis, aut minus impedita, magis, aut
minus rectè agit.

75 In alijs conualescentes.

Conualescentes sunt adeò diuersi ab alijs
tùm sanis, tum ægrotis, & adeò diuersa est il-
lorum diata, vt diuersa etiam Lazzarecta me-
ritò

ritò illis instituta fuerint: Quod conualescen-
tes differant ab alijs tùm sanis, tùm ægrotis,
notum quidem est, nam conualescentes non
sunt, neq; sani, neq; ægroti, sed mediam natu-
ram habent inter sanum, & egrotum sicut sunt
ipsi senes, vt Galen. docet. Diuersa similiter
est illorum diætâ, cùm media debeat esse inter
diætâ sanorum, & ægotantium, vt ait Galen.
lib. 7. Met. med. cap. 6. & hinc est, quod con-
ualescentium, sicut senum difficillima est cu-
stodia; ratio autem est, quia ob virium imbec-
cillitatem ex leui occasione facillimè in mor-
bum iterum relabuntur. Præcipuè autem ci-
bi, & potus illorum magna est habenda cura,
non enim tribuendus est illis cibus summè nu-
trians, cum sit difficilis coctionis, & ob debi-
litem caloris ab illis digeri non possit; omnes
enim cibi, qui valdè nutriunt, difficillimè etiam
concoquuntur. Conualescentibus equidem
conuenit cibus nutrans, sed non valdè nu-
trians, vt sunt oua sorbilia, quæ quidem nu-
triant, sed non valdè nutriunt. Cibi, qui val-
dè nutriunt, corporibus sanis, robustis, ingen-
tiq; calore præditis solum conueniunt, & isti
vitam longeuam reddunt, sicut breuem illam
faciunt cibi imbecilli, & pauci nutrimenti,

vt

176
vt sunt olera, fructus, & huiusmodi, vnde dixit
Hipp. in Epid. *Imbecilliora cibaria breuem vitam
reddunt.* Notandum autem est, quod cibus tri-
plex est, aut enim est prauus succi, sed facile con-
coquitur, & parum nutrit, aut est boni succi,
& facile digeritur, sed non valde nutrit; aut est
boni succi, & difficilis coctionis, sed valde nu-
trit. Primus est, vt olera, poma, fructus, & si-
milis. Secundus est, vt oua sorbilia, vinum,
& similia. Tertius est, vt panis, caro suilla,
& huiusmodi. Primus facile concoquitur, at
parum nutrit, quia fluidus est, & citò euacua-
tur paucò, aut nullo inde alimento relicto.
Secundus facile concoquitur, at non valde nu-
trit, quia tenuis est, & diffusus, nec adheret, nec
firmiter affigi potest. Tertius difficile conco-
quitur, at valde nutrit, quia glutinosus, & cras-
sus est, vnde adheret, & permanet, & quia glu-
tinus, & crassus est, ideo difficile concoqui-
tur, & digeritur; & sic cibaria, quæ valde nu-
trunt, sunt semper boni succi, at difficilis co-
ctionis. & ideo caro suilla maximè omnium
nutrit, quia boni succi est, & difficile conco-
quitur, necnon glutinosum, crassumq; succum
generat, vt Hipp. & Galen. docent lib. de Ali-
mento, & lib. 2. Aph. 18. Cum itaq; conuale-
scentes

secntes tantopere ab alijs diuersi tam magnam
curam requirant, hinc fuit, quod Lazzarecta
etiam diuersa ab alijs constructa fuerint.

76 *In alijs suspecti.*

Suspecti etiam adeo diuersi erant ab alijs,
tùm sanis, tum ægrotis, tum conualescenti-
bus, vt diuersa Lazzarecta ipsi quoq; require-
bant. Suspecti differebant ab sanis, nam su-
specti erant illi, qui fomitis, & contagij non
nihil in se habere poterant, & erant illi, in quo-
rum domibus aliquis cutaneo morbo aliquo
affectus, aut mortuus, aut ad Lazzarectum
ductus fuisset, & qui aliquid fomitis inde re-
cipere alijsq; postea impertiri potuissent. Di-
uersi erant suspecti ab conualescentibus, isti
enim neq; sani, neq; ægroti, illi autem sani rea-
liter, & ægroti saltem timore erant; & sicut il-
lorum difficilis est diæta, & curatio, sic istorum
diæta, & cura facilis erat. Diuersi erant etiam
ab ægrotis, nam actu quidem non egrotabant,
& diæta, curaq; illorum facilis sanè, sed diuer-
sa etiam erat. Diuersa erat diæta suspectorum
ab diæta conualescentium, & ægrotantium,
nam cibo summè nutriente fruebantur. Diuer-
sa quoq; erat illorum cura ab cura sanorum,
& conualescentium, quia alexipharmacis ad
Z delen-

delendum suspectum contagium utebantur.
Susceptorum igitur Lazzarecta ab alijs diuersa
esse debebant.

77 *In alijs Quarantenam agentes cōmorabantur.*
Agentes Quarantenam diuersi quoq; erant
à sanis, quia aliquo modo suspecti erant, aliter
Quarantena inanis fuisset. Diuersi erant ab
ægrotis, quia alexipharmacis, alijsq; remedijs
non curabantur, & diæta sanorum utebantur.
Diuersi erant ab conalescentibus, nam vt sa-
ni diæta sanorum utebantur. Diuersi erant ab
suspectis, quia vt sani alexipharmaca non su-
mebant, & vt suspecti Quarantenam agebant.
Rationabiliter igitur diuersa Lazzarecta con-
structa fuerunt.

78 *Omniibus his Lazzarectis omnia medicamenta
abundantissimè, & piissimè ab vno hospitali sanctæ
Mariæ Nouæ comuniter dicto semper elargita fue-
runt.*

Nullò silentio prætereūda, nulliq; obliuio-
ni tradenda sunt quæ nunc scribit Historicus,
dū ait, quod omnia medicamenta, quæ in
superioribus omnibus Lazzarectis (dempto
vno primo) tū à Medicis, tū à Chyurgis
ad curandos omnes exhibita fuerunt, ab vno
illo celeberrimo, & nunquam satis laudato ho-
spitali

spitali dicto comuniter sanctæ Mariæ Nouæ,
abundantissimè, gratissimè, & pijsimè semper
subministrata fuerunt. Mirandum quidem
est, quomodo Hospitale illud tam multa, tam
varia, tam præciosa medicamenta, & alexiphar-
maca singulis diebus, & singulis horis non so-
lum tot Lazzarectis, sed etiam tot ægrotis pro-
prijs, consuetis, assiduis, ita copiosè, ita exactè
confecta subministrare potuerit: at certè non
mirabitur quicumq; Reuerendissimum Franci-
scum Mediceum loci illius Præsidem meritissi-
mum, omni probitate, & pietate cumulatissi-
mum, omni laude, & honore dignissimum co-
gnouerit. Non mirabitur etiam si pharmaco-
polæ, aramatarijq; loci illius bonitatem, peri-
tiam, fidemq; perspexerit.

79 *Mense Ianuarij non dum elapso, Aquilone
iàm satis spirante.*

Hyems erat, & valdè frigida, ventus Aquilo
iàm satis superq; spirauerat, vnde ægroti erant
non multi, mortui autem perpauci, & hoc
summa ratione, nam in hyeme ventres sunt
calidissimi, & si ventus Aquilo spiraret, calor
ventris augetur, inde coctio, expulsio, om-
nisq; naturalis actio melior, maiorq; fit, & ideo
dixit Hipp. lib. 1. Aph. 5. *Ventres hyeme natu-*

racalidissimi, & lib. de sacro Morbo dixit, *Saluberrimus omnium ventorum Aquilo est*. Si igitur in hyeme calor naturalis magnus erat, & Aquilo spirans calorem augebat, natura etiam omnes suas actiones validiores edebat, vnde illa morbos superare, aut saltem minuere potuit, & ideò numerus ægrotantium, mortuorumq; quotidie decrescebat, & contagij timor, horrorq; simul euanescebant.

80 *Luna autem crescente.*

Cælum agit in hæc inferiora motu, & lumine, & omnis virtus inde gubernatur; Luna autem maximè agit in hæc inferiora, tanquàm Stella nobis magis proxima; & ideò Luna crescente, & plena omnia inferiora augentur, & pinguescunt, decrescente autem, & vacua omnia minuntur, & decrescunt; vnde Luna obseruanda est à Medico in curatione, nam crescente, aut decrescente Luna Medicus etiam crescere, aut minuere curationem, & medicamenta debet, Luna enim agendo in hæc inferiora auget, & minuit ad modum sui; quod si inconsideratè curatio fiat, non poterit æger sanari, cum potius augeri, quàm minui morbus accidat. Quod Luna agat in hæc inferiora ad modum sui, patet, nam Mare per Lunam augetur,

getur, & diminuitur; Luna crescente cerebrum,
& corpora hominum, & plantarum augentur,
decrecente illa minuuntur; patet etiam in her-
bis, & medicamentis componendis, vt Galen.
ait lib. de Dinamidijs. Luna in mense quatuor
differentias operatur in aere, nam primus sep-
tenarius ab nouilunio vsq; ad septimum diem
est similis veri, idest calidus, & humidus. Se-
cundus septenarius vsq; ad plenilunium est si-
milis ætati, idest calidus, & siccus. Tertius sep-
tenarius decrecente Luna similis est autumnus,
Quartus autem septenarius similis est hyemi,
vt scribit Actius lib. 3. cap. 162. Luna agit in
omnia corpora, tùm sana, tùm ægrotata, sed
corpora sana ob robur sanitatis passionem de-
fendere possunt, ægrotata autem non possunt,
cum maximè patiantur, alterationesq; recipiāt;
& ideo morbi, qui fiunt ex detractione; decre-
cente Luna, deterius se habent; si autem fiant
ex repletionem, aut affluentia, crescente Luna,
validius præmunt. Non solum in mari Occa-
no fit fluxus, & refluxus circa tales Lunæ trans-
figurationes, sed etiam in corporibus nostris
fit fluxus, & refluxus humorum. Corpora,
quæ in vniuerso Orbe pugnant, non solum
corpora ægrotata, sed Medicum etiam superant,
ita

ita arti cooperatur numen Diuinum, vt Galen.
ait lib. de Dieta, Hipp. in Acutis cap. 3. Notan-
dum est, quod calor naturalis corporibus no-
stris insitus est ille, qui primò, & principaliter
concoquit, nutrit, auget, & omnes alias actio-
nes peragit; at si secundario etiam ab calore
externo Lunæ crescens augeatur, tunc me-
liores, & validiores illas edit; sicuti si Luna de-
crescente non adiunctur, quasi languens im-
perfectas, minutasq; illas edit, cum Luna non
diffundat calorem suum dum decrescit, sicut
dum illa crescit. Luna itaq; semper à Medico
in curationibus est obseruanda, & omnes illius
transfigurationes, quatuorq; septenarios totos
attendere Medicus debet; & tunc laudandus est
Medicus, sicuti deridendus est Medicus ille,
qui solos quatuor terminos septenariorum, so-
losq; vltimos illorum dies considerat, quos
Medici appellant *Terminos Lunæ*, in quibus ter-
minis, & diebus, ipsi nullo pacto sanguinem
mitterent, nec medicamenta exhiberent, nec
cauteria iungerent, nec aliud tale præstarent;
nam Medici isti, aut veram Lunæ obseruati-
onem ignorant, aut simulatores, aut supersti-
tiosi, aut adulatores ægroti sunt. *Et quod
multumque* Ægroti multi sanabantur, pauci autem mo-
riebantur, Mul-

Multiplicatis Lazzaeētis; diminuto, & quasi
deleto timore, & horrore contagij; aucto calo-
re naturali non solum in Lazzaeētis cutaneo
morbo affecti, sed etiam intra, & extra Urbem
morbo quouis non cutaneo laborantes, vt
plurimum sanabantur, pauci autem morie-
bantur.

82 Gaudebat vniuersa Ciuitas tanquā renati
essent qui sanati fuerant, & nunquā morituri qui
non agrotauerant.

Tota Ciuitas gaudio plena erat, quia vnus-
quisq; morbi, & mortis periculo perfundus
erat; & quicumq; agrotus fuerat sanatus, re-
natus esse sibi videbatur; quicumq; autem sa-
nus non agrotauerat, incorruptibilis quasi iu-
dicabatur, nam in hoc anno agrotos non pe-
rire, sanos autem non agrotare, paradoxum
videbatur; & ideo vnusquisq; gaudens erat, si-
cuti enim periculum morbi, & mortis timo-
rem, sic securitas audaciam in omnibus ge-
nuerat, tanquā ab alieno morbo propriam
sanitatem, & ab aliena morte propriam vitam
adepti fuissent.

83 Serenissimus Ferdinandus, vt vltimum con-
tagij finem videret.

Semper finis est principium motus, & pri-
mum

num principium est vltimus finis, cum omne
agens agat propter finem, & quod est vltimum
in actione, semper est primum in intentione,
Serenissimi Ferdinandi semper fuit vltimus fi-
nis, vt contagium penitus euelleretur, & hoc
fuit semper primum in mente illius, & ad hunc
finem semper omnia facta sunt, ideò licet con-
tagium extinctum videretur, tamen vt finis,
& destructio illius certius sequeretur, dupli-
cem Quarantenam concelebrari voluit.

84 Quarantenam.

Pythagoras vir sapientissimus, & celeberrimus
tanti numerum fecit, vt virtutem in nu-
meris posuerit, *Unde ad numerum virtutem re-
ferebat*, vt ait Arist. lib. 1. Magn. moral. cap. 1.
Plato etiam multi numerum fecit, & ideò in
Timæo, *Animam huius mundi ex numeris esse vo-
luit; immò, Deos ipsos ex numeris constare dicebat*,
& interrogatus ab Neocle, cur homini potius,
quàm cuiquam ex ceteris animantibus creden-
dum sit: Respondit, *Quia solus homo omnium
animantium numerare nouit*. Inter numeros au-
tem plurimi fecerunt numerum septenarium,
tanquàm omnium rerum principium, & illi
virtutem maximam tribuerunt, & certè sum-
mo iure, nam genitura septimo die habet quæ-
cum q;

cumq; corpus habere debet; septimo die post
conceptionem spermaticarum omnium par-
tium prima rudimenta apparent; nemo potest
viuere sine cibo, & potu nisi septem dies; ne-
mo potest viuere sine respiratione nisi septem
horas; puer natus septimo mense vitalis est,
natus autem sexto, aut octauo non est vitalis;
pueris natis non imponebatur nomen nisi sep-
timo die, vt ait Arist.; puerulus die septimo à
partu vmbilici reliquias iactat; puer septimo
mense incipit dentire; puer septimo anno den-
tes mutat; hominis ætas septenario numero
constat; omnes morbi terminantur diebus
septenarijs, vel septem mensibus, vel septem
annis, vt voluit Hipp. & si omnia nunc scribe-
re vellemus, quæ de numero septenario, die,
mense, & anno septenario dici possent, certè
dies, mensis, & annus prius nos deficeret. Py-
thagoram quidem reprehendit Arist. attamen
ipse multum tribuit numero septenario, vt pa-
ret lib. de Hist. anim. cap. 1. Hipp. etiam nu-
mero septenario tantum tribuit, vt Pythagoræ
discipulus fuisse, & in verba Magistri iurasse vi-
deatur; vnde Corn. Cels. ausus dicere fuit, quod
Hipp. Pythagoricus erat. Galen. Auic. Auerr.
omnesq; Medici numerum septenarium vsq;

A a ad

ad sydera sic tollunt, vt tota ars medica in septenario numero edificata videatur, & ideo Gal. lib. 1. de Dieb. Decret. numerat septenarium diem, vt Principem inter alios dies non quidem numero, & ordine, sed viribus, & dignitate, & illum Regi clementissimo assimilat, sicut diem sextum Tyranno. Omnes Medici septimum diem omnium dierum Regem appellant. Notandum est, quod dies, vt dies est, & per se nullam in se virtutem continet, nullius rei causa est, & de se nihil efficit, sola autem natura omnem habet in se virtutem, omniaq; efficit, & discernit; dies est tantum signum, quo Philosophus, & Medicus cognoscit naturam bene operari, illumq; motum esse naturalem, cum sit factus in illo die; itaut dies significat, nihil autem efficit, natura enim discernit, & non dies, & si dies septenarius decretorius est, non vt causa, sed vt signum decretorius est. Notandum etiam est, quod Hipp. Galen. & omnes Medicis inter dies decretorios quadragesimum numerant, multumq; illi tribuunt, & ratio est, *quia dies quadragesimus omnium morborum acutorum decretorius est*, vt ait Hipp. lib. 1. Prognost. tex. 25. & Galen. incomm. & 2. Aph. 23. & lib. 1. de diebus Decret.

cret. cap. 10. & 13. & Hipp. lib. 1. de Morbis vulgaribus ægroto decimo, qui die quadragesimo perfectè iudicatus fuit; & lib. 3. Epid. ægroto tertio, qui quadragesimo die similiter perfectè iudicatus fuit. Quod dies quadragesimus sit omnium morborum acutorum decretorius patet, nam post quadragesimum diem cessat vis, & efficacia dierum decretoriorum, cum ille sit finis, & terminus omnium acutorum morborum; & hinc est, quod post quadragesimum diem omnes morbi languent, nec amplius crisis, sed coctione, aut abscessibus finiuntur, nisi rarissimè; unde Hipp. post diem quadragesimum dies decretorios contemnit, cum ille solus sit omnium morborum acutorum finis. Nec obijciat aliquis dissentientem doctrinam Hipp. qui aliquando dicit, *Quartumdecimum diem morborum acutorum esse finem*, ut lib. 2. Aph. 23. Aliquando vigesimū diem, ut lib. 3. Epid. ægroto quinto Cherione, qui vigesimo die perfectè iudicatus fuit, sicuti etiam lib. 3. Prognost. Aliquando quadragesimum diem, ut in locis superius allatis apparet, nam dissensio ista facillimè conciliatur dicendo, quod triplex est acutorum morborum genus, aliqui enim sunt absolutè, & simpliciter acuti, & isti die

A a 2

quar-

quartodecimo iudicantur; alij sunt acuti sine alia adiectione, & isti die vigesimo iudicantur, alij autem sunt acuti ex decidentia, & isti quadragesimo die iudicantur, vt Galen. docet: Cum itaq; dies quadragenarius tantam vim habeat, vt omnes acutos morbos decernere possit, rationabiliter Quarantena fuit instituta, quę numero quadraginta dierum constans omnes morbos acutos cutaneos iudicare poterat, quiquidem morbi cum essent acuti, quocumq; modo essent acuti, iudicari, & finire debebant.

85 *Duplicem, politicam vnā, sacram alteram concelebrari voluit.*

Diximus superius ex mente etiam ipsius Platonis, quod sicut corporis, sic & animi dantur morbi; corporis morbi sunt multę ægritudines, quas tercentas dixit esse Plinius; animi autem morbi sunt vitia, & peccata, quę dinumerare Theologi debent; & sicut illas humana remedia vna cum Diuinis, sic ista non humana, sed Diuina sola sanare possunt, & sicut tam corporis, quàm animi morbi curari debent, sic Quarantena duplex concelebrata fuit; vt sicut vna corporis morbos solum, sic altera corporis, & animi morbos, vitiaq; simul sanaret; & ideo sicut illa politica, sic ista sacra fuit; & si-

cut

cut illa ab Sereniss. Ferdinando Duce heroico,
sic ista ab Illustrissimo, & Reuerendiss. Cosmo
Bardio de Comitibus Vernij Archiepiscopo
Florentino viro quidem omnibus meritis di-
tissimo instituta fuit; & sicut corporis morbi,
animi q; vitia simul in Ciuitate erant, sic illa,
& ista simul conceleb atq; fuerunt, vt sicuti cor-
poris contagiosi morbi, sic animi peccata de-
lerentur.

86 *Politica talis fuit.*

Incipit Historicus ordinem describere, qui
in celebranda Quarantena politica seruatus
fuit. Dicta autem est politica, quia Ciuitaris,
cuium, nobiliumq; gubernationem, & poli-
tiam respiciebat.

87 *Vnicuiq; Ciuitatis Sexterio Illustriss. Senato-
rem praefecit, cuius imperio agenda omnia agebantur.*

Dictum fuit superius, quod Florentia Ciui-
tas magna priscis temporibus in partes sex di-
uisa erat, quas Sexteria appellabant, licet postea
in partes quatuor partita fuerit, quas hodie
etiam Quarteria nominant: vt Quarantena po-
litica facilius celebraretur, Sereniss. Ferdinandus
partitionem Sexteriorum magis probans vni-
cuiq; Sexterio Senatorem vnum praefecit, & ille
vnus ex illis erat, qui Sanitati Praefecti erant,

Autho-

Authoritas data fuit illis maxima, vt inde timor, & obedientia maxima oriretur in populo, cum sine timore populus non obediat, nec verbis, suasionibus, legibus, aut virtute, sed timore, & pœna solum moueatur; & ideo dixit Arist. lib. 10. Eth. *Non est possibile vulgum, & multitudinem ad probitatem, & virtutes incitare solis verbis, & suasionibus; non enim pudori, sed timori obediunt, nec ab malis ob dedecus, sed ob pœnam abstinent, cum ex affectu viuunt, virtutem autem nunquam degustauerint; tales autem ad moderationem traducere quæ oratio posset?* Quoniam autem Quarantena præcipuè populum, & plebem complectebatur, (quia Contagium plebem, pauperesq; populabatur) ideo meritò Senatoribus illis magna fuit data potestas, vt sicuti pœna timorem, sic timor obedientiam pareretur, & sic omnia agenda rectè agerentur.

88 *In vnoquoq; etiam Sexterio triginta viros nobiles elegit.*

Non solum unicuiq; Sexterio Senatorem vnum, sed etiam triginta viros nobiles præfecit, quibus similiter authoritas magna data fuit: officium istorum nobilium virorum inferius dicetur.

89 *Et unicuiq; viro nobili quinquaginta domus alendas distribuit.*

Offi-

Officium triginta virorum nobilium erat, ut unusquisque quinquaginta domus alendas sub se haberet; cur autem, & quomodo tot domus, & cur aliquę sic, aliquę non alerentur, inferius suo loco dicemus.

90 *Unicuique autem domui viri nobiles alimenta quotidie ministrabant.*

Serenissimi Ferdinandi sumptibus domus illę omnes nutriebantur, singulisque diebus alimentum illis ministrabatur, quod officium nobilibus illis viris demandatum erat, at quia officium illud laboriosum erat, & virum nobilem non decebat, ideò nonnulli alij ministri mercenarij (presentibus semper viris illis nobilibus) alimenta omnia domibus subministrabant; viri autem illi nobiles, sicuti & Senatores mercenarij nullo modo erant, sed more nobilium gratissimè suo fungebantur officio, sicut alias dictum est.

91 *Omnes domus tam nobilium, & diuitum, quàm ignobilium, & pauperum clausę erant.*

Prosequitur Historicus ordinem Quarantenę, & ait, quod tunc temporis totius Ciuitatis domus, siue nobilium, & diuitum, siue ignobilium, & pauperum clausę omnes erant, itaut nemo ex illis egredi, nemoque illas ingredi poterat;

terat; pena autem magna ingredientibus, & egredientibus imposita erat, quæ mortem ipsam in se continebat.

92 *Et sicut ex illis unus, sic ex istis nullus exire poterat.*

Pauperes quotidie ab viris illis nobilibus alimentum bonum, & copiosum accipientes poterant semper in domibus suis permanere, nec opus illis erat, ut aliquis è domo ad emendum, comparandumq; aliquid exiret. Nobiles, & diuites nihil inde accipientes, & multis tum necessarijs, tum vtilibus assidue egētes habebant opus, ut aliquis è domo exiret, qui necessitati, vtilitatiq; ipsorum inseruiret; & ideo unus solus è domu diuitum, & nobilium exire poterat siue ille esset Dominus, siue seruus, siue alius quiuis in domu illa inhabitans.

93 *Unus autem ille neq; mulier, neq; puer esse debebat.*

Agebatur Quarantena, ut Contagium, morbiq; contagiosi penitus deleterentur, cum quadragenarius dies sit omnium acutorum morborum decretorius, naturaq; in illo dierum numero morbos omnes acutos iudicet, ut dictum fuit. Quoniam autem corpora humidiora, molliora, & rariora, (ut sunt corpora mulierum,

rum, & puerorū) facilius contagium recipiunt, conseruant, & in aliena corpora diffundunt, ideò mulieres, & pueri è domibus egredi non poterant, quicumquè autem egredi poterat, vnus solus erat, & ille adultus esse debebat.

94 *Ingredi nemini licebat, nisi necessario.*

Sicut egredi vnus solus ob necessitatem, sic ingredi nisi necessario poterat nemo, vt obstetrix, Medicus, Sacerdos, aut alij similes, vt sic commercium, & contactus corporum tolleretur, quo posito ponitur, & quo ablato auferetur contagium.

95 *Et sicut ditibus nullum, sic pauperibus copiosum alimentum dabatur.*

Diuites alieno alimento non egebant, & ideò à viris illis nobilibus nihil accipiebant; pauperes autem, qui arte, & industria alimentum sibi antea quærebant, alimento egebant, cum in domibus clausi essent, nec victum sibi aliunde comparare poterant; & ideo domibus pauperum alimentum solum dabatur, quod quidem erat bonum, & copiosum, quia sic Serenissimi Ferdinandi magnanimitas, & pietas ferebant.

96 *Alimentum erat Panis, Vinum, Caro, Oryza, Caseum; Item, Oleum, Acetum, Sal, Ligna, Carbones,*

et alia

B b

et alia

*& alia tùm necessaria, tùm utilia, abundanter ta-
men omnia.*

Dum Lazzalectorum diuersitatem superius
explicauimus, diuersitatem etiam diætę illorum
declarauimus, dicentes, quod alia erat diætā
ægotantium, alia conualescentium, alia sano-
rum, alia suspectorum, alia quarantenam agen-
tium; nunc diætā clauforum explicatur, quę
quidem erat sicut diætā sanorum, alimentum
enim, quod illis dabatur, erat Panis triticeus
bonus, Vinum bonum, Caro, Oryza, & Ca-
seum, quod quidem alimentum est boni succi,
valdè nutriens, valdè sapidum, & suaue, ma-
ximè autem quia abundanter illis dabatur.
Dabatur etiam illis Oleum, & Sal gratia con-
dimenti, cum Oleum, & Sal sint condimen-
tum, & non cibus, licet Oleum certè nutriat,
quia temperatum est in calido, & humido, &
ideo Oleum impinguat hepar, & illius substan-
tiam auget; immò oleum à tota sua substantia
est homini valdè conueniens, vnde omnis res
cōcta in Oleo est multum nutritiua, & omnis
ferè cibus coquitur in Oleo, aut cum Oleo,
& hoc, quia est simile nostrę naturę, cum sit
in calido, & humido temperatum, vt docet
Auerr. lib. 5, Collig. Salis autem, & Aceti nunc
dicere

dicere laudes, nimis longum, nimisq; ab instituto nostro alienum esset; & ideo satis sit dixisse, quod ut condimenta clausis pauperibus dabantur. Ligna, & Carbones similiter dabantur illis tum ad coquendum alimentum, tum ad semetipsos excalesciendos, cum hyems esset, & valde frigida. Alia tum necessaria, tum vtilia copiose illis subministrabantur, ut dicit Historia. Quæret aliquis, cur Panis triticeus est adeo naturæ nostræ amicus, & ita omnibus placet, ut nullus sit homo, cui non placet Panis? Id, quod de alijs cibis dici non potest, immo plus placet Panis, quam omnes alij cibi, licet sint suauiores, cum cibi suauiores magis fastidium afferant, quam Panis ipse, licet sit minus suavis. Additur, quod nullus cibus sine Pane suavis est, nec benè digeritur, ita ut Panis sit socius, & complementum aliorum ciborum. Respondemus cum Arist. in Probl. Panis triticeus à natura deputatus fuit homini pro cibo proprio; & ideo homo illum semper appetit, nec ab eo fastidium capit, & hoc ob ordinem naturæ, quæ dedit homini hunc cibum illi familiarissimum, & à tota substantia, proprietateq; occulta suauissimum. Alij cibi licet sint suauiores, fastidium tamen mouent, quia

B b 2 non

non sunt illi secundum naturam destinati, & ideo non semper placent. Quoniam autem catenatae sunt, ut plurimum difficultates, & una aliam trahit, iterum quæret, cur Vinum generosum est adeò cordiale, & nostræ naturæ amicum? Respondemus cum Auic. lib. de Medicinis cordialibus, quod spiritus vini generosi sunt simillimi omnino spiritibus vitalibus ipsius cordis, qui spiritus vitales de sui natura sunt nobilissimæ complexionis, & substantiæ, maximèq; luciditatis, & splendoris, (nam cor ipsum, cum sit viscum nobilissimum, nobilissimo eget spiritu ad suas operationes) & ideo nobilissima est substantia spiritus vitalis, nam lucidissimus est, & substantiæ cælesti, radijsquæ solaribus simillimus; & hinc est, quod Sol, & radij solares nos valdè delectant; & pueruli etiam rident cum Solem aspiciunt; Sol enim, & radij solares sunt spiritibus vitalibus per quàm simillimi: Si igitur vini generosi spiritus sunt spiritibus vitalibus simillimi, & omne simile gaudet, & vim acquirit ab suo simili, certè cor ipsum gaudet Vino, illo corroboratur, & ab illo solo sine alia causa vim, spem, fortitudinem, & gaudium magnum adipiscitur, unde ebrij, & conuiuati omnia pericula subeunt,
ab

ab Vino facti fortes, & intrepidi. Iterum quæ-
ret, vtrum cibus, & potus sapidus sit omnibus
hominibus cum sanis, tum egrotis ab Medico
semper concedendus? Respondemus, quod
omnibus est semper concedendus, ratio autem
est, quia cibus, & potus sapidus maximè om-
nium nutrit, & quò plus sapit, eò etiam melior
est, melius enim coquitur, magisq; nutrit, nam,
vt ait Auic. lib. 1. *Stomachus, & virtus retentiva*
vehementer cibo sapido, & suavi applicantur, &
omnia membra principalia secundum complexionem
suam sunt cibo illi simillima; ratione enim simili-
tudinis fit cibi suauitas in corporibus sanis, in
egrotis autem fit ratione contrarietatis. Notan-
dum est, quod cibus triplex est, aut enim est si-
milis, aut dissimilis, aut contrarius corpori nu-
triendo; cibus quidem similis sapit ob similitu-
dinem; dissimilis nò sapit ob dissimilitudinem;
contrarium autem sapit ob medelam, & sicut
corpus sanum gaudet suo simili, sic ægrotum,
suo contrario; at cibus dissimilis neq; sano,
neq; ægroto sapidus est, quia est ab utroq; di-
uersus; & ideo cibus dissimilis fit sapidus con-
dimento, aut coctione, aut utroq; cum per con-
dimentum, & coctionem naturæ, & corporis
temperamento similis fiat, vnde postea superius,
& la-

& sapidus est. Sed oritur dubitatio, cur ex cibo dissimili, qui nec sapit, nec est edendo, & ex condimento dissimili, quod nec sapit, nec est edendo fit cibus suavis, & sapidus, qui est edendo? Respondemus cum Galen. quia ex duobus immoderatis simul coeuntibus fit vnū mixtum moderatum, quod sapit, & dulce est, ratio autem patet, nam cibus, & condimentum sunt semper contraria, & inuicem agendo, & patiēdo corriguntur, redigunturq; ad temperamentum quoddam tertium, quod dulce, & sapidum est; itaut ex duobus dissimilibus, & insuauibus fit vnum simile, & suaue, sicut accidit, quandò ex duobus vitijs fit vna virtus, nam vt ait Arist. lib. 7. *Ethic. Imprudentia cum incontinentia virtus est.* Cibus igitur dissimilis sine condimento, aut coctione, nequē sanis, nequē egrotis placet, & natura illum abhorret, ab virtute membrorum repudiatur, non retinetur, non digeritur, fastidium parit, & ventriculi temperamentum lēdit, vnde fit cibi corruptio, & ideo dicebat Auic. *Cibi horribiles facillimē putrescunt, quia non digeruntur.* Notandum etiam est, quod similitudo prouenit ratione primarum qualitatū corpori similium, vt calidi, frigidi, humidi, & sicci in corpore sano, contra-

tra-

trariarum autem in ægroto; aut ratione secundarum, & tertiarum qualitatum, ut ratione saporis, siue corpus sit sanum, siue ægrotum; aut ratione materie ipsius cibi, ut oua sorbilia, Vinum, Caro, & similia; aut ab tota substantia, ut Panis, qui facultate occulta omnibus placet, ut dictum fuit, sicuti etiam aliquandò aliquis cibus omni ratione probus, tamen à tota substantia alicui homini non placet, licet alios homines summopere delectet, datur enim aliquando cibus, qui multis est suauissimus, vni autem homini est abominabilis; & hinc patet, quod vnaquęq; natura, & complexio hominis proprium sibi cibum requirit; & sunt quidam hominum, quibus nocet nutrimentum bonum, & quibus iuuat nutrimentum malum, bonum autem non digerunt, nec illis placet; at sicut illi debent cibum illum derelinquere licet bonus sit, quia nocet, sic isti illum abominare debent licet iuuet, & sapiat, & digeratur, nam si nō nocet nunc, nocebit in dies, & in futurum. Similitudo etiam est, aut cum stomacho, aut hepate, aut alijs visceribus; si cibus est similis cum stomacho, hepate, alijsq; visceribus omnibus, omnesq; habet quatuor similitudines enarratas, tunc cibus est vndequaq; sapidus; si est

si est similis cum stomacho, & hepate in vna,
aut duabus, aut pluribus, aut paucioribus con-
uenientijs, tunc cibus est magis, aut minus
suavis, & tunc magis, aut minus digeritur; si ci-
bus est similis cum stomacho, non autem cum
hepate, tunc cibus est sapidus, at non digeri-
tur, & nocuus est licet sit suavis in principio,
postea enim nocuus est ob dissimilitudinem
stomaci, & hepatis, vt Auic. docet. Et hinc est,
quod cibus aliquando sapit, attamen nocet,
& iste cibus licet sapidus non est concedendus,
sicut semper concedendus est cibus sapidus, qui
similitudines omnes allatas in se continet, cum
ille sit optimus cibus, nec vnquam nocere pos-
sit, nisi in hoc vno, nempe, si quis comedat ni-
mis, & ideo dixit Auic. *Cibus bonus, & sapidus,
& nutriens hoc solum impeditenti secum portare
videtur, quod possibile est, vt homo ex eo multum
comedat, cetera laudabilis est.* Iterum quæret,
cum detur cibus bonus quo ad materiam non
sapidus, & detur cibus sapidus quo ad mate-
riam non bonus, quisnam est eligendus? Re-
spondemus cum Hipp. quod cibus sapidus li-
cet deterior semper est præferendus insipido
licet meliori, nam ille melius digeritur, cum
stomachus illum melius amplectatur, & in me-
liorem

liorem conuertat, non quidem ob bonam
suam substantiam, sed ob suauitatem, vnde
melius concoquitur, quàm cibus melior, sed
insuaui; ille enim ob magnam digestionem,
iste autem ob maiorem materiæ dispositionē,
& bonam substantiam digeritur; & sicut ille
melius digeritur, sic etiam melior cibus erit;
vnde bene dixit Hipp. lib. 2. Aph. *Paulo peior,
sed suauior cibus, & potus meliori, & insuauiori est
preferendus*. Iterum quæret, si cibus sapidus
semper est concedendus tùm sanis, tùm egro-
tis corporibus, cur Medici non semper conce-
dunt egrotis quæ appetunt, cum contraria mor-
bo appetant? Respondemus, contraria sunt
duplica, aut enim sunt contraria secundum
formam, aut secundum materiam, idest, aut
sunt contraria accidentibus, & effectui morbi;
aut sunt contraria causæ, & materiæ ipsius mor-
bi; si appetita sapida sunt contraria accidenti-
bus, & effectui morbi, à Medico concedi pos-
sunt, at non sequitur inde sanatio, cum non
respiciant materiam, causamquæ morbificam,
quas tollere Medicus debet ad hoc, vt fiat sa-
natio: Si verò illa sint contraria non solum se-
cundum formam, sed etiam secundum mate-
riam, tunc liberè concedenda sunt, cum respi-

C c

cient

ciant materiam, causamq; morbificā; aliquando enim appetuntur cōtraria, quę sunt eiusdem conditionis, idest, sunt contraria secundum formam, & materiam morbi; sed quia ægroti, ut plurimum, appetunt contraria secundum formam, & nō secundum materiam, ideo Medici ægrotis appetita negant, cum ab illis concessis potius augeatur morbus, & causa morbi, licet quoad formam concedi possent. Iterum dicet, si cibus sapidus dandus est ægrotis, quia contrarius est morbo, igitur fēminis picatione laborantibus concedenda erunt illa prava cibaria ab ipsis tantopere appetita, ut Terra, Carbones, Cinis, & similia. Respondemus, ut supra, nempe, quod si prava illa cibaria considerentur quoad formam, primasq; qualitates, sunt quidem concedenda, non autem quoad materiam, & ratio est, quia forma, & primę qualitates sunt causa, ut illa prava cibaria appetantur, & sapiant, cum sint contraria morbo, & sic concedi possunt; sed quia illa forma, primęq; qualitates sunt coniunctę cum prava materia, coctioniq; inepta, ideo concedenda non sunt: Quod si forma, & materia similes sint, & homogeneę, tunc danda quidem essent, cum suauitas non ab forma, primisq; qualitatibus

litatibus solum, sed ab materia etiam pendere
debeat, ut dictum est. Iterum dicet, calor na-
turalis improbus omnia vincit, & est poten-
tior ipso igne, cum aliqui sint cibi, qui ab igne
nunquam, ab stomacho autem, & calore natu-
rali facillimè concoquuntur; exemplum sit
Strutio animal, quod quidem aurum, & fer-
rum ingestum concoquit, quæ ab igne non
coquuntur; si igitur calor naturalis est adeò
validus, ut ab igne insuperabilia superet, ad
quod tot condiciones in cibo describere? Re-
spondemus, quod calor naturalis nullo pacto
est igne potentior, & si Strutio animal aurum,
& ferrum digerit, non idcirco calor naturalis in
stomacho illius est ipso igne validior, digerit
enim illa Strutio proprietate occulta ob sym-
pathiam, quam stomachus illius ad aurum, &
ferrum habet; sicut etiam euenit in cibis alio-
rum animalium, quorum ciborum vnus ab
vno animali semper, ab alio animali nunquam
digeritur, & hoc fit ob sympathiam, & pro-
portionem cibi ad stomachum, & stomaci ad
cibum, quæ sympathia, & proportio est ab ip-
sa natura sic instituta. Non est igitur calor na-
turalis in stomacho structionis potentior ipso
igno, immo est fortasse debilior calore naturali

multorum animalium, quæ aurum, & ferrum,
non digerunt, licet calore naturali validiori,
quàm Structio sint predata, & hoc, quia sym-
pathiam illam, proportionemq; non habent,
vt lib. 5. Collig. ait Auerr. Ex superius dictis
fanciatur ista lex, & axioma omnibus Medicis,
cibus, & potus sapidus (seruatis seruandis su-
perius allatis) tùm sanis, tùm ægrotis semper
est cōcedendus; Medicus autem ille, qui ægro-
tis sapida negat, contra dignitatem, & ordinem
naturæ agit: Natura enim dedit animantibus
omnibus sensum gustus, vt cum illo alimen-
tum bonum à malo, & conueniens ab incon-
uenienti discernere: Dedit etiam natura sa-
porem cibus, & potibus, vt per illum similiter
alimentum bonum à malo, & conueniens ab
inconuenienti diiudicarent; at sicut ex conue-
nientia nascitur suauitas, sic ex suauitate pen-
det nutritio, nec potest sapidus cibus non nu-
trire, ratio autem est, quia semper appetitus est
propriij obiecti, & ab obiecto proprio sedatur,
at sedatur sapido cibo; sapidus igitur cibus est
proprium appetitus obiectum, & illum sedat,
quia nutrit; quod si verum hoc non esset, fru-
stra esset ordo naturæ, quæ ab suauitate, & in
suauitate saporum cibum bonum, & conue-
nientem

nientem ab inconuenienti, & malo cognosci,
iudicariq; voluit.

97 *Exultabant pauperi clausi, quia in carceribus,
vt liberi.*

Scribit Arist. lib. 2. Polit. & lib. 1. Metaph.
quod homo liber ille est, qui viuit sibi ipsi, nec
est alterius gratia; sicut homo seruus est ille,
qui cum sit homo, est tamen homo ad alium,
& est alterius gratia, & ideo Deus summè liber
est, quia est ad se ipsum solum, & nunquam al-
terius gratia, cum nihilo indigeat. Itaq; si pau-
peres clausi exultabant, summo iure exulta-
bant, licet enim domus illis essent tanquam
carceres, in carceribus tamen viuebant, vt li-
beri, quia nullo indigebant, cum omnia illis
copiosè subministrarentur. Ad se ipsos etiam
viuebant, nam (vigente Quarantena) non so-
lum ipsi non erant ad alium, immo alij erant
ad illos, cum illorum gratia omnia agerentur,
& non gratia alterius, vt serui, sed sui gratia,
vt liberi, vitam degebant.

98 *In paupertate, vt diuites.*

Duo sunt quidem onera, quæ omnium gra-
uissima putantur, senectus, & paupertas, licet
paupertas sit senectute grauior, nam senectus
est secundum naturam, & omnes illam adipi-

sci

200
sci cupiunt, licet adeptam accusent. Senectus
etiam bona multa in se continet, multaq; be-
neficia secum affert, ut l. b. de Senectute scribit
Cicero. Paupertas autem est præter naturam,
omnibus odiosa, & mala omnia tum corpori,
tum animæ semper adducit. Paupertas est adeò
græue pondus, ut dixerit Poeta, *Ad fugiendam
paupertatem licet se projicere in mari*; ratio autem
est, quia *miserrimum est fame perire*, ut Plato ait.
Et quàm vis vita nihil sit dulcius, morteq; nihil
horribilius, homines tamen potius mortem,
quàm paupertatem eligeret, cum molestissima
sit pauperum vita, ut optimè norunt, qui pau-
pertatem magnam experiuntur, aut experti sunt.
Inter multa bona externa numerantur diuitiæ,
quæ post sanitatem primum locum habent, &
ab omnibus summoperè expetuntur, immò
post Deum (propè diximus) adorantur; unde
diuitijs obediunt omnia; & ideò dixit Arist. *Sine
bonis exterioribus* (quorum vnum sunt diuitiæ)
nemo potest esse felix, nam felix nullo indiget. Non
solum autem corpori, sed animæ etiam benefi-
cia maxima conferre possunt diuitiæ; unde
Hipp. lib. de Aere, Aquis, & Locis ait, *Diuites
sunt Dijs gratiores, quàm pauperes, pauperes enim
sunt circa cultum Diuinum negligentiores, quàm di-
uites,*

uites, qui saepius Dijs sacra faciunt, victimas offerunt, statuas erigunt, & colunt, & hoc, quia pecunijs abundant. Pauperes autem hac non faciunt cum non habeant, & ideò Dij diuitibus magis beneficia retribuunt. Et hinc fuit, quod pauperes clausi, cum prius paupertatem, & postea in Quarantena diuitias (vt ita dicamus) experti fuissent, exultabant, letiq; erant, nam tunc temporis nutriebantur, vt diuites, cum ab viris illis nobilibus quotidie, copioseq; alerentur.

99 *In ignobilitate, vt nobiles viuebant.*

Nobilitatis magnum est signum seruos habere nobiles, & ideò dixit Arist. in Polit. Semper melius imperium meliorum parentium est, seu hominis, quàm bestiae, nam quod à melioribus perficitur, melius est opus. Nobiles erant viri illi, qui pauperibus alimenta suggerebant, non solum autem nobiles erant, sed etiam ingenui, & omni humanitate, benignitateq; referti, vnde benignè, humaniterq; circa pauperes ita se gerebant, ac si serui illorum essent; & ideò pauperes clausi ignobiles in temporaria illa nobilitate viuebant vt nobiles, cum seruos haberent nobiles, vnde leti, & gaudentes erant.

100 *Regia potius, quàm pulitica Quarantena erat,*

Scri-

Scribit Historicus, quod Quarantena illa potius Regia, quàm politica erat, licet enim politicam in se contineat Regia, & Ciuitatis, ciuiumq; politiam amplectetur, attamen dignitatem, maiestatemquè maiorem significat; & quamuis omni magnificentia, honoris, splendorisq; genere Quarantena ageretur, tamen quia propriam etiam personam Serenissimi Ferdinandi aliquo pacto continebat, idè Regia potius, quàm politica appellari debebat; ille enim, vt omnia optimè fierent, Ciuitatem sæpè perlustrabat, vnde Quarantenam honorabat, & illam digniorem reddebat.

101 *Serenissimus Ferdinandus æmulus Auroræ.*

Inter innumeras Serenissimi Ferdinandi laudes illa etiam numerari debet, quod ipse est vigilantissimus, & summo mane cum Aurora, quasi æmulus, & imitator illius non solum tempore Quarantene, sed ab ipsa pueritia semper consurgit, & hoc duplici causa, prima, vt multa, & graua illius negocia citius adimplerantur, totaq; Hetruria facilius gubernetur, nam, vt ait Esiodus,

Aurora tibi tertiam operis partem auget,

Aurora etiam iter producit, & opus,

Aurora apparens multos deducit in viam

Homi-

Homines, & multis iuga bobus super imponit.

Secunda, ut sanitatem tueatur, qua ut certius fruatur, continentiam, & exercitium cum vigilantia ita coniunxit, ut sicut funiculus triplex difficilè rumpitur, sic illius sanitas cum vigilantia, continentia, & exercitio simul colligata difficilè lèdi possit, Hipp. præceptum servans, quod lib. 6. Epid. ait, *Studium sanitatis non satietas, non pigritia.* Continentia est virtus circa corporis voluptates, & dolores, ut scribit Arist. in Eth. quæ quidem virtus in Serenissimo Ferdinando maximè lucet, cum circa cibum, & potum adeò continens sit, ut nunquam ad satietatem comedat, & bibat, sed tantum comedit, & bibit, quantum sola vita requirit, & virtus postulat; nec cibum sumit nisi post desiderium certum, *Cum nihil sit deterius, quàm mittere nutriendum super aliud nutriendum, quod non sit digestum; nec cibo ita repletur, ut non sit ibi locus superfluo reliquijs desiderij adhuc in anima remanentibus,* sicut monet Auic. Cibi, & potus quantitas ab nullo Medico præscribi potest, sed sola natura illam nos docet, nam si corpus sanum est, natura tantum appetit, quantum coquere potest, tantum autem coquit, quantum appetit, cum appetentia coctioni respondeat. Simi-

D d liter

liter dicendum est de somno, natura enim in corpore sano somni terminum præfinit, & tunc cessat somnus, quando corpus illo non amplius eget, vt Gal. ait: Quod si corpus non sit sanum, tunc natura plus, aut minus appetit, quàm coquere possit, & plus, aut minus corpus dormit, quàm opus habeat; vnde plus, aut minus appetere, quàm concoqui possit, & plus, aut minus dormire, quàm sit opus, sunt morbi signum. Serenissimus Ferdinandus continens dici debet, quia tantum sumit, quantum appetit, & tantum appetit, quantum coquere potest neglecta penitus voluptate, & satietate sanitatem solam, virtutemq; respiciens. Exercitio etiam sanitati necessario vitur, & illo quidem opportuno, temperato, & optimo, istud enim valdè iuuat, sicut importunum, nimis forte, vel nimis debile valdè nocet. Exercitium optimum est, quando corpus exercetur, & anima simul oblectatur. & ideo multi sola voluptuosa exercitatione à morbo liberati sunt, vt Galen. docet. Exercitium etiam optimum est, quando omnes corporis partes moventur, & quando ad libitum augeri, vel minui, & quando ad libitum magis vna, quàm alia pars moueri potest, ac non omnes partes simul moueri debent,

bent, nam vna quiescere, alia autem moueri
debet, itaut dum vna quiescit, alia moueatur,
& dum vna moueatur, alia quiescat, vnde om-
nes corporis partes moueantur, & quiescant,
at non omnes simul moueantur, & quiescant.
Tale exercitium est ludus parvæ pilæ, venatio,
equitatio, & similia, & ideo antiquitus leges iu-
bebant, vt Imperatores, & Duces attenti essent
voluptuosa exercitationi, & gloriæ cupiditati
coniunctæ, vt est venatio, equitatio, & ludus
parvæ pilæ, nam sicut faciunt ad sanitatem cor-
poris, sic & ad prudentiam, discunt enim insi-
diari, obcupare, obcupata rueri, & alia huius-
modi. Ludus parvæ pilæ est exercitium lauda-
bile, & viri clarissimi illo semper delectati sunt,
cum sit exercitatio propria virorum nobilium,
& Alexander Magnus illo valdè delectabatur,
vt scribunt nonnulli. Summè laudabilis est
etiam ludus ille Florentiæ adeò frequens, &
consuetus pillularum lignearum, vulgò dictus,
Gioco delle pallottale, qui quidem ludus omnes
conditiones superius allatas in se continet.
Exercitium non solum est ipsius corporis, sed
est etiam ipsius animæ, & illud nihil aliud est,
nisi cogitatio, & discursus, qui quidem est ani-
mæ, sicut est corpori motus, & ideo dixit Hipp.

Dd 2

lib. 6.

lib. 6. Epid. *Animę deambulatio cogitatio hominibus.*
His omnibus exercitijs utitur Serenissimus Fer-
dinandus, illisq; delectatur. Dubitari potest,
an exercitium conueniat etiam corporibus sa-
nis? Respondemus cum Arist. lib. 2. de Cęlo,
quod corpora sunt triplicia, aut enim sunt om-
nino sana, nihilq; recedunt ab optimo tempe-
ramento, aut parum recedunt, aut multum re-
cedunt; corpora, quę nihil recedunt, nullo
egent exercitio, cum sint optimo temperamen-
to prędita; quę parum recedunt, paruo etiam
egent exercitio; quę multum recedunt, multo
etiam indigent exercitio. Sunt autem aliqua
corpora ab optimo temperamento adeo remo-
ta, ut nullum illis exercitium conueniat, immo
potius illis noceret, cum alio remedio indigeant,
ut euacuatione, aut alio maiori remedio, ut ibi
Arist. docet. Dubitari etiam potest, cur exer-
citium calorem naturalem auget, medicamen-
ta autem calida à Medicis exhibita calorem na-
turalem in egris non augent? Respondemus,
quod exercitium est optimum, quia calorem
naturalem, spiritusq; naturales auget; spiritus
autem, & calor naturalis auctus sunt eiusdem
speciei cum primo calore, primisq; spiritibus
naturalibus, qui quidem aucti perfectiores red-
dunt

dunt omnes suas operationes; at calor medicamentorum est corpori aduentitius, nec calori naturali similis, nec eiusdem speciei cum illo, vnde non iuuat, immo nocet, vt ipsa experientia docet, nam Medici suis medicamentis calidis corpora adurunt, calorem autem naturalem non augent, neq; conseruant, sed manifestè diminuunt.

102 *Seruato decoro equitando sepe totam Ciuitatem perlustrabat.*

Decorum est, vt ait Cicero, quod consentaneum sit hominis excellentiae in eo, in quo natura illius ab reliquis differat; dicitur autem decorum ab eo, quod decet. Serenissimus Ferdinandus decorum seruabat, nam omnes illius actiones excellentiam, & maiestatem suam decebant, & dum equitando tum sanitatis, tum dignitatis gratia totam Ciuitatem, omniumq; actiones perlustrabat, decorum suum seruabat, non enim clausis pauperibus, vt instrumentum seruando, sed vt prima causa, & primus author Quarantena Illustrissimis Senatoribus alijsq; viris nobilibus iubendo imperabat, & eminentissimè nihil agens omnia peragi dabat, & illius imperio omnia nobiliter agebantur.

103 *Et illo praetereunte resonabat laudibus aether,*

etc.

iteratisq; laudibus pauperes clausi ad Cælum vsq;
illum efferebant.

Omne laudabile ideo laudatur, quia qua-
litate aliqua præditum est, & ad aliquid refer-
tur, quod verè bonum, & honestum sit, sicut
sunt virtutes, quæ ob actiones, & opera bona
laudari solent; sicuti etiam sunt viri boni, qui
ob virtutes, bonasq; illorum actiones laudan-
tur, nam *Virtutis est laus*, vt scribit Arist. in Eth.
Laudabilis summopere est Serenissimus Ferdi-
nandus, cum sit nō solum bonus vir, sed etiam
optimus Princeps, omnibus virtutibus, opti-
misq; actionibus insignitus; & hinc fuit, quod
pauperes clausi (ne ingrati viuerēt) prætereun-
tem illum laudabant, multiplicatisquē, nedum
iteratis laudibus, vocibus aliis nomen illius ad
Cælum vsq; adeo efferebant, vt totus aer laudi-
bus illius resonabat.

104 Et illi salutem præcantes, valdeq; claman-
tes dicebant, valeat, valeat, viuat, viuat Serenissimus
Ferdinandus.

Pauperes clausi non solum summis laudibus
prætereuntem illum ad Cælum vsq; ferebant,
sed quia laudes illæ meritis suis erant longe
minores, ideo laudum defectum compensan-
tes salutem illi à Deo precabantur, & vt sani ta-
tem,

tem, vitamq; longeuam consequeretur, magnis clamoribus dicebant, viuat, viuat, valeat, valeat.

101 *Rustica Quarantena fuit etiam concelebrata.*
Cum politicam Quarantenam satis plenè Historicus descripserit, nunc rusticam etiam simul concelebratam scribit, sed ita quidem breuiter, vt vix illam aggredi videatur, quin immo culpandus est, nam, aut defecit in necessarijs, aut abundauit in superfluis, aut obliuiosus fuit, cum enim superius dixisset, quod duplex fuit instituta Quarantena, altera politica, altera sacra, cur rusticæ non meminit, si celebranda erat? Cur etiam meminit sacræ, & non describit illam? Respondemus, meminit sacræ, quia concelebrata fuit, non describit illam, quia rerum sacrarum descriptio superat caput illius. Non meminit rusticæ, quia politicæ meminit, quæ rusticam in se continet, cum rustica sit pars politicæ. Quod autem politica rusticam in se contineat, patet, nam scribit Arist. lib. 7. Polit. *Rustici sunt pars Ciuitatis, & sine rusticis non potest esse benè instituta Ciuitas, & numerando partes, quibus Ciuitas constare debet, sex illas esse asserit, agricolas, artifices, milites, diuites, Sacerdotes præcipuè*
& lu-

& Iudices, sine quibus non potest esse bene constituta Ciuitas, cum sint Ciuitati necessariae. Cum igitur rustici sint pars Ciuitatis, & politica omnes Ciuitatis partes in se contineat, ideò Historicus politicam solum nominans rusticam etiam simul nominauit, & amplexus est. Quoniam autem politica ciuilis descripta fuerat, politicam rusticam etiam scribere decens erat.

106 In qua pradium colentes in pradio, operarij in terminis ducentorum passuum à domu propria clausi erant.

Diximus cum Arist. in politicis, quod rustici sunt pars necessaria Ciuitati, cum sine illis nulla possit esse bene instituta Ciuitas, necessitas autem est ob alimenta, si ergo rustici sunt pars Ciuitatis necessaria, (quia sine alimento Ciuitas esse non potest) rationabiliter Sanitatis Praesides statuerunt, vt rustici pradium colentes in ipso pradio clausi essent, nam si in proprijs domibus in Quarantena ciuili rustici clausi fuissent, nec pradium colere, nec alimenta Ciuitati conferre potuissent, vnde Ciuitas insufficiens sibi fuisset; ac in pradijs clausi vtrumq; praestare poterant. Operariorum est eadem ratio, cum sint agricolae, & pradij colentium coadiutores,

107 Unus

107 *Unus exire poterat, sed neq; mulier, neq;
puer; ingredi autem nullus nisi necessario.*

Sicut omnia noua placent, sic omnia vetera fastidiunt, ut est in prouerbio. Verba ista in Quarantena politica satis explicata fuerunt, & ideo fastidium illorum euitantes, & ut vetera omitentes illud potius quæramus, cur omnia noua placent, vetera autem fastidiunt? Respondemus, quod finis, & perfectio ipsius intellectus sunt ipsum intelligere; & intellectus, dum intelligit, voluptatem habet, quia finem, & perfectionem suam acquirit, vnde voluptas; hoc autem fit, quando intellectus noua intelligit, circa quæ intensè operatur, ut perficiatur, intensam illam operationem intensa sequitur voluptas, voluptas autem intensa perficit operationem: Sed quando intellectus vetera considerat, tunc nihil de nouo intelligit, nec intensè operatur, nec ullam voluptatem, nec perfectionem acquirit, cum iam iam prius illa intellexerit, & voluptatem, perfectionemq; in principio suscepit, & ideo quando intellectus nihil de nouo, sed vetera solum intelligit, non solum voluptatem, & perfectionem adipiscitur nullam, immo fastidium recipit inde, nam omnia, quæ vno, & eodem modo semper se habent,

E e gene-

generant fastidium, vt ait Arist. Noua itaq; cum sint finis, & perfectio intellectus, delectant, siue bona, siue mala sint, cum tam scientia boni, quàm scientia mali sit finis, & perfectio ipsius intellectus, vt vtraq; scientia intellectui suavis sit, quia vtraq; illum perficit, & ille ad vtramq; æquè se habet, nec dici debet scientia mala, quia sit scientia mali, nec scientia bona, quia sit scientia boni, vtraq; enim bona est, quia vtraq; est finis, & perfectio intellectus, qui ab vtraq; voluptatem, & perfectionem æquè accipit. Voluntas est, quæ bona, aut mala dici meretur, nam si vult bonum, dicitur bona voluntas, si vult malum, dicitur mala voluntas. Differunt igitur intellectus, & voluntas, nam intellectus nunquam dicitur malus etiam si malum intelligat, voluntas sola dicitur mala, quandò malum vult.

108 *Alimentum dabatur operarijs tantum, & erat Panis triticeus.*

In Politica Quarantena tam nobiles, & diuites, quàm ignobiles, & pauperes proprijs in domibus clausi erant, & sicut illis alimentum nullum, sic istis multiplex dabatur, vt dictum fuit. In rustica Quarantena tam colentes prædium, quàm operarij clausi erant, & sicut illis nullum,

nullum, sic istis alimentum simplex dabatur,
quod erat Panis triticeus solus; Panis autem so-
lus erat, quia solo Pane nutriri operari confue-
ti sunt, tanquam illis à natura institutus, & ideo
paruo illo cibo vescuntur, illiquè assueti sunt;
vnde Virg. in Georg. cecinit,

Et patiens operum, paruoq; assueta iuuentus.

Assueti sunt rustici solo Pane nutriri, quia, vt
dictum fuit, solus Panis est cibus proprius ho-
minis, illiq; à natura destinatus, & ideo rustici
solo Pane vescuntur, quia secundum ordinem
naturæ viuunt; vnde Seneca dixit, *Panem, &*
Aquam natura nostra desiderat, & nemo ad hæc pau-
per est, interque quis quis desiderium suum claudit,
cum ipso Joue de felicitate contendit, & addit, Pa-
rabile est quod natura desiderat, natura enim est pau-
cis contenta.

109 *Ab viris nobilibus similiter distributus,*

Si in Quarantena politica viri nobiles ali-
mentum illud multiplex pauperibus clausis di-
stribuebant, multo magis in rustica viri nobiles
alimentum simplex rusticis operarijs distribu-
re debebant, & ratio est, quia nobilior est po-
pulus rusticus populo ciuili, non solum enim
populus rusticus est pars Ciuitatis, sicut est po-
pulus ciuilis, & sine illo etiam non potest esse

E c 2 benè

benè instituta Ciuitas, sed est etiam omnium
populorum antiquissimus, immo est omnium
populorum optimus; vnde Arist. lib. 1. Polit.
dixit, *Optimus populus est ille, qui ex agricolis con-*
stat. Virgilius etiam in Georg. laudans agri-
colas cecinit.

O fortunatos nimium (sua si bona norint)
Agrícolas, quibus ipsa procul discordibus armis
Fundit humo facilem victum dulcissima tellus,
His secunda quies, & nescia fallere vita.
Peractis Quarantenis, deleto Contagio, do-
micibusq; reclusis, tam nobiles, & diuites, quam
ignobiles, & pauperes, tam foeminae, quam pueri,
tam ciues, quam rustici paulatim omnes liberi facti
sunt.

Sicut finis est principium omnis motus, qui
sit ad illum finem antequam habeatur, sic ha-
bito fines cessat omnis motus, qui sit ad illum
finem, & ille sit vltimus finis; fuit semper vl-
timus finis, vt Contagium radicitus euelleretur,
& ad hunc vltimum finem omnia semper
acta fuerunt, ideo deleta Contagio omnes
clausi, reclusis domibus, liberi facti sunt: Pau-
latim autem, & non omnes simul liberati fue-
re, nam prius Quarterium vnum, postea aliud,
prius homines, postea mulieres, & pueri, prius
mu-

mulieres nobiles, postea ignobiles liberæ factæ fuerunt, magis enim suspecta nouissimè per-
mittebantur.

Numerus eorum, qui in hoc anno quouis mor-
bo, quouis loco, siue intra, siue extra per tria milia-
ria circa Urbem, curati, & non curati mortui sunt,
nouem milia vix completus fuit.

Ut Serenissimi Ferdinandi, & Sanitatis Præ-
sidum laudabiles ordines, inculpatissimæ dili-
gentiæ, optima instituta, omnium ministran-
tium exactissima obedientia, & seruitus, om-
niumq; Medicorum rectissima curatio clarius
elucescerent, numerum omnium, qui in hoc
anno, quouis morbo, quouis loco, siue intra,
siue extra per tria miliaria circa Urbem mortui
sunt, Historicus addidit; numerus autem no-
uem milia vix compleuit sicut ex publico mor-
tuorum catalogo videre est. Et certè in Ciuita-
te adeò magna, vbi tot sunt pauperes, numerus
ille non solum parvus, sed minor etiam est,
quàm quod credi possit. Nec dicat aliquis,
quod parvus ille numerus mortuorum mor-
bos illos fuisse non contagiosos indicat, nam
sanati etiam, qui plures, quàm mortui fuere,
sunt connumerandi. Præterea, non ex nume-
ro mortuorum, sanatorumquè, sed ex idea
morbi

morbi morbus iudicandus est. Nec valet illud
consequens, multi pereunt, ergo morbus est
contagiosus; nec illud etiam, pauci pereunt, er-
go morbus non est contagiosus, multi enim
morbo lethali, sed non contagioso, & pauci
morbo, & illo contagioso perire possunt, im-
mo contagium ipsum non solum in paucis, sed
in vno etiam solo indiuiduo seruari potest.
Nec est par ratio Pestis, & contagij, nam vera
Pestis fit ab aere corrupto, qui est causa vniuer-
salis, & ineuitabilis, & ideo omnes, aut pluri-
mi moriuntur; at in Contagio non semper plu-
rimi moriuntur, cum fiat ab causa particulari,
quæ quidem euitari potest; vnde non ex nu-
mero mortuorum, sed ex idea morborum mor-
bi semper diudicandi sunt.

112 *Sacram Quarantenam sacra persona de-
scribet.*

Si sacram Quarantenam sacra persona de-
scribet, sacra etiam persona illam explanabit,
nos enim sacris literis operam nullam dedi-
mus.

FINIS.

Admo-

Admodum Reuerendus Dominus Antonius Nellius
Canonicus Florentinus Videat, an in hoc opere
aliquid contineatur, quod pietati christianæ, seu
bonis moribus repugnet, nobisq; inferius refe-
rat, 20. Febr. 1631. ab Incarn,

Petrus Nicolinius Vicarius Generalis
Florentiæ,

Reuerendis. Domine, vidi, ac perlegi huius-
modi opus Historiæ Morbi cōtagiosi, cuius
auctor Alexander Righius, in quo nihil,
quod pietati christianæ, seu bonis moribus
repugnet, inueni; in quorum fidem ego
Antonius Nellius Canonicus Florentinus
manu propria scripsi, die 15. Martij 1631,
ab Incarnatione.

Imprimatur Florentiæ ordinibus consuetis seruatis,
18. Martij 1631. ab Incarnatione.


Petrus Nicolinius Vicarius Generalis
Florentiæ,

Impri-

224
Imprimatur. Die 27. Martij. 1632.
F. Clemens Egidius Inquis. Gen. Florentiae.

Sebastianus Cellesius.

INDEX



INDEX



- A**ER bonus qui, 17. 18.
Aer inclusus, strangulatorius est, 142.
Agonia quid, 151.
Alexipharmaca an sanis conueniant, 148. 149.
Animalia quae pugnent, et cur, 74. 75.
Aqua facillimè alteratur, et corrumpitur, 57. 58.
Aqua est tenuium partium, 58. 59.
Aqua est vehiculum vinis, 69.
Artes non habet homo à natura, 29.

F f Artis

Artis principium est intellectus noster, 21.
Aries sunt remedium necessitatum, 21.
Aries omnes non habent homines omnes, 32.
Autumnus pessimus cur, 2. 3.
Aurora beneficia, 208.

B

B *ireti usus malus, 30. 31.*
Bona minora quæ, 56.
Bona maiora quæ, 56.

C

C *anis symbolum Pestis, 70. 71.*
Canis rabies simillima Pesti, 71. 72.
Canis primus Pestem sentit, 72.
Canes, & feles cur inimici, 74.
Calor febris est naturalis, 94. 95. 96. 97.
Capræ tempore Pestis pinguescunt, 162.
Cibus triplex est, 176.
Cibus sapidus est semper concedendus, 197.
Civitas non potest esse sine artibus, 20.
Civitas an debeat esse magna, 81.
Civitas an debeat habere menia, 76. 77.
Contagiosus morbus multiplex, 8.

Contag-

Contagium quid, 60.

Contagium sumitur per omnes quinque sensus, 61.

Contagium est probandum, 93.

Contagij fomes quandiu seruatur in rebus, 164.

Crisis non fit post dies 40. cur, 187.

D

D*ieta quid, 22. 23.*

Dietae laudes, 23. 24.

Dieta si non esset, ars Medica non esset, 24.

Dieta respicit ociosos, & diuites, non autem pauperes, 24.

Dieta non erat tempore Aesculapij, 28.

Diei septimi laudes, 184. 185.

Dies quadragesimus omnium acutorum morborum finis, 186. 187.

Decorum quid, 213.

Diuites sunt Dijs gratiores, quam pauperes, 206.

Dominus, & seruus sunt ab natura, 41.

E

E*xercitium optimum quod, 210. 211.*

Exercitium an sanis conueniat, 212.

Experientia, ars, & scientia coincidunt, 37.

F f 2

Febris

F

Febbris datur corde frigidus, 95.

Febbris emittitque difficile sanatur, 99.

Finis est principium motus, 220.

Florentia Ciuitas summe Catholica, 165. 166.

Febris hectica cur incurabilis, 101. 102.

Febris subiectum sunt partes solidae, 106.

Felix, & fortunatus coincidunt, 159.

Fomes non est morbus, sed causa morbi, 60.

Fortuna vitam beatiorem reddit, 159.

Fortunatus an sit à natura, 159.

Ferdinandi Secundi laudes, 6. 33. 34. 44. 82. 208.

G

Gallicus morbus nunquam fit ab causa interna, 9.

Gallicus morbus nunquam fit ab aere corrupto, 9.

Gaudij laudes, 168.

Gaudio aliqui perierunt, 168. 169.

Gaudium impinguat corpus, 168.

Gaudium magnum occidit, 168.

Jma-

Imaginatio quantum possit, 61.

Imaginatio causa Pestis, 63.

Individuum quid, 170.

Ignorantia potentium deterrima est, 5.

Inconstantes morbi qui, 15.

Inconstantes homines omnes mali, 16.

Inconstans homo quis, 16.

Incontinentia quid, 25.

Incontinentes facile fiunt homines, cur, 26. 27.

Incontinentia vituperanda est, 25. 27.

Incontinentes non sunt curandi, 29.

Ira est cum dolore, 152.

Ira nemo perit, 168.

L

Lazzarelli curas, 82.

Lazzarelli multiplicatio, 139. 140.

Laudabile quid, 214.

Liberalitas quid, 43.

Liber homo quis dicatur, 205.

Luna maxime agit in hac inferiora, 180.

Luna observanda est à Medico, 181.

Luna

Luna termini non sunt observandi, 182.

Lupus Pestem portendit, 71.

M

Magnificencia quid, 43.

Magnanimitas quid, 43.

Magnanimitas omnes virtutes antecellit, 43.

44.

Magnanimitas est decus aliarum virtutum, 44.

Magnanimo nihil est magnum, 44.

Medicus non debet accipere mercedem, 36. 37.

Medici turpe lucrum, 36. 37.

Medicina cur finem suum non consequitur, 48. 49.

50. 51.

Medicina est scientia amoris, 65.

Medicina, & amor coincidunt, 65.

Medicina non prorogat vitam, 157.

Medicus quatuor praestat circa corpus humanum,

44. 45.

Medicus expertus est, qui in se ipso expertus est,

39.

Medicus debet esse fortunatus, 40.

Misericordia, & pietas cur in animis hominum,

22.

Mor-

Morbus contagiosus cur fuerit super pauperes, & egenos solum, 10. 11.

Morbi occulti, neq; à natura, neq; à Medico sanantur, 46.

Morbus non est semper constitutio corporis præternaturam, 172. 173. 174.

N

N *atura nulli rei dat nomen, 79. 80.*

Nomen verum est imago essentia, 80.

Nomen verum est idem apud omnes gentes, 80.

Nomina vera non sunt ad placitum, 79. 80. 81.

Nomina non vera sunt ad placitum 79. 80. 81.

Nobilitatis signum est, seruos habere nobiles, 207.

Noua omnia placent, cur, 217. 218.

Numerus mortuorum in hoc anno, 222.

Numerus mortuorum, aut egrotantium non indicat Contagium, 221. 222.

Nullum paucum bonum, 19.

Numen Diuinum cooperatur arti, 182.

Odiu

Oleum est sine dolore, 112.

Oleum est condimentum, 194.

Oleum inpinguat hepar, 194.

Oleum temperatum est, 194.

Olei laudes, 194.

P

Panis cur omnibus placet, 195.

Paupertas est præter naturam, 206.

Paupertas morbos exitiales parit, 193.

Pestis cur raro in Italia, 7.

Pestes duæ simul esse non possunt, 7.

Potentia sine sapientia malus obest, 5.

Potentia sine sapientia quò maior est, eo est etiam
perniciosior, 5.

Principes honorare debent sapientes, 5.

Principes debent esse sapientes, 5.

Principum merces sunt laus, & honor, 6.

Pudorem, & iustitiam habere debent homines om-
nes, 35. 36.

Putredo constat duplici calore, 17.

Pythagoras virtutem in numeris posuit, 184.

Pythagoræ laudes, 184. 185.

Quadra-

Q

Quadragesimus dies acutorum morborum decretorius est, 186.

Quarantena cur instituta, 188.

Quarantena duplex, cur 188.

Quarantene ordo, 189. 190. 191. 192. 193.

Quarantena rustica, 188.

Quarantena politica, 189.

R

Remp. recte gubernare est donum Dei, 6.

Relapsus quid, 53.

Relapsus peior sua radice, 55.

Resurrectio ex Platone, 162. 163.

Respirationem dedit natura ad duo, 140.

Rustici sunt pars Ciuitatis, 215. 216.

Rustici solo Pane vescuntur, cur, 219.

Rusticus populus omnium optimus, 220.

Rusticus populus est omnium antiquissimus, 220.

G g

Sanitati

S

- S**anitati nemo humanè imperat, 35.
Sanitas imperat, 35.
Sanitas bonorum humanorum primum, 56.
Sanguinis missio nunquam conuenit, 112. 113. 114.
115. 116. 117. 118. 119. 120. 121.
Sanguinis missio non est remedium rationabile, 112.
Sapientia, & potentia coincidunt, 5.
Sapientia sine potentia parum prodest, 5.
Sepultura qui digni sint, 126. 127. 128. 129.
Senectus est secundum naturam, 205.
Structio cur digerit aurum, & ferrum, 203.
Sudauit sanguinem Christus, cur, 152.
Suspecti qui, 177.

T

- T**heriaca non est remedium rationabile, 111.
112.
Tempora intempestiua quæ, 13. 14.
Tempora inconstantia quæ, 15.
Timore aliqui moriuntur, 147.
Transpirationem dedit natura ad duo, 140.

Vindi-

V

V Indicta dulcis est, 153. 154.

Vinum olygophorum cur facillimè acescit, 64.

Vinum nouum vile, 66.

Vinum inter saxa genitum cur generosum, 67.

Vinam in planicie genitum cur olygophorum, 67.

Vinum nouum cur minus inebriat, 68.

Vinum dulce cur minus inebriat, 69.

Vinum est vehiculum aquæ, 69.

Vini est vehiculum aqua, 69. 70.

Vinum generosum cur adeo cordiale, 196.

Vitia duo faciunt vnam virtutem, 198.

F I N I S.

Sicut Sol sine radijs , sic Typus sine mendis
esse non potest : Siquid in hoc opusculo
castigari meretur , benigno Lectoris iudicio
illud committimus : Solum notatu di-
gnum iudicauimus ,

Pag. 22. Vers. 6. Stantior Lege praestantior

R E G I S T R V M.

† † A B C D E F G H I K L M N O P Q
R S T V X Y Z. A a B b C c D d E e
F f G g.

Omnia sunt folia simplicia.



F L O R E N T I Æ,

Ex Typographia Francisci Honufrij. 1633.
Ad Scalas Abbatix.

Ex consensu DD. Superiorum.

WILLIAM
1440
1440
1440

1440



1440

1440

